



Даргала
жалкыла
жабуртм

ДАРГАЛА ХАЛКЪЛА ХАБУРТИ

МЯХІЯЧКЪАЛА ДАГЪУЧПЕДГИЗ

1989

82. 3(2)
ББК Д 20

Цалабахъибти— ЗАГЪИР МЯХІЯММАДОВ
ВА ФАТИМА ГІЯЛИЕВА

Даргала халкъла хабурти, — Махачкала: Дагучпедгиз,
1989. — ...С.

Даргинские народные сказки Сост. Магомедов З,
Алиева Ф

Д 4803018024 — 57
М 124(03(— 89 — 60 — 89

© Дагъучпедгиз, 1989

ХАЛКЪЛА ХАБУРТИ

Хабар халкъла мухїлила пагъла ца жура саби. Ил акїубси саби адамти акїниличил барх ва наслулизибад наслулизи гїеб-башули мяхїкамбиубси саби. Хабар далай тяхїярли бучїуси ахїен, буруси саби, илизиб сюжетра лебси саби. Хабуртазиб ил сюжетра дебали тамашали каргъурли бирар. Хабарлизир бекї геройли халати гъунарти дирули сай, ва лерилра къиян-жапа-лизивад увулхъули сай. Халкъла хабарлизиб сюжет гїеркъабил-тїули ахїен. Илизиб тїабигїят камли чебиахъу, анцїбукълуми хъярхъли дашули сари.

Бурусилисра, лехїирхъусилисра хабурти гїямрулизир хїеди-убтиван, гїямрулизирад гъарахътиван дилзан, ца ити дурути анцїбукъуни сари или гъанбиркур. Ил багъандан саби илдас къянала хабурти или бикїутира. Амма анцїбукъ сецад или биалра, хабурти адамла гъарли-марти гїямруличил уржили дархдаси сари. Илала дурабад гъарил хабарлизиб гїямрули-чи, хїякьикъатличи асарбарес къайгъи лебни чебаес вирар. Или-чибли аргъес вирар хабарлизиб насихїят, гїякълу бурили биъни-ра, адамтас бяркъ лугнила къадрира, балкїдешличибад бархъ-деш чедибиркули, бархъагардеш бируси танбихїлаварили чей-ахънира.

Хабуртазир, гїядатли биубли, мискин халкъла къиянти гїям-руличила цїумъала, бархъагардешличила зигаръала, талихїчер-ти гїямруличи хъул, зулмукартачибси халаси гъими, бархъдеш-гїебли дурабуркїуси дяви, Ватїайчи диги чедаахъили дирар. Илдачирли сари гъарил миллатла халкъанала хабурти мешудир-кути.

Даргантала ургар мицїирагличила, сихїрула ва бекїахъудила хабурти имцїали къаршидиркули дирар. Сари акїни хїясиб-ли мицїирагличила хабурти жяв заманадичирадал, адамти гїяярличи башули яшав бирухїелил дакїудиубти сари. Ишди хабурти акїни адамти чучи гїяярбашути жанивартала хасияту-ни, хїял-тїабигїят дяркъниличил дархдасунти сари. Замана ар-бякълунхїели, адамтани ил бархбасличила хъумкартурли, мицїи-рагличила гъайдикїути хабурти цараван иргъутири. Бекї бархїи дагъри камси замана, адамтани чус мартиван дилзули дурибти пикруми, кїинайс, замана арбякьї, адамти имцїали дагъри-чебти бетаурхїели гїядатлати ахїентиван, хабуртазирцун къар-шидиркутиван хїисабдирутири.

Мицїрагличила хабуртазир кършидиркур бекІахъудиличил ва бузериличил дархдасунти анцїбукуни. Ил журала хабурти, цархІилтиван ахІи, къанни акїубти дїѣнила бикъруми сари илди.

Мицїраг хабуртазир адамтиван гъайдикІар, адамла хасиятунни ва санигІятуни дузахъу, адамти къяйда пикридикІар. Ил багъандан мицїрагличила хабурти чузиб халаси философияла мягІна бухІнабуцибти хабуртира сари. Илдазир камли ахІен жамигІятла гІямрула декІар декІарти масъулти ирзнила анцїбукунира.

Мицїрагличила цацадехІ хабурти сатиралати сари. Илдазир инсапагардеш, хІяагардеш, кїбяхІяндеш дукелцїиличи дїхъили дирар.

Мицїрагличила дурути халкъла хабуртазиб халаси мер бурцули саби гурдачила, бецїличила, гуглахІяйличила ва ц. хабурта.

Дахъалгъунти хабуртазиб гурда гІямултар, цархІилти жаниварти диргІякадурган саблин чебаахъили бирар. Бецї биалли зулмукарли, амма ахмахли чебиахъу.

Мицїрагличила хабуртазир гапдирули дирар хя, эмхІе ва урчи.

Нушала замана мицїрагличила хабурти чехибси мягІнализир иргъули дирар. Илдазир гъай мицїрагличила диалра, илди адамтала ургар кадиркутиван иргъули дирар. Илизиб саби мицїрагличила хабуртала къадрира.

Хабуртала бегІлара дахъал лишанти сунези духІнадуцибси жура саби сихІрула хабар. Гїядатлатили хІедирар сихІрула хабуртала бутІакъянчиби (жаниварти, арцанти, тІабигІят, вагъиг, сихІрукъяби). Хабуртазир кършидиркути мицїраг-жаниварти адамти къяйда гъайдикІар, илдани чула хужаимтас марси къуллукъ биру, халкълис дигиаурти геройтас кумекли урдулхъули сари тІабигІятла анцїбукулуми. Илдала кумекличибли геройтас дахъал къияндешуни дяхІаэс имкан лябкъули саби. («Урхъула урчи», «Букїун дурхІяра хІенкъула рурсира ва ц.).

Тамашала сари илди хабуртазир кършидиркути сихІрула секІалра: урцуси салмаг, дунъяличир кадиркути анцїбукулуми чедиахъуси дяхІимцІала, цІали иртуси аждагъа ва ц.

СихІрула хабурти акїубти сари жяв заманализир, классла общество акІайчи. Илди акІнилис хъулчилидиубтири итил дунъяличила, чус хъулчи агарти пикруми. СихІрула хабуртазиб кършибиркути цацабехІ геройти, илдала кумекчибили диубти жаниварти, арцанти ва декІар-декІарти сихІрула ваяхІ, шакдеш агарли, дебали жявли адамти тІабигІятла гъарил секІа жанлерниличи бирхуси, тІабигІятла цацадехІ анцїбукунас сужда бируси замана дакїудиубтири. Илдигъунти мифологияла лишан-

ти нушани чедаэс дирехІе Вагъиг хъуна, Хула абала, Бяжук — нешла ва цархІилти геройтала образуназир. Хабуртазир кадирукурти анцІбукъуни къяналати диалра, якъинси саби белгиси хІякъыкъатличил делшунти ва гІямрула анцІбукъуни хъулчилизи дуцили акІубти диъни. Адамти жяв замана хъулбикІутири гъаваличиб урцес, лямцІван хъярхъли гъуни ихъес, урхъула лутІикад башес. Илди халкъла хъулани духІнадуцили сари халкъла сихІрула хабуртанира.

СихІрула хабурти къиянна халкъла пикруми иргъахъутили ва илди гІердуцибтили кавлули сари. Ил багъандан саби илди хабуртазиб бархъдеш мурталра балкІдешличибад чедибиркули чебиахъуси. («Вазран»), мискин жанивартани, гІабигІятла анцІбукълумани кумекбирули («Иланхана гай»), хІиллакарти, къалпчиби, зулмукарти танбихІлабарили чебиахъуси («ГІяббас — Къуббас — пачала дурхІя»).

СихІрула хабуртазив бекІли виубси герой ца сай. Ил имцІаливан мискин халкъ балагълизибад, къиян-жапализибад уцахъусили чеахъили виар. Илини аждагъали дуцибти шин, аждагъа кабушили, азаддалтули виар.

ИмцІалин хабарла бехІбихъудлизив виштІаси узи бегІтанира, узбанира ахмахлизи халирули виар. Илис, мучлаагарварили, ПалдакІучІ бикІули бирар. Хабарла ахирлизив биалли, нушани ил, халаси гъунар барили, гъарли-марси игит сайлин чейхІе. Илини пачала рурси сархули сай, верхІел бекІла бегІ аждагъа кабуршули сай.

СихІрула хабуртазиб гІяхІцад мер бурцули бирар хъунул адамла образлира. Ил дахъалгъунти хабуртазир гІякълучерсили, духусили, марсили чериахъу. Илизиб сихІрула пагъра бирар. ХІера, илгъунали чериахъули сари ГІяйшат «БукІун дурхІяра хІенкъула рурсира» бикІуси хабарлизир.

СихІрула хабуртазир лер халкълис хІейгути геройтала образунира. Илдигъунти саби Вагъиг, хулаба, аждагъа, убай неш, Вагъигла рурси ва цархІилти хабуртазиб хІейгути геройтани чебиахъули саби халати КІелра узи. Илди чебиахъу къястили, убяхІтили, ламарттили, Чула пикруми детерхахъес багъандан, халати узбани виштІал узис ламартдеш диру.

Къанни акІубтази халдирути сари бекІахъудила хабурти ва анекдотуни. Илди хабуртала герой сихІрула хабуртала геройван гъарахъти улкназив хІерируси, сихІрула пагъ лебти жанивартала юлдаш ва сихІрула секІултала вегІ ахІенну, ил нушани гІяхІил валуси, нушачил дарх гІямру дуркІуси гъабзара, букІун — хІенкъула сай, яра дубурлан хъунул адам сари. БекІахъудила хабуртазиб гІяхІцад мер бурцули саби сатирали ва масхарали: хабуртазир цІахдарили, дукелцІиличи душили диар адамла вайти хасиятуни: къяна бурни, ахмахдеш, варскъа-

деш, симсирдеш, хъямхІядеш ва хъяулкидеш. Пуждарили цІах-диру кьаднала уряхІти баркхудлума, чулира давлачебти гІеб-бурцути, балтІа илди хабуртазиб мас-мулка бегІти, урхІла къиян буканти ханани, талхъунти, гъимиличил гъайдикІар ил-ди ватІанна душмантаци, гъармукабачи къаршили («Рухънара кьадира», «Даршал тІерхъа», «Малла ва хъубзара», «Маллала саламти»).

Даргала фольклорлизиб гІяхІцад мер бурцули саби Малла Насрединнича хабуртани, сарира Востокла, Кавказла дахъал улкнази тІинтІдиубти. Илди хабуртазив Малла Насредин чей-ахъули сай гІяхълучевсили. Илини мискин адамти гІеббурцу-ли сай, давлачебти, кьадни, маллуби балтІули («МехІуртала лугІи», «Малла Насрединра кьадира») ва ц.

Халкъла хабуртазир лер ишдигъунти лишанти: имцІалин ха-бар бехІбирхъур «Буили саби, буили саби...», «Лебли саби, леб-ли саби...»), таманбирар ишдигъути гъайличил: «Гъаннара итаб хІербирули теб, бикІар», «Гъаннара илди букули, бужули тебал, бикІар», «Итаб илди калун, ну иша вакІира».

Халкъла хабуртазиб имцІаливан секІал хІяйна тикрарбиру: хІябал гъуни, хІябал узи, хІябал рузи, хІябал гъунар ва ц. «СухІнат ва гурда» бикІуси хабарлизиб гурда СухІнатличи хІяй-на бакІили саби, хІяйна бякъи саби ил талхъайчира. Халкъла хабурти, гъар миллатлизир сецад лугъатла мез лердиалра, ил-ди лугъатла мезли дурули дирар.

Пагъмукар хабарла уста хабарла геройли ветарули вирар. Ил хабар буруси замана хабарла геройличил варх хумарирар, разиирар, хабар буруси замана сунела хабар вяхІла лишанта, някъбала, биркІантала ишарабачил чебирцІахъу, илала мягІна цІакъбирахъу, хабарлизир детарути анцІбукълумала бутІакъян-чили ветарар.

Халкъла хабурти белкІла литература гъалабахІ арбикнилис хъяулчили детарули сари.

З. ГІ. МЯХІЯММАДОВ



**Миц/ирагачична
жабурти**

Лебли саби, лебли саби ца гуглахІяй. Галгаличи аба-
ціли илини хІябал дурхІя даркьили сари. Ца бархІи
гуглахІяй лебси галгалиу беці бакІили «Ва гугла-
хІяй» бикІули саби.

«Гъай, гъай!» — бикІули саби гуглахІяй

«Иш хъу дила, хъу дила,

Хъучибил галга дила,

Галгаличиб хІу дила,

ХІеурти дурхІни дила,

ЛайкабакІа ца дурхІя!» — бикІули саби беці.
ХІера, хІера, вададай» или гуглахІяйли урухбиубли
сунела ца дурхІя лайкабакІили саби. ГІергъила бар-
хІира беці гІурра бакІили бикІули саби:

«Иш хъу дила, хъу дила,

Хъучибил галга дила,

Галгаличиб хІу дила,

ХІеурти дурхІни дила,

Мамбикишав, къацІбикишав?

ЛайкабакІа ца дурхІя!»

«ХІера, хІера, вададай» или гуглахІяйли урухбиуб-
ли кІіэсилра сунела дурхІя бецілис лайкабакІили са-
би. ХІябэсил бархІира беці бакІили бикІули саби:

«Иш хъу дила, хъу дила,

Хъучибил галга дила,

Галгаличиб хІу дила,

ХІеурти дурхІни дила,

Мамбикишав, къацІбикишав,

Кашии-ула дячишав?

ЛайкабакІа ца дурхІя».

«ХІера, хІера, вададай» или гуглахІяйли хІябэсил-
ра сунела дурхІя бецілис бедили саби.

Сабицун калунхІели, гуглахІяй пикрумазиб саби.
Иличи ца гурда бакІили саби. «Гъариб, гуглахІяй, се
биублив хІед, сен бисусири? — бикІули саби гурда.

— Се биэса, — бикІули саби гуглахІяй, — беціли
дила лерилра дурхІни дерги бисусира.

Гурдали беџличиб гьимиахъес къасбарили саби ва гуглахІяйзи бикІули саби: «Баши гъари, нуша шиикъала аркъехІену, хІеркІличи бихул хъутара гъаяра каса».

ГуглахІяйли гурдали бурибси къяйда хъутара гъаяра касили сари ва илди кІелра шиикъала ардякъи сари.

Гурдалира гуглахІяйлира шиикъала гъалаб сегуг баршили саби ва ярга барили кадулхъес дехІдихъили сари. Илди далайдикІули дуили сари:

ХІусвай, суллай, къардуллай,
Диркъанир мазара чедиула,
Дубрир хІяйвантира чедиула.

Илдала далайла тІама аргъили бакІили саби беџІ.
— Гъари, — бикІули саби беџІ, — илди чедаахъес иура сегугличчи абатабая гъари. Гурдалира гуглахІяйлира беџІ абатурли саби. БеџІ бикІули саби: нуии я маза я хІяйванти чедиули ахІеира. Гурда бикІули саби: ХІяйвантира мазара чедаэс дигули биадли, кІелра хІулира чедихъили, кІелра някъра кІапІдуцили, кІелра къашра удуцили биругІебли хІусбухъен. БеџІ тятп ил гурдали бурибси къяйда хІусбухъи сабигу, бекІ къагъбиубли пахъ или ухълау убяхІбилики баргбердили саби.

БеџІ баргбердибхІели, илала каниларад гуглахІяйла хІябалра дурхІя дурадухъи сари. БеџІла гулила гуглахІяйла дурхІиас хІякии дарили сари. Къиндиркъиндир къабача, къаида буџІала хІяка, хІяв буџІала дулгъуби или далайдикІули, дулхъули итар гуглахІяйла дурхІиира калун, иша иура вакІира.

УРКЪАТІАЙРА, ЛАГАРТІАЙРА, ХІЕДАГЪРИРА

Лебли буили саби, лебли буили саби ца эмхІе. Илини хІябал дурхІя даркъили сари. Цалис УркъатІай бихъили саби, кІиэсиллис — ЛагартІай, хІябэсиллис — ХІедагъри.

Ца бархІи дурхІнас шин хес эмхІе хІеркІличи ши-
чи арбякы саби. Шинни дицІибти кІалтІиира кыакъ-
личи чедихыли сабира эмхІе сунези сунени багыла-
багылалы далайра белчІи хыули чарбиубли саби.

Гыунчиб хапли хабарра агарлы иличи гушси бецІ
кыаршибикили саби. Гыанна бикири хІу набзи, бухъ-
на тІакыа или бецІ эмхІе бергес алавбухы саби. Ил-
хІели эмхІе бисибиили саби ва бецІлизи бикІули са-
би: «ва дила пачяхІ, се дирутив хІед дила духына ли-
губи, баши набчил барх, хІед нуни дила хІябалра
дурхІялизибад хІед дигусигыуна лугасну» .

БецІ бухына эмхІели ибсиличи бахъ разибиубдеш-
ли, жагыси цІерхыси дяга сунес биркни пикрибариб-
хІели, кыак шутра бицІили саби.

Дахыал чедаибси ва дахыал дагыурси эмхІе бикІу-
ли саби: «Дила ахІер, хІед ну бухына эмхІечил багы-
лалы башес анцІбулкыанну, ит кыантІси гыуникад би-
кили дила дурхІначи букыен ва илдала уми ахыли,
гыардакІахыли хІед дигусигыуна бикІа.» ЭмхІели
бецІлизи сунела дурхІнала уми дурили саби. Амма
эмхІели бецІ кыантІси гыуни саби или гІеркыаси гыу-
никад бархыли саби, саби биалли кыантІси гыуни-
кад бикили кыалабалы хыули чарбухы саби. Хыули
чарбиубхІели, гІекІили унзара сабира сунела дурхІна-
чил барх эмхІе хыули дебабиубли саби. ГІяхІ-
цад замана бикили гІергыи, майалы тІутІубикІули,
бамсурлы ва лебгІеб гушбиубли бецІ эмхІела юрт-
личи сабаили саби. Илини унза гІекІили даргили
сарину, илдази кыутІдыхыли ва «УркыатІай» или у
ахыли саби.

БухІнабад эмхІели жаваб бедили саби «уркыалала
сари унза». БецІли гыатІира кыутІдыхыли ва «Лагар
тІай» или у ахыли саби. «Лагли саби гимицала» или
гІурра эмхІели жаваб бедили саби. БецІли хІяйнайс-
ра кыутІдыхыли ва «ХІедагыри» или у ахыли саби.
«ХІедагыурси хІу дураб, дагыурти нуша духІнар»-
или эмхІелира дурхІнанира цыхІнаблы жаваб бедили
саби.

ХІяй хІуни ну биргіябургни балули биасри, гьа-
мадли хІела нуни руди-худи дурайсасигу или сунела
гіясибиубдешли унзала гьала кабикили беці бекіили
саби. Ил бекіили гіергьи, эмхІера эмхІела дурхІ-
нира дурадухьи сари, беціличибад гули чеббердили
саби, цалис дулгъуби агарси, цалис хъябціари агарси,
цалис сурми агарси, цалис къакъ агарси хІякнира да-
рили, «къандир-къиидир къабача, къаида буціала
хІяка, хІяв буціала дулгъуби, далалра дикесара», —
или далайра белчіи сарира дулхъули итар итдира
калун, иша нура вакІира.

БЕЦІРА ГУРДАРА

Лебли буили саби ца гіямултар гурда. Гьачам или-
ни диъбала мерлар гантри пайдаладарили чуду бари-
ли саби. Касили ил чудура сабира гурда букІуни леб-
си дубурличи арбякьи саби. БукІунани илизи сеи ба-
кіибсил хъарбаили саби.

— Иткьи бакіибсира, ца мукъара гесгу или, хІу-
шаб гіяваси чуду хили, — бикІули саби гурда. БукІу-
наии гурдас ца мукъара бедили сби. Касили мукъа-
рара сабира гурда арбякьи саби. Саби биргіябиргни
багъурхІели, букІуни гіергьибулхъни балули, гурда
дуціли хъули чарбиубли саби. Гьарли-марли букІу-
наии чуду кабутіили хІеръибхІели, илар диъбала
мерлар гаитри даргили сари ва лебгілеб гіясибиубли
гурдас гіергьибикилигу, илис гілебхІебиъни багъурли,
чула мазаличи чарбухьи пашмаини кабиили саби.

Гурдали биалли мукъара чеббяхъла кабатурли саби
ва гьар бархІи илис къарличи башули саби. Гьачам
ил къарличи бякьи лебли, беці къаршибикили саби.
Беціли гурдази селис къар удулри или хъарбаили
саби. Гурдали сунела мукъара лебниличила ва илис
къар удуси биъниличила бецілизи бурили саби. Ил-
хІели беці бикІули саби: «Нуни хІед къар дердес
кумекбирис ва ну хІечи шадиб бакІес дигула», —

или. Гурда иличи кѣбулбикили саби. Дердили кѣара сарира гурдара беџџа хѣули чардиубли сари. Беџџа гурдачиб шадиб кѣел-хѣябал бархѣи кали саби. Беџџа гурдара ярга-яргали кѣарличи дашули дуили сари. Гѣачам гурда кѣарличи арбѣѣуихѣели, беџџи мукѣара берги саби ва гѣаббухѣи беткахѣили саби. Гурда чарбиубхѣели, я мукѣара, я беџџа даргили ахѣеи.

Ѣакамси замана деџџи биркѣули кали гѣергѣи, гурда маза лерси дубурличи арбѣѣи саби ва букѣуиачи чехѣебаѣси мерличи кабиили чѣупра биркѣес бехѣбихѣили саби. Хѣерила замаиа баибхѣели, гурда сунела хѣянчилизи абархили лебли, беџџа бакѣили саби. «Се бирулри хѣуни, гурда?» — ибси беџџа суайс — «Дѣцес чѣупри дирулра», — или жаваб бедили саби гурдали. «Нура бурсибарабагу» — или тиладибарили саби беџџи. «Бурсибѣѣс кѣянни ахѣеи, амма бурсибѣѣс багѣаидан ва гѣяхѣси уста бетаѣс багѣайдан ца чѣап барайчи илала бухѣиа кабиили буѣс чебиркур», — бикѣули саби гурда. Барибси чѣапла бухѣиаб веџџал-веџџу шура минуацадхѣи кали гѣергѣи, саби лебгѣеб гѣяхѣси чѣупрала уста бетаруси.

Беџџа чѣапла бухѣиа кабиѣс ва илкѣѣѣда чѣупрала уста бетаѣс кѣбулбикили саби. Гурдали биалли ил бухѣиа кабатурли хѣар гѣекѣибси дебаси чѣап барили саби. Чѣап барили таманбиубхѣели, гурдали ил дубурличибад гербатурли букѣуиачи вѣвбикѣескабиили саби, «Хѣерая, хѣушала маза кѣирдираи душман лѣбкѣулину, хѣерая!» — или. Букѣуиачи чула хурачил чѣапличи бетухѣи саби ва бикахѣили беџџа, бирхѣули кабушили саби. Гурда биалли гѣими ахѣниличи разили хѣули чарбухѣи саби.

ДУББУѢИБСИ ГУРДА

Лебли саби, лебли саби ца гурда. Гѣачам ил сунела бикарлигѣиб дурабухѣунхѣели, бебкѣибси хѣѣѣва хамхаличи кѣаршибикили саби. Бугес ил хамхаличи

гъамбиубхІели, гурдали илала мякъла кадихъили тІимкъ чедаили сари. Диъра бергес дигули, тІимкълизира хІебикес дигули, ил хамхала мякъла кабиили пикрибикІули, илаб гурда лебли, бакІили саби ца бецІ.

— Сен гъамбиубли диъли хІебугулри хІу? — бикІули саби гурдази бецІ.

— Сепайда, сунела верлебш, — бикІули саби гурда, — ишбархІи ну дуббуцили къаршибикилра, дубхІебуцибси биаслири, нуни гъамадли балкъарахъирагу их хамха.

— Ну дуббуцили ахІенрану, хІебиалли нуни бугас их диъ или, бецІ гъамбиубли саби хамхаличи. Бугес бехІбихъили-хІебихъили лебай хапли ил тІимкъли буцили саби. БецІ тІимкъли буцили гІергъи, гурда диъли бугес бехІбихъили саби.

— ХІу дуббуцилра бикІадигу, сеи диъли бугулри? — бикІули саби бецІ гурдази. — Ну дуббуцилригу, дила дуббуцари бетхІеур, сеикІун нуни зубар чебаира, — бикІули саби гурда. — КІелра хІули дурадикаб хІела, къянба бугъули, иу тІимкълизи бикахъили, хІу диъли бугулриу, — бикІули саби бецІ. — ХІуалра биргІябиргес хІебирули биаслири, наб гурда хІебикІи, — или берги диъра сабира, гурда вацІализи арбякъи саби.

ГУРДАРА ХУРИРА

Ца бархІи хури гІаяр дурадухъи сари. ХІердикІалли, ваца буцили, иличил хІязтабиркъуси гурда чебаили саби. Хураи дигІяй-дигІяй гурда буцили саби.

ИлхІели гурда хурачи дугъабизурли саби:

— Балас хІушаи ну хІебалтни. ХІушани дила жаи асайчи тилади саби халаси, ца гъатІи ваца буцахъили иличил хІяз барахъес батааба, хІушанира баладаягу, вацІала тайпара нушала тайпара бахъ-

хІила душманти биъни. Ну чиналра хІякъяс, алавчарли дянг авлахъ саби, дигІянабикес мер агара. Хури гурдаци дирхаурли сари ва гурда бархъаили саби. Гурдали бусягІят ца гъатІи ваца буцили саби ва иличил сунела хІязти дехІдихъили сари. Гъачам ита, гъачам иша лайбикІули саби, лаг ахъбушили ванзаличи кагахъили, гІур бурцули саби. Илаб гъарахъли ахІи гурдала тІярхъи лебли буили саби. Хури хІердикІлахъули гурда ила дигІянбикили саби. Хури тамашадубли сари. Гурдала тІярхъи баргили, мякъла тІашдизурли илизи тиладидикІули сари:

— Дурабухъен, гъари, гурда, хІязани дара гІурра вацначил, алавадшули дахъал вацни лерну.

Гурдали жаваб чарбарили саби:

— Ириъ деркунти вацначира уркІи гъудурдикІули лерал диалли, сидирути илди набзи ишдусра дергахъи.

ГУРДАРА КЪАЗРА

Гурдара къазра дебали халати юлдашуни дирутири. Илдала цаца дурхІяра лерри. Гъачамра къаз, гІяхІси бергеси дигули, къунзбухъес дурабухъи саби ва жибхІячи хІеръахъес гурдаци хъарбарили саби. Ил арбякъунмадан гурдани къазла жибхІя берги саби. Къаз чарбухъи хІербикІалли, гъуя бикІули бисули гурда чебаили саби. Сунела жибхІяра баргили ахІен.

— Се бетурси? Чинаба дила жибхІя? — хъарбаили саби къазли.

— ХІела жибхІя бекІиб, хІед арадеш бираб, — бикІули саби гурда.

БекІибси жибхІяриб яра хІела дурхІяриб? Бархъли бура гъари, — бикІули саби къаз.

— ХІела дурхІя сабрил, дила дурхІя сабрил хІебалас, амма итала хъяб дебали бухъясири, — бикІули саби гурда.

ИлхІели къазли багъур анцІбукъ селизібал ва гурда сунела душмантала лугІилизи каберхахъур.

ГУРДАНИ АРСЛАН СЕКЪЯЙДА БИРГІЯБИРГИБА?

Лерли дуили сари, лерли дуили сари ца вацІализир жура-журала жаниварти. Илдас хІердиэс дебали къи-яни буили саби, сенахІенну чули баргибси лебил-ра бергеси илдани арслайс бедлугес гІягІнили саби. Рахли илдани бергеси хІебаргалри, арслайс чула дурхІни дедлугес гІягІнили буили саби. Илкъяйда калун илди дахъал дусмазир.

Гъачамра лерилра жаниварти цаладикили ва арслан секъяйда биргІябиргалли гІяхІси вара или пикридикІесдахІили сари. Чус бергеси кавлахъес ва чула дурхІни мяхІкамдарес багъандаи. ПикридикІули, пикридикІули кали сари ва ца пикриличи дакІили сари. Илаб гурда бикІули саби: «Арслан секъяйда биргІябиргалли гІяхІсил нуни балас». Гурда арслайчи арбякъи саби, арслан биалли вјав-чІярбухъи саби: «Сен хІу набчи дацІти някъбачил бакІибсири? Чинаба хІуни хес гІягІниси диъ? Рахли наб диъ хили хІебиадли, дила кумекчибази хъарбирис лерилра дурхІни керасахъес!»

Илаб гурда дебали урухбиубли саби ва бикІули саби:

— ХІурматла арслан, нуни хІед гІява-гІяваси му-къарла диъ лебхусиригу, чинабад сабрил ца кахси жанивар дакІубухъи, набзибад кебасили, бебшили арбякъун! Нуни балас ил чидил шайчибяхІ арбякъунал, башигу итис гІердиэхІену!

КІелра илди дуцІли ардякъун. Гурдани арслан ва-цІализиб лебсибегІлара мурхъси гІинизличи киб, ила бекІ гІяшбуциб, илаб сунела сурат чебаиб, ва арслайзи бикІули саби:

— ХІера их, хІера их! ХІуни чІянкІли хІеръа! Арслан гІинизличи гъамбиуб, ила хІербизур, гур-

да биалли илизи гIурра бикIули саби:

— Чедиулрив, гъанна ихар кIел хер. Баши кIили-нилра ихди кадуршехIе!

Саби гъалаб дуцIбухъи саби ва, гIелабад бакIили, гIинизла бухIна арслан къужбарили саби. ГIур гурда илизи бикIули саби:

— ХIед лебхуси мукъарла диъ нуни бергуира, гIур-ла яргализиб хIедра лебхис! Илаб хIерли бузи!

ПялхъярбикIули, пялхъярбикIули бахъхIи кали саби гIинизла бухIнаб арслан, амма илабад дурабу-хъес биубли ахIен.

Илгъуна сабри набзи хала нешли бурибси хабар.

ГУРДАРА ГIЕЖАРА

Цагъачам гурдара гIежара гъалмагъдикили сари, кумхали барх хъу бегIи саби. Гурдара гIежара дарх дузули бегIунси анкIи хъалтализибад умубарили са-би, бикъурхIели, арши биршили саби, дег барили аикIи дергили сари, ца шайчи анкIила, итил шайчи негла бекIни дарили сари.

Гурда бикIули саби:

— АнкIила бекIа наб, цакъадар биштIаливан би-алра, негла бекIа хIед.

ГIежа бикIули саби:

— Ил бархъси ахIен, кIелра бекIа цуг-цугли ду-тIес гIягIнили сари.

Гурда разихIебикили, — бикIули саби:

— Юх, или биалли нуни бякъи дила адавзи лев-кис, илини ункъли дуртIу ишди.

Сунела адавзи кавкес гурда арбякъунхIели, илала гIямултачи шакбикибси гIежа дуцIли бякъи букIу-нала халати кIел хя кили неглизи дигIяндарили са-ри.

Гурда бецIра кили сабира чарбиубли саби.

БецI гIежази бикIули саби:

— Сен дила рузила рурси гымруркIахъулрив?

Пежали жаваб чарбатурли саби:

— Хиу гурдас бикърибиубли бакІили биадли, къа-
лабамабикІуд, нунира бикъруми кайчи. ИлхІели «Иш
нажасла гъайличигу!» — или бецІ гІежа бергес алав-
бухъи саби. ГІежа негла бекІаличи бебшили саби.
Илис гІергъибухъунси бецІли неглизи дигІяндикибти
хурачи къяшми чекацІили саби. Хури харчдизурли
сари ва чедухъи бецІра гурдара бутІнар-бутІнарда-
рили сари. Иш гъакІлис дахъал хІедалуси гІежа гІя-
мултар гурдачибад чедибикили саби.

МЕСЕДУРА ГУРДАРА

Ца шилизир хІеррирули сари Меседу бикІуси га-
мъа хъунул. Илала буили саби биштІати хІябал рур-
си. Гурдали къасбарили саби Меседула рурсби бергес.
Гъачам Меседу къарличи аррякъунхІели, гурдали Ме-
седулагъуна хІунтІена хІевара чегъурли, цІуба кІа-
нара чебяхъили, бакІили саби Меседула рурсбачи.

Унзализи къутІ-къутІдахъили — «Абхъая, абас да-
тарти, мукъарлис къарра хилра, хІушаб улелъара
лер!» — бикІули саби гурда. Ташмишбикибти Меседу-
дула рурсби бикІули саби: «Гъачамлис някъ чеба-
ахъа». Гурдали суиела гъала къяш чебаахъили саби.
ИлхІели Меседула рурсби бикІули саби: «Нушала
иешла някъличиб кулеха лебси саби, хІела агара,
хІу нушала аба ахІеири, гурда сабри».

ИлхІели гурда дуцІбикІули Меседу лерси авлахъ-
личи бакІили саби.

— Гъамад хІянчи, се бирулри. Меседу? — бикІули
саби гурда.

— Лерра мукъарлис къарра удули, рурсбас улелъа-
ра луцІули! — жаваб бедили саби Меседуни.

— ХІябилра жагаси кулеха хІебиалли хІела, Месе-
ду, баралра чили бариба? — бикІули саби гурда.

— Гъумекан Гъазихаини барибси саби, — или саби
Меседуни.

Гурда арбякѝ Гъумекѝ уста Гъазиханнѝзи Меседулагъуна кулеха барахъили саби.

Гѝергъила бархѝи Меседу къарличѝ аррякъунхѝели, гъала къяшличи кулехара чергъурли сабра, «гъанна къалли бергес биркур» или, гурда Меседула рурсбачѝ арбякѝ саби.

Уизализѝ къутѝ-къутѝдяхъили — «Абхъая, абас дартѝ, мукъарлис къарра хѝлра, хѝушаб улелъара лер!» — бикѝули саби гурда.

— «Някъ чебаахъа!» — бикѝули саби Меседула рурсби.

— «Хѝера, иш», — или кулеха чебси гъала къяш чебаахъили саби гурдали.

Ташмишбикибтѝ Меседула рурсби, — «Къяшра чебаахъа», — бикѝули саби.

Гурдали сунела къяш чебаахъили саби.

— Иш къяш иушала иешла ахѝеи, иешла къяшмачир къугъати мячайтѝ лертѝ сари, — бикѝули саби Меседула рурсби. Гурда гъатѝира Меседу лерси авлахъличѝ бакѝили саби.

— Гъамад хѝянчи, се бирулри, Меседу? — бикѝули саби.

— Лерра, мукъарлис къарра удули, рурсбас улелъара луцѝули, — или сари Меседуи.

— Къугъати мячайтѝ хѝедиалли хѝела, Меседу. Даралра чили дарибтѝ? — суалбикѝули саби гурда.

— Губдалаи Гулбариятѝли, — жаваб чарбатурли саби Меседуи. Гурда дуцѝили арбякѝ Губдани уста Гулбариятѝлизѝ Меседулагъунтѝ мячайтѝ дарахъили сари.

— Ишбархѝи къалли бугас иуни цѝикалра къацѝ-хѝебикуитѝ Меседула рурсби, — или чегъурли мячайтира сабра, гъайбиубли саби гурда Меседула рурсбачѝ. Гъуичир илис къарличѝ ва улелъаличи аркъули Меседу цугрикили сари.

— Гѝяхѝ сѝягѝат бираб хѝед, Меседу! — дурарухъиригу? — бикѝули саби илизи гурда.

— Лерра, ца мукъарлис къарличира, рурсбас уелъаличира дуарухъи, — жаваб чарбатурли саби Меседуни.

— ЛебгІеб гІяхІси барилри, — или саби гурдали.

— Ну агархІели, дила рурсбачи башуси, рахли хІу хІебиини? — рикІули сари илизи Меседу.

— Се рикІулри, гъари, хІу? Нуни илгъуна ламарт хІебирни хІуни хІебаладу. Биалра, башуси, марлирагу, бецІ бургар. РирххІерадли эгер хІу иабчи, касили их къаркъа дила къуйрукъличи чекабихъа, хІу чарриайчи ну ишаб хІебуасли, — бикІули саби гурда.

Меседуни касили ца биштІаси къаркъа гурдала къуйрукъличи чекабихъили саби. Меседу аррякъуимад, гурдали къаркъалиубад суиела къуйрукъра тямхъбарили батбухъахъи сабра дуцІли Меседула рурсбачи бакІили саби.

Унзализи къутІ-къутІдахъили гурда бикІули саби:

— Мирш касес хъумартурлирану, унза абхъая, гъари, абала.

— Някъра къяшра чедаахъа, — бикІули саби Меседула рурсби.

Гурдали кулехачебси гъала къяшра мячайтичерти гІела къяшмира чедаахъили сари.

Неш сари или бирхкаурти рурсбаии уиза абхъили сари. Гурдали илди хІябалра цацали чамкъбатурли къяраили саби, ва дуцІли бакІили, ит баягъи къаркъала уди суиела къуйрукъ кабатурли кабиини саби. Меседу чаррухъи ляркъухІели, тѧп ил мерличиб суниини батурси тяхІярли гурда баргили саби. ИлхІели суиела рурсбачи башули калуиси бецІ бургар ибси Меседула пикри гъатІира цІакъбиубли саби.

Меседу хъули ракІили хІеръалли — уизара гъаргилри сари, чинабалра рурсбира агара.

БецІ бакІили берги бургар или Меседу рисули, рисули чумал бархІи кали сари. КІинайс илини бецІличиб гъими ахъес къасбарили сари.

Ил пикриличил Меседуни ца ахъси галгаличи си-

гуг баршили, ила карили карулхъули далайрикIу-
ли сари:

Гъуй — саррай, гъуй —

саррай!

Гъуй саррагъила сигуг!
Ца шайчи сурбаралли,
Хъар диркъайла къарличир
Нугъай къули чедиу,
Шанг-шанггъунти бурхIебачил.
Ца шайчи сурбаралли,
Дубрир маза чедиу
КIабатIгъунти гIяшрачил.
Гъуй — саррай, гъуй —

саррай!

Ил далай бакъибси бецI, дуцIли Меседучи бакIили,
сигуглизи кабатабагу или тиладибикIули саби. Месе-
дуни бецI сигуглизи кабатурли, лебсигъуна цIакъли-
чил, ил сурбирули сари. Гъая къяббердили, бецI шур-
лизи чегили бебкIили саби. Илала каииларад мегIегI
или чумал мукъара дурадикили сари.

ИлхIелицун шакрикили сари Меседу сари гурдали
риргIяриргииличи. Меседуни касили гъая, цархIил
галгаличи ца гъатIи сигуг баршили, ила карили
далайрикIесриили сари:

Гъуй — саррай, гъуй —

саррай

Гъуй саррагъила сигуг!
Ца шайчи сурбаралли,
Цуба къузри чедиу.
Ца шайчи сурбаралли,
Дагъни-гIяргIни чедиу.

Ил далайла бакъибси гурда дуцIли Меседучи бакIи-
ли — «Нура кабатабагу, хIела сигуглизи, Меседу» —
или дугъабизурли саби.

Меседуни сигуглизи гурда кабатурли, риругIер сур-
барили сари. Гъая къяббердили, гурда къаркъализи
чегили бебкIили саби. Илала канилабад Меседула
хIябалра рурси дурабикили саби.

БеџІла каниларад дакІибти мукърира гурдала канилабад бакІибти рурсбира арбужили, Меседу сунела хъули аррякъи сари.

Мукърира рурсбира хІербирули, Меседу гъаннара тер бикІар Хайдакъла ца шилизир.

ИМИАЛА ВА ЗЕЛА КЪЯКЪ

Жанивартала пачяхІ Арсланна беркайчи иштяхІ бетахъиб ва зягІипбикили кабихъун. Ил дебали чІукъабиуб. Илис хІедарибти сегъунтилра дармунти хІедатур Гурдали ва ХІявбеџІли. Амма Арслан арабирули ахІенри, илала лигаличи кам буръулри, къаркъайзиб лигара камра ахІенси селра агара или гъаибикеслири.

Багъур Арслай суиела анџІбукъуни дебали вайтІа диъни, жибариб суиела марси къуллукъчи ЭмхІе ва хъарбариб:

— Дураа ишгъуна хІукму: ну чили арабараслира, илис дайхъала начадеш ва дайхъала мас-мулк дедлугас.

Дяхъили даманира сарра лерил гІярми улкакад датдихъиб начала амру багъахъес. Жаниварти чула жура-журала дармунти-хармунтачил, дару-сабабличил, савгъатуначил Арсланна гІиникълизидяхІ дурадухъун. Амма илис сегъуналра кункдеш алкІули ахІен. Ил хІятта ухъалабад абизесра, ахъбиэсра балли хІебиранбиуб.

АнџІкъилизи бикиб Арсланна марси къуллукъчи, кІялгІялизиб халалгъуна ЭмхІе. Пача багълабирнили чи бирхауди беткахъиб. ИлхІели Арсланни бара чебаэси, цІакъ бетахъибси лишанничил ЭмхІе сунечи гъамбиахъуб ва хъарбаиб:

— Бура, ЭмхІе, лерилра жаниварти дакІибу ну чебаэс?

Мурхъли пикрибухъи, ЭмхІе бикІули саби:

— Лерилра дакѣиб, амма хѣбакѣили калунси ца Имиала саби.

Тѣлалаббарая ил, белики илини кумекбарес, — бикѣули саби Арслан, Имиала жибарахѣес Гѣяра бархѣиб. Хѣербикѣалли, Имиала гѣянручѣиличибад бархѣи ахѣайчи бузули, сунела ютр бирули, дурхѣинас вацѣализирад деркести дихули.

— Хѣу итгѣуна-ишгѣуна, хѣуни хѣергѣилрив гѣатѣи нушала пачяхѣ, Арслан зягѣипли биѣниличила? Сен илис дарман дарес хѣякъулри, ил хѣябла унзалигѣи баилигу? — бикѣули саби гѣясили Гѣяра.

— Юх, хѣергѣира, — жаваб чарбалтули саби Имиай. — Абзур бархѣи бузулра, яниличи хѣядурдеш барес гѣягѣинили саби. Аргѣили биасри, жявлил багѣлабираси ил нуни.

Имиай сунела хѣянчи батур, сунечил барх шаласи къаркъала биштѣласи кесек касиб ва Арслайчи бакѣиб. Ил начала мухѣлила гѣалли гѣала гѣамбиуб, илини дурабяхѣибси лезмиличи биштѣласи къаркъа игѣуб ва къалабали гѣелабяхѣ арбяхѣун.

Арслан биалли бусягѣят чихѣбизур, тямхѣярбухѣун, букес нштяхѣ багѣарбиуб, къашмачи тѣашбизур. Имиа гѣякъуличи тамашадиубти жаниварти чула пача аравитѣнила харидешуназир сари.

— Се дарман сабри Имиай хѣед хибси? — хѣарбиули сари илдани ярга-яргали.

— Нунира хѣебаласра, — бикѣули саби Арслан, — гѣердааяну, хѣарбаая. Хѣарра барая бакѣлахѣес сунела дайхѣала пачадеш касахѣес.

Гѣяра, Имиайс гѣергѣи дуцѣбухѣи, чарбиахѣес вяв-бикѣули саби.

— Ну къалабалира, дурхѣини гушли сари, — бикѣули саби Имиала. — Бура гѣур се хѣяжатли?

— Арслай буйрухѣбариб хѣуни хибси се дарман сабрил багѣахѣес, саби багѣлабарни багѣандан хѣед байхѣала началихѣ пешкешбарили саби.

— Бура начази: зе зуйли дирар, зе зуйли дирар;

пачалихъ биалли наб сегъуналра гІягІниси ахІен.

Имиала сунела хъайгІи чарбухъун, ГІяра биалли пачачи бакІиб ва Имиай дурибти дугъби тикрарда-риб.

— Зе зуйли дирар, зе зуйли дирар ...

Багъур Арслай, сунес се хІебиулрил. Буйрухъбариб сунела марси къуллукъчи ЭмхІези ца пут зела хахъес. ИлхІейчибад бехІбихъили жанивартала пачани беркала зеличил буки ва гІур цайналра зягІипхІебикиб.

МЕГЪЛА УСТА БЕЦІ

Гъачам эмхІечи бецІ чебухъи саби ва ил бергес балбизурли саби.

ЭмхІе бикІули саби бецІлизи:


— Балас хІуни ну бугни, амма бегІла гІергъиси дила тилади бара хІуни — дила гІела къяшлиубси гІябул убаса, бахъ къузбикІули инжитбарилрану. БецІли къакъ гъаргбарили саби ва эмхІела къяшличи гъамбиубли саби. ЭмхІели лардыхъили бецІла лерилра цулби урдушили сари. ГІур бецІли эмхІе бергес биубли ахІен.

ИлхІели бецІ бикІули саби:

— Дила дудеш дабрумала устариину, ну мегъла уста бетаэс гІягІнидеш агара.

ЭМХІЕРА ВАЛРИРА

Гъачам эмхІера валрира узбидиубли сари. Чула вайти бегІтачирад гъардухъи гІяхІти дуки-гъунила мермусаличи дакІили цІерхъдиубли сари. Илдани хъумартурли саби, сари муртрил вайтІа чІукъали калунти диъни.



Рахли эмхIе бикIули саби:

— Далайэс дигулра, бузи. Валри далай мабучIад или тиладибикIули саби. ЭмхIе иличи лехIбизурли ахIен ва зубри чердердесли хIачIиили саби. Ил эмхIела тIама аргъили саби чула умхIира валрумира дебкIибти архIяликъянабани. Илди бакIили хIерби-кIалли — вегI агарти цIерхъти эмхIера валрира. АрхIяликъянаба илди дуцили сари ва декIти духби чедихъили сари илдачи. Гъуни саби. ИлхIели гъункъябани эмхIе ахъбуцили валриличи чекабатули саби. Башули ца чIяртIа дякъличи бетайбхIели, валри эмхIези: « Делхъдарес, тIяхI-тIяхI бухъес хIябра халаси иштяхI бакIили лебкъалли», — бикIули саби.

— ЛебIеб гIяхIси мер баргилри делхъ дарес, — бикIули саби эмхIе.

— ХIуни далай ибси мерличиб вайси ахIен, — бикIули саби валри. ГIясибиубси алри пяхъар-писирбиубли саби, тIяхI-тIяхIбухъи саби, ва эмхIе къадала убяхIбикили бебкIили саби.

ЭМХIЕ ВА АРСЛАНКЪАПЛАН

ВайтIи гIямруличи гымбукIили, эмхIе сунела вегI-личибад гъаббухъи, ца дубуртар мерличи бакIили саби. Ил дебали жагаси къар-шинна мер сабри. Ишаб хIербирескабиили саби нушала эмхIе. Ил мер арсланкъапланна уббухъун.

ГIяярличибад чарбиубси арсланкъапланни эмхIе чебаили саби, жагали, селра пикри агарли гIяйбиубли. ЭмхIели арсланкъаплан чебайбхIели, хIулби чедихъили, ахъдуцили лихIбира сабира биругIеб хIячIи или саби.

Бebbeили аркъуси арсланкъапланнис цугбикили саби гурда.

— Агъ, нушала пача, хлед се биублив, чина аркьулри хІу, сен хІу хумарсири? — или гурдали хьарбаили саби.

Арсланкъанлан бикІули саби:

— Дила ванзаличиб ца вайси секІал багъарбиубли саби. Илизибад урухбиубли бебшилла.

Гурда суалтази ахъили саби. Арсланкъанланни лерилра агикъяйда дурили сари: ит вайси вайси жаниварла авал чІартІати къяш терри, халати, духъяна лихІби лерри, лебГІеб вайси ца кахси тІама сабри.

Гурда бикІули саби: «ИлкІун эмхІе саби. ХІу гъабмабулхъад, ил нуни дугІиисну».

Амма дебали урухбиубси арсланкъанлан сунечи бакІибси гудара сабра хумарли барх батбихъили саби. Цугбикили саби илдас бецІ. Арсалнкъанлайс икрамбарили, бецІ гурдази бикІули саби:

— Сен ишцад хумарсив нушала пача? ЧинабяхІ аркъулив ил?

Гурдали лебилра бетаурси бурили саби. КъатІли буралли, иш эмхІезибад урухбиубли саби.

ИлхІели бецІ бикІули саби:

— Пикрилра мабирид, илкІун наб хІядурси хинкІгу; ну гъанна лебГІеб гуштира, даширая дарх аркъехІену, нуни ил бугас.

Арсланкъанлан бикІули саби:

— Рахли ну уббедес къасбарили хІедиинша хІушани? ХІебиалли, даширая аркъехІену. Амма гъалагъала гъая баргили, ну урга барили, хІуша ца-ца шайчи дилгъарая. Арсланкъанлан бикІуси барили датдихъили сари хІябалра.

ХІябалра жанивар дарх ляркъули чеданбхІели, эмхІе гъалаб хІябалван урухбиубли саби. Урухбиубдешли илала лерилра чархла гъез чирхъдизурли сари, къяпІдарили хІулбира сабра, ахъили урехила вайси тІама дурабушили саби. ИлхІели арсланкъанлан гъалаб клелван урухбиубли саби ва биругІеб бебшили саби. Ил дуцІбикІухІели, илизи дигъунти гудара бецІ—

ра гъачам шурмази чейгули, гъачам галгализи, гъачам ванзаличи, дебкѣили сари.

Арбякъи саби халси замана, арсланкъаплан бикѣули саби:

— Дила гъалабла мерличиб ахѣенси ну хѣрбиэс хѣрбирус, аркъяс ит зурба, кахси жаниварличи тѣладиличил. Арсланкъаплай сунела бусрав бурили саби:

— Дурхъаси жаивар, ну хѣд бебкѣайчи рѣгѣятли буусну, ну ишаб хѣрбилахъес батаба, цархѣил мерличиб ну хѣрбиэс хѣбирулану.

— Гѣяхѣна, — бикѣули саби эмхѣе, — амма багън, кѣина гѣйиблизи бикадли балтари, хѣйнайс бикадли, хѣебалтари.

Илкъѣйда илди кѣелра жанивар дахъхѣи хѣрдирули кали сари.

Гъачам кѣелра хѣркѣличи дазес дякъи сари. Илхѣели арсланкъаплай сунела къуѣрукъ гъакѣбарили, хѣебагъурли эмхѣечи шин чярхѣдухъахъи сари. Эмхѣели ил зигарбарили саби. Арсланкъаплан базили гѣергъи, эмхѣе бизесбяхѣили саби. Хѣркѣ мурхъси уббухъи, эмхѣе кѣйгѣескабиили саби. Илхѣели арсланкъапланни ил берцахъили саби.

Гѣйиббарес умѣѣуси эмхѣе илизи бикѣули саби:

— Ну бѣлихъуни дучес аркъухѣели, наб сен кумекхѣебарри? Гъанна хѣу кѣина гѣйиблизи бикилри. Багъи, хѣйнайс бикадли балтуси ахѣенри. Арсланкъаплан дебали урухбиубли саби ва хѣйнайс гъатѣи хатѣализи бикайчи илди жагати мер-муса урдатурли, мурталралис илабад арбякъи саби, бикѣар.

ГЪАЙ ДАЛУСИ МАЗА

Шилизиб яшав барес къиянни ятим дурхѣя, гелешмешра ратурли дурашилизи арѣкъи сай.

Гъунчив чум бархѣи калун виалра ца шилизи, шагъарлизи ваили сай ва «къазакъ дигив, къазакъ ди-

гив» или кѣакѣакад кѣунзухѣи сай. Ца ахѣси юртли-
зивадли вицѣиб-вицѣибси, чармагѣуна канила вегѣ
гѣаввакѣили сай ва дурхѣя сунечи живарили сай.

— Гѣу, дурхѣя, се хѣянчи барес гѣунар лебси хѣла?
— хѣарбаили сай талхѣанни.

— Гѣяхѣси саби. — Нуни хѣу букѣун вирури, амма
ишгѣуна вягѣдаличил: «Набчив хѣябал дус узуд. Ил
заманала бухѣнаб хѣези гибти мазара ара-сагѣли ка-
лахѣи цалра я хѣебекѣлахѣили, я бетхѣехѣахѣили, я
жанивартази заяхѣебарахѣадли, хѣела багѣара кай-
сид, хѣура хѣули чарулхѣад, эгер илгѣуна барес ба-
жардихѣейкадли, багѣаличи хѣулмайкѣуд».

— Гѣяхѣси саби. Ну кѣабултира, — викѣули сай ил
ятим дурхѣя.

Дабри дарахѣес кѣачала берубси кабѣра бедили,
ил бархѣи хѣулив ватурли сай. Гѣергѣила бархѣи
хѣябдарш маза хѣардарили сай. Савли шаладикайчи
дураулхѣули сай дурзамличил, бархѣехѣ зубартани
хѣанцѣ зак рурхѣухѣели чарулхѣули сай. Илкѣяйдали
вамси агарли, барибси вягѣда хѣясибли хѣябал дус
хѣяичи барили сай. Талхѣанни се баресара или пик-
риикѣули сай. Илзамана дурхѣяла мякѣла ца маза
гѣамбиубли саби:

— Сен пикрумази викилри, дурхѣя? — хѣарбаили
саби мазани.

— Дила вягѣда таманбирули саби, барибси вягѣда
хѣясибли, дила багѣа гес гѣягѣиили саби, амма тал-
хѣанни се бирул хѣебалули никриикѣулра.

— Пикриикѣес гѣягѣинидеш агара. Илини буру, —
«Чердикѣа хѣед маза», — или илхѣели хѣуни бегѣлара
гѣалаб ну декѣарбараба. Илини хѣечил жалти диру,
амма мукѣурмайкѣуд. Ишдус дебали бугѣярбирар. Ха-
ласи дяхѣи биру. Илини хѣуни кѣяйдали кѣуллукѣ-
бареси адам хѣергу, ва илала лерилра маза улхан,
иличиб каласли — нура.

Гѣергѣила бархѣи талхѣанни дурхѣя азбарла жива-
рили, «Хѣед маза декѣардара», — викѣули сай.

Уршини маза деклардирухІели, даг сунечил гъайбухъунси маза къяшмала гъала бакІили саби. Гъалагъала талхъанни жалти дарили сай ил маза деклархІебарахъес, кІинайс илис къадин дурхІяли хІябал маза камли сасибхІели, маза батурли сай.

ДурхІяли, сунела пайла мазара деклардарили, дубуртачибяхІ гъайбарили сай.

Ца къадала ваибхІели, ца мерлабадли бецІли авъили тІамадарили сари, илис жавабли биакхъубли хялира жаваб чарбатурли саби.

— Се дикІули? — или уршили мазализи хъарбаили саби.

— БецІ бикІули саби: «ХІябра бугІарси дугира лябкъяи, халаси дяхІира биру, уршира виргІур, кани белкъес диъра биркур». Хя бикІули саби: «Сецад бугІарси дуги бакІалра, маза кадатес мерра леб, хІу гъамхІебиакхъес хІядурли нура». ИлхІели уршили къалабадарили маза, ца халаси гІиникъла духІнааили, сай биалли варгъилизи вергурли кайили сай. БакІили саби бугІарси дуги, барили саби халаси дяхІи. ДакІили сари буцІи, амма илдази зарал барахъили акхеи хяли. Урши мазала дурзамличил шилизи чарухъи сай. Яни къяркъси бакІили саби. Давлачевси талхъаина лерилра маза дебкІили сари.

Ятим урши гелешмешличи хъайчикайили сай ва давлачеввиубли сай. Талхъаи биалли давлара аберхурли, хІяичи баргес къяйцІ дуравхъи сай. Ит уршила гъай далуси маза гъаинара тебал, бикІули бирар.

ХАСАЙРА СИНКАРА

Левли сай, левли сай Хасай бикІуси ца мискии адам. Илини вацІализи урцуйчи вашули, урцул дирцули яшав бирули уили сай. Цагъачам вацІализи вякъуихІели, Хасайли цІумбикІуси жаниварла тІамала бакъили сай. Ила вякъи хІерикІалли, мурхъси чукъ-

лала бухІаа кабикибси синкала биштІаси дурхІа че-
баили сай. Хасайли ил гІяжизбиубси сиикала дурхІа
чукълалабад дурабитІи, бархъаили сай. Ца дус
дикили гІергъи, Хасай гъатІира баягъи ил вацІали-
зи урцуйчи вакІили сай. Илини бардаличил дерубти
галгуби кадирхъули, урцул дирули сай. Рахли ил
кабиркуси галгали вячІи сай. Галга халаси буили
саби. Хасай айзес вирули ахІеи. «Кумекбарая!» —
или вявикІули сай. Амма лявкъуси агара. Халаси гал
гали укавцибси Хасай цІумикІули чумал бархІи кали
сай. Хапли илала цІумличи сиика чебакІили са-
би. Къияйзивси адамличи синкала уркІецидухъи
сари ва галга ахъбуцили ил айзахъес кумекбарили
саби. Хасай айзурхІели, сиикали вагъурли разидеш-
личил иличи хІербизурли саби. Хасай урцул дирес ил
вацІализи валшули сай. Хасай узули бардала тІама
бакъибхІели, ила синкара башули буили саби. Сиика-
ли Хасайлис урцул дурчес кумекра бирули саби. Ил-
къяйда синкара Хасайра гъалмагъбикили саби. Сика-
ли гъар Хасай вакІибхІейс ца уркура бицІарицад
урцул дурчули сари. Синкали Хасайлис дитъбира лу-
гули сари. Хасайла яшав ункъбиресбиили саби. Ха-
сайла яшав ункъбикІиниличи шакикибси илала унра-
личивси ца къясси гІяяркъянаии къасбарили сай, Ха-
сайла яшав сен ункъбикІусил багъес. Хасай вацІа-
лизи вашухІели, дигІяй гІелавадикили вашули, гІяяр-
къянаии Хасайлис сиикали кумекбирии багъурли, ил
кабушес къасбарили сай.

Ца бархІи Хасай вацІализи аркъухІели, гІяяркъя-
наара арякъи сай. Хасайра синкара урцул дурчули
бузухІели, гІяяркъянаии тІамадарили сай:

— Ва, Хасай, синка-минка, гІяра-мара чехІедаи-
рив?

— ХІедаира, валлагъ.

— Ил хІела мякълабси се саби?

— ХъитІа саби а, Хасай — бикІули саби синка,

— ХъитІа саби, — викІули сай Хасай.

— ХъитІала къуйрукъ бирару, гъатІи?

— Чеббяхъя, Хасай, чеббяхъя, — бикІули саби синка.

Хасайли бяхъили бардали синкала къуйрукъ чеббяхъили саби. ГІаяркъяна гъатІира Хасайлизи. — Ил хъитІала лихІбира леру, Хасай? — викІули сай.

— Чердуша, Хасай, чердуша, — бикІули саби синка. Хасайли илала лихІбира чердушили сари.

ГІаяркъяна гІурра, — Хасай, хІела хъитІала къяшмира леру? — викІули сай. Ил аргъибси синка.

— Чердуша, Хасай, чердуша, — бикІули саби. Хасайли бяхъили бардали синкала къяшмира чердушили сари.

— ХъитІала бекІра лебу, Хасай, — викІули сай гІурра гІаяркъяна.

— Чеббуша, Хасай, чеббуша, — бикІули саби синка. Хасайли бяхъили бардали синкала бекІ чеббушили сай.

Илала гІергъи Хасайла яҟав мискинбикІесбяхІиб, бикІар.



**Сиж/руаа
жабуртн**

Лерли руили сари, лерли руили сари ца патишагъла рурси. ВерхІел дус иличи ца урши вашниличила бегІтани балули буили ахІен. Ца замана ил урши рурсиличи хІешаниуб. Рурсира дебали чІукъарикІес-ряхІиб. Дудешлира ца рухънази хъарбаиб:

— Сен дила рурси бархІиличи-бархІи чІукъарикІу-си?

— ХІуни иличи ца цІерхъси, ца чІукъаси кІел ма-за адацІахъа ва ил се рикІарал лехІизи, — рикІули сари рухъиа.

Дудешлира рухъиа рикІуси бариб. ЧІукъаси маза чебаили, рурсили ил хІяршбариб ва иб:

— Патишагъла рурсиваи хІура чІукъасиригу, хІе-чира хІела гІяшикъ хІешаинублив?

Илди гъайла бакъили, дудеш дебали зигарухъун ва сунела рурси пайдаагарси Чалтук бикІуси урши-лис шери редес къасбариб. Иличила бакъибси Чал-тук дебали разиуб ва, патишагъличи вакІили, хъар-баиб:

— ХІуни хІела гъай къянабирули ахІеирив?

— Къянабирули ахІеира, — викІули сай рурсила дудеш.

Рурси дебали децІизи рикиб ва кумекбарахъес ти-ладибарес иешличи аррякъуи. Нешра илизи рикІули сари:

— Рякъи, дурхъибад бегІлара хъярхъсигъуна урчи дураа, хІечил барх бегІлара дурхъасигъуна секІалра-каса, дудешла палтарли регІрии ва гъуйчи дурару-хъеи. Нуни биалли хІед гІеларад верхІдехІ мегъ чеди-хъили, къапу къяпІдирис.

Нешли рурси гъуйчи дураиб, къапуличи верхІдехІ мегъ чедихъиб.

ГІергъила бархІи шаладикибмадан Чалтук пати-шагъличи вакІиб ва мекъличи хІядурдеш барахъес буриб.

Дудеш нешлизи викІули сай:

— Рурси дураа, илис гІелабад бакІилину!

Илар неш гъуя-вявлизи гІеларикиб:

— Агара рурси, чинаралра агара!

Илаб рурсила неш-дудешра Чалтукра бисесбяхІиб.

Рурси биалли урчиличир мурдали гъарахъли аррякъун. Гъуйчир рамсурли, илини ца гІиизла мякълаб багълабарес къасбариб. Баягъи ца гІинизла мякълаб урчиличи мурдали сунела уркІи гІяшикъбарибси уршира къаршиикили сай. Илар илдала урчи цаличи ца чедухъуи ва дирхІесдыхІиб.

Урши викІули ай:

— Эй, гъуикъя, декІардара урчи!

Рурсили илала гъайла хІергъибсила гІердариб. ИлхІели сай уршили урчи декІардариб ва илизи иб:

— Ваши иабчи гІяхІладли.

Рурсира къабулкарикиб. Илди къацІли букес каби-ибхІели, рурсили къапІа чебасиб ва илала удирад чурми гъардакІиб. Илди чурми чедаили, урчи, рурсиличи адамла мезли дугъабизур:

— ХІу цІахриубри, раши хъули чардулхъехІену!

Аррукъес хІейгу-хІейгули, рурси аризур. ИлхІели урши унраличибси хъули арякъун ва илис тупаигра, кІаиара хиб, пешкешдариб. Рурси гъуйчи дурарухъун ва, рашули, рашули, ца халаси диркъала мякъла раиб.

— Гъаииа ну бамсурлира, гІур башес ахъри агара. лебси мерличиб белгъаба, — бикІули саби илизи урчи.

— ХІу секъяйда лугъусири, дила дисалра агара биалли, иуни гІур се бируси хІечил?

— Рахли ну белгъадли, дила хІили ит майдан ир-кадли, илаб кІел урши дакІубирар, илхІели дила бекІлизибад гІянала бара, дарг-махлизибад юргъаи бара, илди кабаркъили, илдачи юргъаи чебуша.

Рурсилира урчили ибси бариб. Ил майдайчиб бусягІят кІел урши дакІубиуб, илди кабаркъиб. Бусаун. Илдазивад ца висесяхІибхІели, рурси черсаргъиб. ХІеррикІалли, урчила хІили иркибси мерличиб жагаси шагъар тІашли.

— Сен висусири? — хъарбиули сари рурсили.

— Ит чи сая нушачи лявкъуси? Нуша урухкѳул-
ра! — бикѳули саби уршби.

Рурсира урухриуб, къалабали унза къяпѳдариб ва
хапли сунела урчила тѳамала бакъиб:

— Унза абхъа, илди уршбала дудеш сайра лявкъу-
си.

Рурсили унза абхъиб ва хѳеррикѳалли, — илала гъа-
лав сари гѳяшикъриубси урши, лямцѳбикѳуси тупанг-
ра някъла буцили сайра.

Рурси разириуб ва ил хъули ацѳахъиб.

— Дудеш вакѳиб, дудеш вакѳиб! — разибиубли саби
уршбира.

Илкъяйдали илди разили, талихѳчебли хѳербириули
калун. Илди итаб калун, нуша ишар калунра.

УЗИРА РУЗИРА

Лебли буили саби, лебли буили саби ца пулан ши-
лизиб мурулра хъунулра. Илдала дуили сари хъара-
хъуназир дахъал мазала мас. Илдала ца дурхѳяра
уили сай. Марзла дурхѳя. Рурсби биалли гъар акѳуб-
хѳели, гѳяидбуршули, лайбикѳули буили саби. Муруй
къасбарили сай сунела хъарахълизи укъес ва илarti
мазала мас чедаэс. Хъарахълизи арукъес гъалаб урши-
лизи бурили сай, рахли ну агарли нешли рурси рар-
къалли, гѳяндруша или.

Дудеш хъарахълизи арякъи сай, нешли биалли ил
замана рурси раркъили сари. Уршили виубли ахѳен
сунела рузи гѳяндрушес, рергурли гѳягязи, карихъи-
ли хунжази, дубла кабихъили гѳяшла бутѳара сайра,
дудешли хѳебалуси мерличчи арукъес ва рузичил варх
хѳериэс къасбарили сай. Вашули, вашули, ахирра ил

ваили сай ца халаси юртла гъала. Илала гъалар халати кĳялгĳни дагъардиубли сари. Узи пикриухъи сай, рузира нура ишар хĳердирехĳегу или. Гъаргдарили къапура, хъули ацĳес вализурли сай. Хъули ацĳес хĳейубли, чариубли, халаси галгализи бигъи сунела урчира, бамсриахъес или кайхъи сай. Рузира мякъла караркъили сари.

Савли чевсаргъибхĳели хĳерикĳалли, ил галгаличи жибжирдатурли умхъни. Ацĳили галгаличи, илини умхъни касили сай, абхъила уизара рузира сайра хъули абацĳили саби.

Ил уршила рузи базли халариан хĳябал бархĳили халариули руили сари, дусли халариан — базли халариуси руили сари.

Кĳялгĳялизир верхĳел хъали дуили сари. Урчира галгализи дебабарили, абацĳили саби хъули. Ил юртилизир лерти верхĳел хъайзибад ца хъали чеббикĳили саби ва илаб хĳербирес пикрибарили саби. Илаб биалли верхĳел вагъиг хĳербирули буили саби. Илди хъули чарбухъайчи буркъили халаси кур улкъайла къасилиуб, узи хĳядуриубли сай. Къакъличи гĳелахъили халати саидугунира сабира, вагъигуни хъули чарбиубли саби. Вагъигуаизивад цали тĳамадарили сай, чи лева иушала хъулив или. Уршили тĳамадарили сай, иш ну левра или. Уршира, ну къапулизивад хĳекĳирану, улкъайлавад вакĳирану, хĳушара ишарадли, адацĳира викĳули сай.

Халалгъуна вагъиг улкъайлавад ацĳили сай, бяхъили шушкали, кĳибайварили, курлизи лайвакĳили сай. Илкъайда илини урегалра вагъиг кабушили сай. Верхĳеси узи биалли, ва дила узби, хĳуша чинарра или умцĳули уили сай.

Нуша ишар сарра, викĳули сай рурсила узи. Кабушили илра, гĳенара чебихъили, тĳалра убяхъили, узини рузизи бурили сай, вари иш тĳал убмайсид или.

Сай гĳяярличи вашули, рузини беркеси бирули хĳеркабирули буили саби. Халакараили сари рузи.

Ца бархІи узи гІяярличи вякъунхІели, цІумла тІа-мала бакъили, рузини тІал ва гІена урасили сари — илав вагъигунала виштІалгъуна узи. Рузини ил дурасили, вирцили, беркесира бедили, икІ хъабализир аравирутира убкІахъутира дармунти лер или бурили сари. Валлагъ, наб аравирути дармунти диха или тиладибарили сай вагъигли. Рузини илис сагъирути дармунти дедили сари, сари узи вакІайчи хІерли кариили сари мицІирли калниличила узиси вари мабурид или.

Ахирра вакІили сай узи. КъацІра берки, ил кайхъи сай. ГІергъила бархІира узи гІяярличи арякъи сай. Рузини биалли курлавси вагъигунала виштІалгъуна узи дурасиб ва барх калун. Илкъяйда узи гІяярличи арякъунси замана курлавад вагъигунала виштІал узи хъули айцІахъули, хІеркабнурули буили саби.

Ца замана, узи гІяярличивхІели, рузини дурхІя варкъили сари, гІягнази вергурли, узи лявкъуси гъуйчи кайхъили сари. БархІехъ хъули чарулхъуси замана хІерикІалли, узини гъуйчи лайкакІили дурхІя чели сай, авцили, арухили хъули, рузиси викІули сай, нуни иш варгира, наб узи ветарарну, айкъа или. Гъай аман, нуни иш сели валхули айкъиша или, рузини хІейгусила гІердарили сари. Узи агархІели мама бедлугули, хъуливхІели къя ниъ дедлугули, ил халакаахъили сари. Курлавси вагъиг биалли дурхІя левли чеди дураулхъули уили ахІен. ДурхІя урегалверхІел дус виубли сай.

Ца бархІира илдани, дарман дедили, узи вебкІахъес къасбарили саби. Ил дурхІя шакиркули уили сай нешла баркъудлумачи. Рузини барили сари каш, узила сукрализи агъу гъудурдарили сари. ВиштІал дурхІяли бурили сай, ва дила узи, нешли барибси каш вари мабукад. ГІяхІна или, ил хъули ацІили сай. Вамсуррив, дила узи, хІера, кайи, каш беркен или, рузини узила гъала каш кабихъили сари. Узини хан-

барили кашличилси сукра лайбакІили сай, гьалавра ну кашли укуси ахІенри или. ГІурла бархІи рузини гажии бицІибти шиинизи агъу кабихъили сари. ГІур-ра дурхІя вякъи викІули сай, гажиннизирти шинниси агъу гъудурдарибну, шин мадужид или. ГІяхІна, ви-кІули сай узи. Вамсуррив, ва дила узи, или илис рузи гъунираили сари. ХІера ишди дяргІибти шин или, илис гажин гъабуцили сари. Гьалавра гажихІи-вад шинни ужуси хІейраси или, ил тййдибарили сай.

ХІябеси бархІи биалли рузини узис дарайла хІева ибсряхІили сари, ил ибухІели ила агъула дарман калкъули руили сари. Иличилара виштІаси дурхІяли бурили сай. ВакІили сай узи хъули. Ва дила узи, вамсуррив, чарухъунрив, рикІули сари рузи, майали-зи викили ургудну, чеббати хІева, иш ишбархІи бир-бубси чегъа, рикІули сари. Узини сасили ил хІева цІаличи чебиъурли сай, дарайла хІевни гьаларра челгъути ахІенри или.

Авэси бархІи биалли рузини дурхІя хъули деба-варили сари ва къапу агъули дакили сари. Узи гІяяр-личивад чарухъи сай, алавчарли хІерикІалли, виш-тІал агара, дуравхъи къапу къуждарили сай, илди гьаргдиэс лералли, кайкили сай. ГІяхІцад замана ди-кибхІели, рузи дурарухъи сари, вебкІибсин кайкили узи чеили сари. Разириубси рузини хъусяхъили галга-ла уди лайкакІили сай, амма ил вебкІили уили ахІен. Висули вашули, виштІал узи илала мякъла кайрули уили сай. Ца бархІи илини халал узи цІумикІули варгили сай. «Узи, узи чевсаргъи!» — или вявикІе-сяхІили сай. Халал узини вьвмайкІуд, лехІизи или бурили сай, ну аравиубли ахІенра, вякъи, нешлизи хІебагъахъурли, икІ тІакъаларти дармунти ха. Виш-тІал узини дармунти хили сай, держили илдира сайра аракайубли сай. Хъулив чи лева или илизи хъарбаили сай. Нешра лер, ну хІела дудеш сайра ви-кІуси вагъигра лев, викІули сай. ХІебиалли, хІу ишав кайили уэн, ну аркъяс, нешра каруршис, дудешра

каршис викІули сай халал узи, нура лявкѣяс хІе-
чил варх, викІули сай виштІал узи, неш каруршу-
хІели, ну тиладиикІус ибси кѣасличил ватихъили
сай. Хямкдарили унзара, ухІнавхъи хъули, анкъила
гъала кариибси рузис бяхъили шушкали, карикахъи-
ли сай, вагъиг биалли тахличи кайили уили сай, вир-
хъули, вирхъули, илра бутІнадварили, курла лайва-
кІили сай.

Ца бархІи халал узи виштІал узизи викІули сай,
ну набра хІедра хъунри баргес архІяличи аркѣяс,
хІу биалли икІ тахчаличирти хІунтІенара шинишара
вавначи хІерикІен, наб кѣияндикалли, шиниша ша-
лабирар, наб гІяхІли биалли хІунтІена шалабирар.
Йлав виштІал узира ватурли, вашули, вашули, дуги-
ла замана ил ца гІинизла мякъла ваили сай. ХІери-
кІалли, илар кариили рисуси жагаси рурси. Илини
хъарбаили сай, сен дебали нашманни кариибсири или,
Пашмай кахІериэс рирусирав нушала гІиниз верхІел
бекІла бегІ аждагъали буцили биалли, цалра адам
шин гІяхъяхъес валтули ахІен, гъанна набчи ярга ба-
или саби шин хес, аждагъара шаладиркухІели ляб-
къуси саби, рикІули сари рурси.

— Марисуд, дила ахІерси, ну гъанна вамсурлира,
камси бамсрияхъес калхъасну, гІур ил лябкъухІели
набзи багъахъи, — рикІули сай урши.

— Юх, нуни хІерирус хІу чевсаргъахъес, — рикІу-
ли сари рурси.

— ХІебиалли нуни хІела кѣукъубачи бекІ кабир-
хъис, — викІули сай урши. Рурсила кѣукъубачи бекІ-
ра кабихъили сайра ил ускаи сай.

ШаладиркухІели кІухла тІамаличил лябкъули аж-
дагъа чебаили, рурси, рисесряхІили сари, илала нур-
гъби уршила ляжубачи кадикили сари, ил харчизур-
ли сай, хапбарили шушка, тІашкайзурли сай. УркІ-
бухъунси аждагъа дукарбяхІили саби. ДурхІяли тур-
турлирив, някъ-някълирив или тІамадарили сай, ва
бикахъили, ца бекІ чеббяхънли сай, илкѣяйда илини

аждагъа кабушили сай. Кили рурси, аждагъала хІилизи някъ къужбарахъили сай, хІева ахъбуцили, удибси хІевализи някъла мугъур кабяхъяхъили сай. Аждагъала верхІелра бекІла веІну авра лихІи чердахъили, шурла уди къуздарили сай. Гур рурсилизи бурили сай, иш аждагъа нуни кабушииличила хІуни чизилра мабурид или ва сай дигІяникили сай.

Савли бакІили саби шии адитІес шанти. ГІиизла чеди кариили рурсира лер, илала гъалаб кабушили аждагъара леб. Чили кабушибал бура или тиладибикІесбяхІили саби адамти. Нуни хІебалас или, рурсили бурули ахІен. Нуни хІебалас, ну рускаунра, черсаргъибхІели, ихкъяйда кабушили баргира, рикІули сари. Илаб бахъал буили саби нуни кабушира бикІути. Гур илдани къасбарили саби рурси черяхІкахъес. Ил замана шурла гІелавад дуравхъи, уршили бурули сай, нуни кабушира или. Лебилра дукарбяхІили саби, хІуни аждагъа кабушес вирусирив или. Рахли хІуни кабушибси биалли, их аждагъала лихІби чедаахъа, бикІули саби. Иди чили даргалра, илини саби кабушибсира. УркІкабухъи адамти цаличи ца хІербизур, дурхІяли биалли, ахъбуцили шури, дурашили, шурла удирад аждагъала лихІби шантала гъала лайдакІили сай. Ахъбуцили чедибси хІева, удибси хІеваличибси рурсила някъла мугъур чебаахъили сай. Разибиубти шантани ил рурси илис шери редили сари. Дугели рурсила хъули кабихъунси замана хъали шалабиубли саби. Ухуси селра агара, шалали саби. Се саби гъари иш, викІули сай дурхІя. Рурси дукарряхІили сари. Рурси рикІули сари, икІ дубурличир дила рузикъар лерси сари, саричир ну гъалар шери рукъясли, икІаб сунела тІуйчи баршибси шям улкуси саби, икІ шямла шала саби нушала хъулибсира. ХІела рузикъар чераэс ну аркъяс, викІули сай урши. ВакІили дубурличибси диркъбикличи хапбарили къякъли бяхъили сай. Иларси рузикъар шакрикили сари сунечи адам вакІ-

ниличи, гъамриубли, уцили, ванзализи вяхъили, къукъубачи бикайчи гелавшили сари. Харчизурли уршили руцили, ил къукъубала чеди рикайчи ванзализи ряхъили сари. Гурра рурсили уцили, ил вайлиу бикайчи ванзализи къужарили сари. Харчизурли, уршили ил шалклубикайчи ванзализи къужарили сари. Гъу, урши, хед дигуси бара, гъанна ну хед мутингила, риклули сари ил. Ванзализирад дурарити, раши, дила узи левси сай, ихис шери редлугари, мекъра бирехе, ну биалли хела рузикъарличи хъайчикайилра, виклули сай урши. Кабиили хъули, къацлара биубли, рурсила дудешра къабуликахъили, илди гъуйчи дурабухъи саби ва уршила хъули баили саби. Хербиклалли, илав вавначи хериклули, гъачам разирули, гъачамхели пашманирули кайили узи. Илсра мекъ барили, нешаначи мешути рурсби биркъули, дудешуначи мешути уршби биркъули, гъаннара тебал биклар илди талихичебли херкабирули.

ХІЯБАЛ УЗИ

Лебли буили саби, лебли буили саби цабехі бегітала хіябал урши. Халатигъунти клелра хъайчикабиилри ва давлачебли херкабирулри. ВиштІал узи дебали халаси къуватла вегі сайри ва илис се сабаблирил гіамрулизиб гъарбилзули ахленри. Узбира иличи бекІлил никри бяхічихіейанбиублири.

Гъачамра давла бучес ибси мурадличил халати клелра узи архіяличи дурабухъес балкъаурли саби, неш гъимхлеруклахъес или, илдани виштІал узира варх арукили сай. Башули, башули лебли, илди хіябкъайличи баили саби. Ца гъуни ца шайчи аркъулри, ца гъуни итил шайчи, дайлабси бегІлаца къиянси гъуни бархъли аркъулри. Халати узбани виштІал узи дайлабси гъуйчивад вархъесли бариб. Сунела гъуйчир

виштІал узини дахъал кѣяннешуни дяхІяур. Вам-
сурси, хІялагарикибси илис гъуйчир мискинси хуху
къарширикили сари, уршилира се-биалра беркеси би-
хагу или тиладибарили сай. Хухуни ил сунела хъули
кили сари ва жихІличиб бетІу башес алавракІили
сари. Ил замаиа жагъилли илизи хъарбаили сай:

— БетІу башес хІушала шин агартив гъари?

Рухънанира бурили сари, гІинизла гъала кабибси
аждагъали шин лугули ахІеи, адапти гІинизличи
гъамбиахъесра балтули ахІеи или.

— Шин агарли, лебилра шаити гІязизли саби, се-
гъуналра берцудира агара, — цІумрухъи сари рухъ-
на.

ИлхІели багъадур айзурли сай, шушкара касили
сай, рухънази гажиира касахъили сай ва гІинизли-
чивяхІ ватихъили сай. ХІерикІалли, марлира, гІиниз-
ла гъала геркабухъи кахси аждагъа. Багъадурра тІя-
хІухъи аждагъала къакъличи мурдакайили сай. Вахъ-
хІи ургъули калуи багъадур аждагъаличил ва ахирра
чедикиб, ва адамтас шии пешкешдариб. ГІур ил
рухъиачи чарухъи сай ва сунес дигуцадхІи бамсри-
ахъили сай. Илгъуна багъадурлис баркалла багъа-
хъес шила лебилра адапти, хІятта унраличирти ши-
мала адамтира балли бакІиб.

Илгъуна багъадурличила хабарла бакъибти гъарахъ-
си шила адамтира бусрав-тиладилчил бакІили буи-
ли саби. Илдира цахІулант аждагъунаи — узи-ру-
зини шин дуцили, милигили гІязизбирули буили са-
би. Аждагъа узи вецІиу царадехІ мегъла ухІнав уи-
ли сай, ил хІерируси кІялгІяла умхъу биалли вацІа-
лизир хІеррируси рузизиб буили саби. Аждагъа узи-
ра дебали халаси цІакъла вегІ уилри, илини хъехІ-
бушалри, лебилра шира балли гардарбулхъули буи-
ли саби. ГІемчбушалри, къукъубикІухІеливаи тІамри
гІергІералгъули дуили сари, хІулила хІерра тѣп лѣм-
цІван ухуси буили саби.

Аждагъа рузи цадахІ кІари ца шайчи, идилти кІа-
ри итил шайчи хІердикІуси сихІрула галгаличи ка-

риили руили сари. Алгъай шайчибад илини кIапIи кайсалри, адамти къаркъаличи шурбулхъули буили саби, балуй шайчибад кIапIи кайсалри, мицIирбирули буили саби.

Лерилра илди секIайчила багъурси багъадур аждагъа узи хIерируси кIялгIяла умхъу сасес вацIализи арякъи сай. Гъуйчиб илис гурда къаршибикили саби, ил кабушес вализурлигу, гурда адамла мезли илизи тиладибухъи саби:

— Ну батабагу, уртахъ, камабуршаба, иуии хIед кумекбирис!

Гурдани илис сунела гъез дедили сари ва или саби:

— Рахди иу хIед хIяжатбикасли, ишдазибад ца гъез бига ва ну бусягIят хIела мякълаб багъарбирус.

Гурда кахIебушили, багъадурли илала гъез сасили сай.

Вашули, вашули левли, илис бецI къаршибикили саби. Илра кабушес дигусиригу, багъадурличи ил адамла мезли дугъабизурлI саби:

— Ну батабагу, уртахъ, нура хIед багалабирус!~ бецIлира илис сунела гъез дедили сари.

БецIра баткаили, багъадур вашули, вашули аркъули левли, сникала дурхIни къаршидикили сари. Иданира камадуршабая или тиладибарили сари ва чула гъезра дедили сари.

Ахирра багъадур сихIрула галгаличи ваили сай. Илар илиии жанивартани сунес дедибти дайхъала гъез дигубли сай. Илар бусягIят гурдара, бецIра, сиикала дурхIнира дагъардиубли сари. Синкала дурхIни галга гъакIарбиресдахIили сари, аждагъа рузи галгаличирад карикахъес дигули. Гурда ил риргIя-риргес бехIбихъили саби, бецI биалли карикибмадан бутIиадраресли тIяхIбухъес хIядурли укабиили саби.

Багъадур галгала балуй шайчив тIашизурли сай ва тIамадарли сай.

— Яра хIуни нушаб узила кIялгIяла умхъу га, яра иушаии хIу каруршури!

Аждагъа рузи черсаргъили сари, урухриубли сари
ва рикІули сари:

— Чи сайри хІу, багъадур? Гъачамлис набчи гъа-
миэси гъабза ахъибси ахІенгу. ХІуван гъайухъеси-
ра виубси ахІен. Набчи вакІибси цалра адам ишавад
мицІирли чарухъунси ахІенри. ХІеризи илди хІела
мякъларти къаркъубачи. Илдира хІугъунти адамти
бирутири — пергерти жагъилти бирутири. Илдала
мякълав хІура къаркъаарахъури!

ИлхІели багъадур хапли галгала къялиличи хъя-
микун ва илала хъатлаб ца кІапІи калун. Хъатла
кабихъили, ил уфбариб, кІаиІи аждагъа Рузила шай-
чибяхІ арцур ва ил къаркъаличи шуррухъун. Пур
багъадурли балуй шайчибси къяли буциб ва кІапІри
пяхІдариб, илхІели аждагъа рузиини къаркъубачи
шурбатурти лебилра жагъилти мицІирбиуб. Илди, мар-
лира, кегІебти жагъил адамти буилри. Илди багъа-
дурлис баркаллабикІесбяхІиб. Умхъуличира илди жа-
гъилтачира разиси багъадур шилизи вакІиб.

Илавад викили, ил кІялГІяли ваиб, сунезир калун-
ти сунела юлдашунала-жанивартала гъез дигуб. Гур-
дара, бецІра, сникала дурхІиира бусягІят илала мякъ-
лар дагъардиуб. Илдачил варх вяхъи, илиини кІял-
ГІяла къапу абхъиб, вецІну верхІра эсти мегъличи
ваиб. Илдира абхъиб ва хІерикІалли — цахІу-
лан аждагъа паргъатли бусули баргиб. Гурдара, бецІ-
ра, сникала дурхІиира цагъакІли иличи чедухъун ва
ил бутІнадбариб, суиела шушкаличил багъадурли ил
гъатІира дибГІяити бутІнадбариб. Аждагъала бутІини
дура дурасиб ва цІали дигуб.

Аждагъунала зулмуртазибад саби азадбарини ба-
гъандаи адамтира багъадурлис баркалла бикІутири.
Адамтира даршули ва паргъатли хІербиресбяхІиб.
Лебилра шайтани багъадурлис дахъал давлуми дучиб
арцра дучиб, унра шимира умцІурли, илис бегІлара
жагаси рурсира раргиб ва иличи хъайчикатур. Давлу-
мачилси карабанра балкъаахъурли, багъадур лебилра
шайтани гъунивватур.

Багъадур сунела хъули чарухъун. ДацІти някъба-
чил, гъуйчиб селра гъунар барес хІебиубли чарбу-
хъунти узби илдигъунти давлумачил ва жагаси хъу-
нуйчил чарухъунси виштІал узичи къясбиубли леб-
си мерличиб пІякъбикили бебкІиб.

Ит багъадур биалли сунела жагаси ва жагъси хъу-
нуйчил, адамтас гІяхІдешуницун дирули, къиянди-
кибсилис кумекбирули, гъаннара хІерирули тевал, би-
кІули бирар.

Илгъунари виштІал узила къисмат.

ВИЦИБСИ УРШИ

Левли уили сай, левли уили сай дебали давлачев-
си хан. Иличивра давлачевси адам дунъялнчив лев-
ли уили ахІен.

Гъачамра илини муэр чебаили сай: гъамсигъуна
жумягІлизив алкІути дурхІназивад цали гъамсигъу-
на заманализив сай каршу ибси. ЖумягІ бархІи би-
алли бусурмантала дурхъаси бархІи бирусири ва ил
бархІи акІубси дурхІя дурхъасилизи халирусири.

ХІера, жумягІ бархІира гъамбиуб. Ханна асарлиур-
ти мер-мусаличиб бахъал дурхІни акІубли саби ил
бархІи. Ханнира буйрахъбарили сай, ил бархІи акІуб-
ти лебилра дурхІни кабушахъес.

Ханна марти нукертани балулри ил бархІи чила
дурхІя акІес гІягІнисирил ва хъали-хъайгІи бухІна-
бурхулри, сагали акІубти дурхІни кабуршулри. Чи-
чилра уркІецІи бируси ахІенри.

ЦабехІ берІтала вецІал дус дурхІя ахІелкІули уил-
ри ва ил жумягІлизив илдас урши акІублири. Ил
уршила нешли бареси балули ахІенри урши верца-
хъес багъандан. Ил дигІянвареси мерра бургули
ахІенри, дигули ахІенри илис сунела марзла урши
ханна нукертала някъбази викили. Ил улкъайлизирад
хІерризур ва чула юртличибяхІ лябкъути ханна ну-
керти чебайб. Илини сунела урши ханвариб ва печь-
ла ухІна къужариб.

Сунела урши ургу или неш дебали урухІулри ва, бареси хІебалули, аллагълизи рулгесряхІилри: «Ва дила къудратла вегІ аллагъ, кумекбарагу, гІеббура наб урши верцахъес багъандан се баришал?» ИлхІели хъулиб къудратла вегІла тІама гІеб-гІебагъур: «Урши хІед гибси ахІен. Иличила нуни къайгъи да-кІубирис, хІуни къани бара, къанила ухІна урши кати ва хІеркІкадли батаа. ГІур хІуни хІела урши чехІейид, амма ханна иукертала някъбазира хІеркур. Ил мицІирли кавлаи!»

Нешлира къудратла вегІли гІеббурибси тяхІярли бариб.

Ханна кІялгІяла гъалаб халаси шара лебсири, нешли къани батаибси хІеркІла ца къяли ил шарализи башуси буилри. Ца бархІира хан сунела хъунуйчил ва рурсиличил ил шарала дубла кайнли левли, хапли хІеркІкад лябкъуси къани хІисаббариб. Нукертази ханни буйрухъбариб ил къани буцахъес ва илала бухІнаб се лебал ахтардибарахъес. Нукертани къани абхъиб, илав биалли — наргъатли усули урши леври. Ханнис ил кавшес дигусиригу, хъунулра рурсира мицІирли вати или тиладибикІесбяхІиб. Ханнира илда-ла тилади бартаахъур. Ханнисра урши гІяхІизур, ил уршира ханна рурсиличил хІязтаиркъесяхІиб. Сенрил ханни ил някъбачи ахъуциб ва, тян ил сунела душман виъни балухІеливан, уршили илала супелти зуз-дариб. ГІясинубси ханнис ил сагадан кавшес дигиаур, сагадан хъунулра рурсира илизи вати или тилади-бикІесбяхІиб. ВиштІаси дурхІяли балу-балули бариб-си ахІен, ил, вати или гІурра бусравбухъун.

ИлхІели ханни иб: «ХІуша дикІусигъуна виалли, ахтардиирехІе: ишис кампетра гара лугехІе, хІерди-кІехІе чидил чеббиркІул — камнет кайсул, га кайсул». ВиштІаси уршила гъала кампетра гара кади-хъиб. Уршли кампетличи някъ гъабатес вализургу, сегъуна сабрил цІакъли, сегъуна сабрил гъанбикли кампетличибад илала някъ тйдибиахъуб, бусягІатал

кампетра бетахъиб, уршилира га касъб. ИлхІели хан-
ра иличивад чевверхур.

Урши жявли халавикІулри, ил тазаси ветарулри. Ил вецІну урегра дус виубхІели, илини ца нарт кав-
шибсири, хан биалли, селичи сайрил ташмишибли,
иличивад тййдили вирес къайгънаиркъулри. Хан су-
нела адамтачил вягІдалавиуб ил кавшес. Иличила
ханна хъунуй бакъиб ва жагъил уршилис дигІянали
гамиличи кайахъес ва гъарахъли арукъяхъес кумек-
бариб.

ХІера, гами итил дубла баиб. Урши илав кацІиб
ва бамсриахъес хъарихъун. Илав ускауи. Чевсаргъиб-
хІели, алавчарли хІерикІалли, чилра агара, селра
агара. ВахъхІи вашули, вашули калун жагъил, илини
диркъурби ва дубурти ахъиб ва ахирра мазала мас
гІяйдикІахъуси ца рурси къарширикиб.

Уршилира илизи буриб, дила чилра левси ахІен,
бамсриахъес дубла кацІибхІели, гамира арбякъи хІе-
баргира, чина аркъусиралра балули ахІенра или. Рур-
сили чучи укъяхъес маслигІятбариб.

— Неш-дудешра дебали разибиркур, нушала ма-
зара гІяйдикІахъеси чилра агара, — чебатур рурсили.

Илди рурсила бегІтала юртличи баиб, рурсила бегІ-
ти жагъилличи дебали разибиуб. Дудешлира илизи
иб:

— Ишдус акІубти лерилра мукъри хІела дирар,
рахли иушачив ункъли узадли, вайта хІеркъадли.

Уршира хІяичилизи ахъиб. Ил илдачив вахъхІи
узули калун. ГІур сунелара дахъал мазала мас да-
кІудиуб. Илала бахъал юлдашунира дакІубиуб: тят
сайван тазати, халаси къуватличилти. Уршили илда-
зи сунечила хабар буриб, буриб хан сунела бегІ-
лара вайси душман сай ва ил кавшес дигулра или.
Илкъяйда илини сай-алав 300 багъадур цалабахъиб
ва ханичи къаршили дергъли дуравхъун.

Хани багъур сегъуна саял иарт, гІяскарличил су-
нечи къаршили дуравхъниличила. Иличи къаршили
хІябал азирла гІяскарличил ханра дуравхъун. Деба-

ли къяркъси дергъ кабикиб. КІелра шайчибад бахъал кабушибти ва бяхъибти биуб. Хаслира ханни бахъал адамти талапбиахъублири. Амма ил цабагъали чева-шулри ва сунела къяршикарти хІеркІлизи кягІяхъес къасбариб. Амма ил замана багъадурла някълизиб шушка багъарбиуб ва чилирил илис маслигІятбариб: «Ил шушкали къисбарадли, хІеркІ кІибайбиркур, хІу ветахъухъунмадаи ханнис хІеркІли гъуни къапІи-ру...»

Тяп илкъяйда бетра бетаур. Нарт хІеркІла итил дубла ветаиб, сунела адамтира берцахъиб, хаира илала нукертира биалли хІеркІлизиб гІяндбикиб.

Гъаннара бурули бирар, ил нарт хІялалли, яхІ-ла-мусличил, хІурматличил хІерирули левал, сунесра халкълисра диргалаулхъуси, гІямру къутІкъудируси адам валтхІелта или.

ШАГЪ ГІЯППАС

Левли уили сай ГІяппас бикІуси шагъ. Гъачамра илини буйрухъбарили сай, биштІа-халати хІеили, лебилра шайти хІянчиличи дурабухъахъес. ГІергъила бархІи шагъла буйрухъ таманбарилил ахтардибарес илала нукерти дурабухъи саби. Илар ца рурси хІянчиличи дурарухъи руили ахІен. Шагъ ГІяппасли ил рурси сунечи кахъес хъарбарили сай. Амма рурсили бурили сари, рахли ну хІяжатли риасли, сай набчи вакІаб или. ИлхІели гІясивиубси шагъ хІейгу-хІейгули рурсиличи вякъи сай ва илизи суалти лугес вехІихъили сай, валлагъ, рахли пасихІти жавабти хІегадли, хІу танбихІлариртури или урехира чебаа-хъили.

ХІуни се бирулрив или шагъли хъарбаибхІели, рурсили или сари:

— КІилизибад ца бирулра.

— Дудеш чинава? — хъарбаили сай шагъли.

— Дудеш сунела юлдашлизивад душман варес арякьун, — риклули сари рурси.

— Неш чинара? — хьарбиули сай шагъли.

— Нешра килизибад ца барес аррякьунси сари, — риклули сари рурси.

Илала жавабтазибад шагъли селра аргъили ахлен ва сунела киялгялизи чарухъи сай. Гур рурсили дурибти жавабтала мягина багъахъес иличи сунела нукерти бархъили сай. Рурсили илдази баянбарили сари: “Се бирулри или хьарбаибхели, дудешлис кел хевализибад ца бирулра ира, неш чинара или хьарбаибхели, урши варкъахъес унрас кумекбарес аррякьун ира, дудеш чинава или хьарбаибхели, дудеш гегуди арц тиладидарес сунела юлдашличи арякьун ира.”

Рурсила жавабтачил нукерти шагъличи чарбухъун. Илхели шагъли багъур ил рурси дебали духуси риъни ва шагълис шери хлякъяду или хьарбаахъес рурсиличи сагадан нукерти бархънб.

Рурсили нукертази бурили сари, рахли гямрулизиб сунес багалабиеси сегъуна-биалра санигятличи бурсиалли, шагълис шери рукъес къабулриркус или. Илхели шагъли мургъила рахажуни дирес бурсивизес къасбарили сай. Илхели, ил санигятличи веринадли, нура шери ляркъяс риклули сари рурсира. Сеннира бурсивирис, хлу наб шери раши, виклули сай шагъ. Илкъяйда илини къасбарили глергъи, бурсикайрар или, рурсира къабулкарикили сари. Гяламли хъумхертеси мекъра барили, шагъ ил рурсиличи хъайчикайили сай.

Гляхцад замана арбякъи глергъи, шагъ сунела жагъси хъунуйзи виклули сай:

— Хлу хъулир кален, халкъличи хлеруди бара, нуни мер-мераначи архля дурабуркис.

Хляжатти секладра касили, шагъ гъуйчи дуравхъи сай. Вашули сай, вашули сай шагъ Гяпнас ва ца шагъарлизив вагъариубли сай. Хлерикалли, шагъар-

ла лерилра къакъурбази черяхІкахъили зярхІти диъ-би.

— Ишдицад ишди диъби чинарад дикибти хІушаб? — хъарбаили сай шагъ ГІяппасли шагъарлантази. Иш нушала адам уили ахІен или, шагъарлантази ил мурхъси курла лайвакІили сай. Ил курлизиб биалли бахъал адамти лебли буили саби: бекІибтира ми-цІиртира. Бареси ва викеси хІебалули, ил вахъхІи къунзикІули калуи ва хабарра агарли кисала иякъ кабатур. Илаб биалли мурт сабрил бехІбихъибси, гъачамлис таманхІебиубси мургъила рахаж баргиб. Ил хІели илини ил рахаж бициб ва илис гибти арцлис цархІилтира дирес вехІихъиб.

Хъунул биалли ил чарухъайчи сабурагарли хІер-лири. Камси заманала бухІнаб мургъила рахажуии дируси устачила хабар лерилра мер-мусаличиб тІинтІ-биубли саби. Адамтасра ил чи ва сегъуна адам саял вагъес дигули ахъиб ва илигІиб умцІесбяхІиб. Ил мурхъси курлав варгиб. Адамтани ил азадватахъур. Ара-сагъли хъули чарухъунхІели, хъунул илизи рикІули сари:

— Чебиулрив, дила мурул. Адам сецад давлачевси виалра, сегъуна-биалра санигІят агарли уэс вируси ахІеи. Гъарил адамлизиб сегъуна-биалра санигІят би-эс гІягІниси саби.

Шагъ ГІяппасра хъунул рархъли риъниличи вир-хаур.

СИХІРУЛА ГИДГАРИ

Левли уили сай, левли уили сай ца мискинни хІе-рируси адам. Ил хІенкъула сайри ва шантала къули дуки дикулри. Илала кІел уршира лебри. Гъачам-ра къули гІяйдикІахъули левли, илини галгаличиб гидгариличи кабиили гІядатли ахІенси арцан — Их-ликъян чебаиб. Жагаси арцанра илала гидгарира дарх касили, ил хъули чарухъун. Хъулиб Ихликъян

батаиб — азадли хъа бухІнабалра урцахъес или. Гидгари биалли бицес базарличи арбухиб.

Базарличив иличи ца азербайжанлан гъамиуб ва хъарбаиб:

— Сецадлис бирцусив хІела гидгари?

— Ца къурушлис, — иб хІенкьулани.

Азербайжанлан гъарахъикиб. Камси замана арбякьунхІели, ил сагадан хІенкьулачи гъамиуб ва иб:

— Ил гІядатласи гидгари ахІен, ил сихІрула гидгари саби, нуни илис дила тукейзир лерти лерилра секІал лугас.

ХІенкьула къабулкайкиб, азербайжанланна тукейзир лерти лерилра мас касиб, илис гидгари бешиб.

Хъули чарухъуихІели, муруй хибси илцадра халаси давла чебаили, хъунуй маслигІятбариб:

— Диур хІенкьуладеш дирес, гъаннала гІергъи нушара адамтиван хІеркадирехІе!

— Юх! — иличил къабулхІейкиб мурул. — Иш далаличи идцад разириэс гІягІнили ахІен, иш мас сабабли дила хІянчи бархъкабатес хІейрус.

Ил гъалав къяйдали хІенкьулали узес даимиуб. Ил заманала ухІнав хъунуй сунес игнаба варгиб, жагали регІриранриуб.

Гъачамра игнабани хІенкьулала хъулиб гІядатли ахІенси арцан — Ихликъян лебниличила багъур ва сунела ригнабази хъарбаиб:

— ХІушала хъулиб тамашала арцан леб бикІаргу? Ил бархъсив?

— Бархъси саби, — рикІули сари хІенкьулала хъунул.

— Рахли ну дигахъули риадли, рахли гъаннала гІергъира ну хІечи вашули дигули риадли, ил арцан белгъен, нулав барили, илала чеди кабихъа.

— ГІяхІна, хІу викІусира бирис, — рикІули сари хІенкьулала хъунул.

Илини Ихликъян белгъун, берцІиб, нулав бариб ва илала чеди арцан кабихъиб. ИлхІели илала кІелра

урши хъули чарбухъун. Илдани вана-ванали лебалси пулав чебаиб, бахъ дебели гушбиубти илдас ил гІяхІ-бизур, берцІибси арцанна диъра беркун. Ца уршили Ихликъянна бекІ бергун, цали — уркІи.

Къан-къанни игнаба вакІибхІели, ригнабани илис пулавра арцанра гъала кадихъиб. Игнабани арцанна бекІра уркІира деркни хІисаббариб, сай беркесиличи къячхІейкун ва арякъун.

ГІур хъа регІ шакрикиб ил сунела уршбала пиша биъниличи ва илдас гІеларадکاریкиб. Уршби иличибад бебшиб. Бебшили, бебшили аркъули лебли, илди ца шагъарлизиб багъарбиуб. Ил замана биалли шагъарлантани чула патишагъ хІяриихъилри ва сагаси викІес алавбакІилри. Шагъарла адамтани улугъ батиулри ва ил чила бекІличи кабиалра, ил шагъарла патишагъли викІес вягІда барибси буилри. Яргала замана улугъ батаибхІели, ил хІенкъулала халалгъуна уршила бекІличи кабииб.

— Чи сайси ит мискин адам? — бачабархиб лебилра. — Итгъуна шаддикъ патишагъли виркІуси бира-ру?

Улугъ сагадан батаесли барилри. ГІурра адамтала чедиб урцули калун улугъ ва сагадан баягъи ит уршила бекІличи кабииб. ИлхІели патишагъла нукертани ил уциб ва туснакълизи ухІнаиб. Шагъарла адамтани сагадан улугъ батаиб. Урцули, урцули калун улугъ, гІур биалли бархъли туснакъла хъалчи кабииб.

ИлхІелн нукертани багъур цархІил бареси агни — бурибси гъай къянабирес асухІебирни ва ил урши шагъарла патишагъли викІесли бариб.

ИлхІели виштІал узини кисаларад къялши бицІари мургъи дурасиб ва туснакълизивад дураибси халал узила бекІличи чекакъур. ГІур шагъарла патишагъла нукертази иб:

— ХІушаб гъанмабикаб нуша илцадра мискинтира или, мургъи нушалара лерти сари. Гъанна гІяхІли каленая!

Сунела гъуни буцили виштІал узи арякъун. Вашули, вашули, ил ца жагаси шагъарлизив вагъариуб. Дуги беркІес или ил ца мискин рухънала юртлизи хъурайуб ва хъа регІлизи хъарбаиб:

— Се сагати хабурти лера хІушала шагъарлизир?

— Нушала патишагълис сунела рурси шери редес дигули сай, чІякІли ил рурси хІерририруси верхІел дерхІла ахъси къалаличи ацІес виубсилисцун шери лугас или багъахъурли сай.

ИлхІели виштІал узинира сунела къисмат белгибарес къасбариб. Селра-декІар къиян агарли ил верхІел дерхІла ахъси кІялГІяла къуббаличи ацІили, патишагъла рурсиличи ваили сай.

— КъалабамайкІуд, — рикІули сари илизи исбагъи. — ГІяхІна гъабзала гъунар хІябал дирар.

Илди бусес кабихъи саби. Урши усаунхІели, рурсили илала михъирлабад Ихликъянна уркІи дурасили сари ва берки сари. Урши чевсаргъибхІели, рурсилизи рикІули сари:

— ХІуни ца гъунар чебаахъири, гъанна кІиэсил гъунарра чебааахъа. КІинайсра иш кІялГІяла къуббаличи ацІес вализи, рахли вирудал!

ПикриикІули сай, пикриикІули сай урши, ила секъяйда айцІусил багъес вирули ахІен. ГІур илини хъули чарухъесли барили сай. Гъуйчиб илис дудешла букъурла мас бутІес хІебирути хІябал узи къаршибикили саби. ВебкІес гъалар дудешли ца уршилис къалтин, ца уршилис гажин, хІябэсил уршилис къапІа васиятдарили уилри.

Сен жалтази ахъибтирая? Се ургабикили хІушаб? — викІули сай илдази чевакІибси урши.

Узбира илизи баянбирес бехІбихъили саби:

— АнцІбукъ хІябалра секІал цаличил ца дархдаснилизиб саби: дехІибала дарес гъалар гажинна духІнarti шинничил дазала даралли, гІур иш къалтинничиб балгара белчІалли, къалтин урцуси саби, къапІали биалли адам цархІилтала хІерлизивад дигІянируси сай — чехІейаннруси сай.

Илгъуна хабарличи виштІал узи дебали разикайуб-
ли сай ва жалбяхъибтази викІули сай:

— ДуцІли ит дубурличи адацІирая ва къалабали
чардухъеная. БегІ гъалав вакІибсилис къалтин бирар,
кІиибиллис гажин бирар, хІябэсиллис къапІа бирар!

ХІябалра узи дуцІли дубурличибяхІ арбякъи саби,
илабад къалабали чарбухъес багъайдан.

— Набра хІяжатси ил сабригу, — викІули сай
хІенкъулала виштІал урши ва, къалтийчи ацІили,
патишагъла рурсиличи арцурли арякъи сай.

— ХІера иш хІед ца гъатІи гъуиар! — викІули сай
ил патишагъла рурсилизи, илала улкъайла гъалав
вагъариубли.

Илаб натишагъла рурсилира пикрибариб ишичивра
гІажІси мурул гІур виркхІеркур или ва илис шери
рукъес къабулкарикиб.

КІЕЛ РУЗИ

Лебли буили саби, лебли буили саби кІел рузи. Ил-
дала бегІти цархІил шилизиб хІербирули буили саби.
Гъачамра халал рузи риштІал рузизи рикІули сари:

— Наб дудеш чезс дигулра, ну бегІтачи аркъяс.

Дурарухъи сари ил гъуйчи. Аркъули сари, аркъули
сари ва хапли гІиинцла халаси галга къаршибикили
саби. Галгара илизи адамла мезли бикІули саби:

— Ва рурси, ва рурси, бахъ декІлину, дучагу иаб-
чирти гІинцби.

Рурсили галгаличирти гІинцби дучили сари ва гІур-
ра гъуни даимбарили сари. Аркъули сари, аркъули
сари, хІеррикІалли — гъалаб халаси цІа. Ил цІаличи
гъамриубли сари, цІа илизи адамла мезли бикІули са-
би:

— Ва рурси, ва рурси, ну бишес асубирарну, набчи
урцул чедикъагу.

Рурсилира цІаличи урцул чедикъурли сари ва гъуни
даимбарили сари. Аркъули сари, аркъули сари ва суне-

ла гъалаб халаси бягІуси хІеркІ чебаили сари. Хапли хІеркІра адамла мезли гъайбухъи саби:

— Ва рурси, ва рурси, къаркъубазибад умубараба-гу дуцІбикІес дебали къияннину.

Рурсилира къаркъубазибад хІеркІ умубарили сари ва гъуни даимбарили сари. Ахирра ил бегІтала юртличи раили сари. Нешра узира хІянчиличиб буили саби. ХІеррикІули сари — чинабалра сегъуналра низам агара, умудеш агара. Къалабали хІянчилизи ахъили, гъар секІал ибгили сари ва гІеларяхІ чаррухъес дигу-ли, рурси гъуйчи дуарухъи сари. Аркъули сари, ар-къули сари ва ил халаси цІаличи раили сари, хІерри-кІалли — илаб жагаси чІянкІи. Илра касили, рурсили гъуни даимбарили сари ва халаси хІеркІличи раили сари. ХІеррикІалли — илаб чуднани бицІибси халаси кІабатІ. КІабатІра барх касили, илини гъуни даимба-рили сари. Аркъули сари, аркъули сари ва гІинцла галгаличи гъамриубли сари. ХІеррикІалли — гал-гала удиб мургъила гІинцбала бекІа. Чумал гІинцра касили, илини гъуни даимбарили сари. Ил хъули раили сари ва сунела архІяличила риштІал рузизи хабар бурили сари, илисра савгъатуни де-дили сари. РиштІал рузинира сунес дахъал савгъа-туни дикахъес къасбарили сари ва бегІтачи гъарри-кІус или гъуйчи дуарухъи сари. Гъуйчир илис гІинц-ла галгара, халаси цІара, хІеркІра къаршидикили сари, амма илдала цалра тилади бартаахъурли ахІен. РакІи-ли сари бегІтала юртлизи. Илабра сегъуналра я низам, я умудеш буили ахІен. Ил селичилра къячрикили ахІен. ГІеларяхІ чаррухъес замана баибхІели, дудешли сунес-ра дахъал савгъатуни луга ибси пикриличил, илизи хъули чаррулхъас рикІули сари. Дудешлира илизи селра или ахІен я сегъуналра савгъат бедили ахІен. Азгъин рурсира, нургъба чяхІдикІути хІулбира уш-кули, сунела хъули чаррухъи сари. Къясдешли руб-

кІуси риштІал рузи халал рузичи рехІризурли сари, илала савгъатуни керасес къасбарили сари, амма селра барес риубли ахІен. Жиндралариубси риштІал рузила къугъни чекасес хІериубли, халал рузини ил карушили сари.

КЪАРКЪААУРСИ БЯЖУК

Гъачамра хъар шилизирадси цунси хъунул адамли кІвинегъ — хъарара, хІяжланкІира, беруб диъра, михикІра — лерилра верхІдехІ секІал адушили дирути нергъ хІядурдирулри. Нергъ дарес илала шин хІедаиб. «Се бируси, — пикрирухъи сари цунси хъунул адам, — рахли гъанна ну шичи рукъяслира, чилилра хІеругарагу...» Ил гІинзи шичи аррякъи сари. Гъуйчир илис бяжук къарширикили сари ва дугила хуреглис се хІядурбарри или хъарабаили сари. Урухриубси хъунул адам кІвинегъ дирулра рикІули сари.

— Хурег барес хІела берубси диъ лебу, — рикІули сари бяжук.

— Агара, — рикІули сари хъунул адам.

— ХІебиалли, нуни хІед лебхис, — рикІули сари бяжук ва илар реткахъили сари.

Урухриубси хъунул адам хъули ракІиб ва унза дебадариб. Хапли хъалчличир тІама-гъама адердиб, къяпІилабад биалли бяжукла тІама чехиб:

— Авшарай, абхъа унза, нуни хІед берубси диъра хира.

Урухриубси хъунул адамли чирагъ бишахъун, лерилра унза-улкъайти къянІдариб ва шаладикайчи руржули кариили калун. Савли унруби абизурли хІерби-кІалли, юртла гъалаб зурбаси къаркъа. Ил чебаили, урухриубси хъунул адам уркІи пІякъьикили ребкІили сари. Къаркъа бячунхІели, илала бухІнаб бяжукла сурат бергили саби. Дугила рухІнар бяжук къаркъа-личи шуррухъи руили сари. Ил къаркъа гъаннара

Кубачила шилизиб лебал бикІули бурули бирар — хьаршабси ца юртлизи белши.

ИЗДАГ РУРСИ

Лерли сари, лерли сари хІябал талхъан узила издаг рузи. Ца бархІи ил хъа гъала дурарухъуихІели, дяхІиличиб хІила кІаитІ чебаили: «Агъ, хІябра жагаси хІила кІаитІ леб къалли!» — или сари.

— ХІила кІаитІалра сен жагаси бируси, жагаси кІев икІ ахъ дубуртачив кІялгІялизив хІерируси ГІяббас-Къуббас талхъа дурхІя, — рикІули сари ил гъай аргъибси Вагъиг хъуна рурси. Издаг рурсили Вагъиг рурсили бурибси хъумартес риубли ахІеи, ва сунени чехІеибси талхъан дурхІяличи дигай ди-хъили сари. Дигайла дардли ил усалрикахъили, рангагарриахъубли сари. Гъар гІяярличибад чарбиубхІели, узби чула рузизи хьарбикІули саби: «ХІед се бетаурли, хІед дигуси се леба, се камли, сеи нушази хІебурулри?»

Рурсили гъеч суиела дигайличила чизилра бурули ахІен.

Ца гІяхІси секІал балуси чула унра хъунуйзи узбани чула рузичила бурили саби. ИлхІели унра хъунул рикІули сари: «Асая кІел урдур диъла: ца цІерхъси, ца чІукъаси; гІурра асая кІел гІинц: ца хІунтІеи, ца цІуба. Илди рузила гъала кадихъа, хІуша уизала гІелар лехІдизирая, илии се бурул».

Узбаии уира хъунуй бурибси барили, саби унзала гІелаб лехІбизурли кали саби.

Издаг рурсили касили цІерхъси урдур, иличи байрики рикІули сари:

— ГІяббас-Къуббас талхъа дурхІяличи дигай ди-хъайчи ишгъунаригу дила чарх!

Рурсили чІукъаси диъла урдур касили рикІули сари:

— ГІяббас-Къуббас талхъа дурхІяличи дигай дихъила ишгъуна аурлигу дила чарх! Рурсили касили хІунтІена гІинц — «ГІяббас-Къуббас талхъа дурхІяличи дила дигай дихъайчи иш гІинцлаван хІунтІен-тиригу дила иркъми», — рикІули, гІинцличи къацІрики сари.

— ГІяббас-Къуббас талхъа дурхІяличи дигай дихъила ишкъяйда цІубдиублигу дила дяхІ! — или издаг рурси цІуба гІинцличи къацІрики сари.

Илди гъай аргъибти узби бусягІят архІяли дурабухъи саби — «Чинав левси виалра, ГІяббас-Къуббас талхъа дурхІя ургехІе» — или.

Узби башули, башули ца пулан дубурличи абаибхІели, илдаии парх или ухуси кІялгІя чебаили саби. Ила бухІабухъи хІеръалли — жагъси, дебали жагаси талхъан дурхІя. Ил талхъа дурхІяли бакІибтас халаси къуллукъ барили сай. БакІибтани чула архІяла мурад бурили саби.

Илцад дебали дигай дихъес риубси рурси дебали гІяхІси риэс гІягІиили саби ибси пикриличил талхъан дурхІяли сай ГІяббас-Къуббас талхъа дурхІя виъии багъахъурли сай ва рурсила узбази викІули сай: «Мая, иш явлухъну, иш гъала-гъала бирцибти шин хІушала улкъайла уди, кІинайс бирцибти — вагъигла улкъайла уди лайдакІая. ХІушала улкъайла удибад чумиздагла галга лябкъян, вагъигла улкъайла удибад — тегенекла. Илди галгуби хІисабли иуни хІушачи пайтун бурхъисиу, иличир хІушала рузи набчи рархъая».

Баркалла бедили, узби хъулибяхІ чарбухъи саби.

Талхъан дурхІяли дурибти лерилра дурили, узбани рузизи явлухъ бедили саби бирцахъес, ва саби гІяяр арбяхъи саби.

Издаг рурсили явлухъ ицули лерли, хапли ила Вагъиг рурси рухІарухъи, хъямдарили гъалар-гъалар явлухъ бирцибти шин чула улкъайла уди лайдакІили сари, кІинайс бирцибти — Издаг рурсила улкъай-

ла уди. Вагъиг рурсила улкъайла удибад чумиздагла галга бакъили саби, издаг рурсила улкъайла удибад — тегенекла.

Ца-кIел бархIи дикили гIергъи, пайтунтира сабира бакъили саби талхъа иукертн. Улкъайтала удирад дакъибти галгубачи хIеръили, илдани вагъиг рурси арружили сари.

Издаг рурсили халаси биса барили сари ва Вагъиг рурси аркуси пайтуниа къярдаличир мургъила къарчигъа агъаслири или балга барили сари. Рурсила мурад итмадаи бетаурли саби, ва ил пайтунна къярдаличир мургъила къарчигъа аурли сари.

Вагъиг рурсили иш къарчигъала хIулби сайтIи дигула или, илала хIулби сайтIахъи шиниша явлухълизи дергурли сари. Издаг рурсили ну къиргъу агъаслири или балга барили сари, къиргъу агъурхIелира. Вагъиг рурсили илала хIулби сайтIахъи, хIунтIена явлухълизи дергурли сари. Абаили саби илди талхъа кIялгIялизи. Дяхъили дам-дяд, барили халаси мекъ, талхъан дурхIя Вагъиг рурсиличи хъайчи кайили сай.

Талхъа някълизир гIярчумаг агъаслири или рурсили балга барили сари. Ил талхъа някълизир гIярчумаг агъурли сари. Талхъай ил гIярчумаг бихули жумягIцадхIи кали саби. Вагъиг рурсили илизи тиладибарили сари, гIярчумаг цIали бигубли, палда улкъайла уди лайдакIахъес. ГIярчумаг цIали бигубли, палда улкъайла уди лайдакIили сари. Илар жагати низби дакъили сари. Шадивад чариубли хъули лявкъуси ца дурхIяли илди низби далцIи, тавра бицIили хъули хили сари. Нешли илди низбала чуду барили, байхъала сунени берки, байхъала дурхIялис батурли, къамаслигIи кабихъили сари. Дуравад гушиубли чарухъунси уршили нешлизи беркеси биха или тиладибарили сай.

— КъамаслигIиб чуду тебну, касили беркен — рикIули сари неш.

ДурхІяли кѣмаслизѣ някъ батурлигу, някълизѣ кѣицІбикІусѣ секІал. ДурхІяли кѣмаслизѣи кѣицІбикІусѣ секІал леб или бурили сай. Неш ракили кѣмаслизѣ някъ батурлигу, илала някълизѣира се-сабил кѣицІбикѣ саби. «КІуи диадалли, кІундацІая, хІедиадалли, дакІудухъеная, виштІасѣ дурхІялис батурсѣ чуду бук-мага букулрав»? — рикІули сари дурхІяла неш.

— КІунрацІес ну кІун ахІеира, адамдешра се биѣса набзиб, кІелра хІуйзирад сукъур сарра, — ил кѣмаслизѣирад Издаг рурсѣ дурасарухъѣ сари. Илинѣ лерилра суиечи дакІибти бунагъ—балагъличѣла нешлизира дурхІялизѣира бурили сари.

Издаг рурсѣ илдачѣр хІеррирули кали сари. Илала бекІла балуй шайчирти гъез мургъѣла, алгъай шайчирти арцла дуили сари. Рурсили бекІ хъарсбирухІели, ца шайчѣрад мургъѣ, ца шайчѣрад арц кайсули нешра дурхІяра давлачеббарили сари.

ДурхІялизѣ дахъал мургъѣ-арцра дедили, Издаг рурсѣ ца бархІи илизи рикІули сари:

— Укъениу талхъа кІялгІяла гъала — «Мургъѣ-арцлис хІулби дирцан!» — или суравухъеѣ. ИлхІели — «Иш ну лерра!» — или талхъа хъунуй хІунтІена явлухълизирти хІулби лерхуну — наб шиниша явлухълизирти сари гІягІнити» — или бура.

ДурхІя арякъѣ — «ХІулби дирцан агарав»? — или вявикІули сай. «Нуни дирцис» — или талхъа хъунул дурарухъѣ, сунечи дурхІя тІалабварили сай. Чедаахъѣли сари илинѣ дурхІялизѣ хІунтІена явлухълизирти хІулби. ДурхІяли — «Наб шиниша явлухълизирти сари гІягІнити» — или сай. Талхъа хъунуй шиниша явлухълизѣ дергурти хІулби хили сари. ДурхІяли илди асѣли ардухили, Издаг рурсѣлизѣ дедили сай. Издаг рурсѣли илди сунела някълизѣ дуцибмад, парх-или чула мусначѣ тѣсдухъѣ сари. Рурсѣ чебианриубли сари.

Издаг рурсѣли бекІла балуй шайчибад мургъѣла, алгъай шайчибад арцла гъез къяббирили хІякни ибу-

ли, илди дирцули, яшавбирес рехІрихъили сари. Илини дирбубти жагати хІякначила хабар талхъайчира баили, сунес хІяка бирбахъес Издаг рурси кІялГіялизи тІалабарили сай.

Издаг рурсили бекІла балуй шайчибад мургъила, алгъай шайчибад арцла гъез къяббириули, талхъайс лебГлеб жагаси хІяка барили сари. Талхъан дебали разиубли сай, ва рурси кІялГіялизирад аррукъес гъалар, сари чи сарил, бегІти чихъали сабил бурахъес тиладибарили сай. Издаг рурсили лерилра сунечи дакІибти къиян-жапаличила бурили сари, ва кІана чебасили байхъала мургъила, байхъала арцла гъезба рурхІуси бекІ чебаахъили сари. «Илди лерил къиян-жапа набчи дакІахъибси бекІ душман иш хъяшхъяр бекІ нихъятІи сари» — или, Вагъиг рурсиличи тІул бяхІчиаили сари. Талхъай хъямбарили сунела хъуна бекІличибад кІаиа убасилигу, хъяшхърани бицІибси бекІ чебаили сай. Талхъай Издаг рурсилизи хъарбаили сай:

— Се барасли гъими ихъида хІуии иш хъяшхъяр бекІ Вагъигличибад?

— Гъими ихъис нуии, иш хІебяркъурси тѣйла къуйрукълизи ригъи хяса-пусул агъахъадли, — или саби Издаг рурсили.

Талхъай итмадаи дураили хІебяркъурси тѣй, ригъи илала къуйрукълизи Вагъиг рурси, дуцІбарили сай. Вагъиг рурси хяса-пусул агъурли сари.

Издаг рурсиличи хъайчи кайили, тев, бикІар, гъаи-иара талхъан халаси дигиличил хІерирули.

ВЕРХІЕЛ УЗИС — ВЕРХІЕЛ РУЗИ

Ца шилизив левли ули сай верхІел уршила дудеш, гъескайубти гІямрула хъубзара. Илини къасбарили сай, сай вебкІайчи, сунела верхІелра урши хъайчи кабатес, илхІелира верхІел рузи кабиили.

Алавти шимази суравикІули кали сай, амма верхІел рурсила веГ дудеш варгили ахІен. ИлхІели

илини къасбарили сай гъарахъти шимази укъес ва себиалра верхІелра узис верхІел рузи баргес.

Аркъули левли, ца мерличив илис ца сунелагъунти гъескайубти гІямрула веГІ адам къаршиикили сай.

— Ассаламу гІялайкум, бамсриихъулрив? — или уршбала дудеш илала мякъла кайили сай.

— ВаГІялайкум ассалам, левра бамсриихъули, игъ-барагар, — викІули сай.

— Се биубси хІед илцад къакъавакІес? — викІули сай уршбала дудеш.

— Се биэса, дила узи, дила верхІел рурси тебли, се баришалра хІебалули, дуравхъунсира,

— Агъ! ХІела хъали анкІили бицІ! Дила верхІел урши тебли, илди хъайчи кабатес верхІел рузи гІяГІили, чумал дус умцІулрагу, хІечив игъбарла веГІ чи вурси, гъатІи? Илди кІелра хъубешуни бетаэс разибикили саби. Рурсби аркуси замана кабизахъурли саби, ва верхІелра урши илди арбукахъес бархъес вяГІдабарили саби. Хъули чарухъи, дудешли уркири хІядурдарили сари, верхІелра урши бархъес къасбарили сай.

Амма верхІелра узила виштІасигъуна халатани хъали-цІаличи хІерикІлахъес или ватурли, саби дурабухъи аркъули саби. ВиштІаси узини илдази бурили сай, — «валлагъ, хІуша чардиубхІели, ит пулан дубурличир хъурадиубли тІашмадилзадая» — или. Чумал бархІи дикили гІергъи, урегалра узи рурсбачил бакІили саби ва гъариллис гъалмагъра черрикІили сабира шелабахІ чарбухъи саби. РегІла риштІаси рузи биалли сунела гъалмагъ веГІла виштІаси узи хІекІиличи гІимрукІили сари ва, ну дигули риасри сай набчи лявкъи или, узбачил рарх рукъес къабулрикили ахІеи. Илкъяйда урегалра узира урегалра рузира чарбиубли лябкъухІели, дугила замана баягъи чузи хъурамабиридая или виштІаси узини бурибси дубурличи сабаили саби ва хъурабиэс илаб ца азбарлизи абацІибхІели, лергІер зурбати мегъла къапу къапІ-

диубли, абхъес хІейэсли дебадиубли сари. Ца зама-на кахси гурла тІамаличил «адамла гягІ, адамла гягІ, дамгъарайла тусла гягІ» — гІи цахІулан вагъиг ракІили сари. Ила хъурабиубти урегалра узилизи вагъиг рикІули сари:

— Эй, дунъяла инсанти! ХІуша верхІел узи лерни нуні балуси саби. Эгер хІушала виштІасигъуна узи набчи вархъхІерхъадалли, хІуша иуни ца чамкъли чамкъиура, ца къярли къяриура.

Урегалра узини чула виштІасигъуна узи вагъигличі вархъес чесили саби. Илкъяйда вагъигличил вягІдалабиубли, урегалра узини чула гъуни даимбарили саби. Сунела гъалмагъ агарли лябкъули узби чебаибхІели, виштІаси узис лебгІеб хІейгибизурли саби. Сай вагъигличі вархъес узби вягІдалабиъни багъурхІели, илис гъатІира хІейгибизурли саби. Илини балули уили сай хІязлис тІалабхІерни. АицІбукъ сен биалра, гІергъила бархІи савли виштІаси нарт мурдайили сунела къарабагъ урчиличи гъалмагъ кес дураухъи сай. Аркъули ит баягъи вагъиг хІеррируси дубурличі ветаэс цакамси мер лебалли, нартла урчи бикІули саби:

— Ну аркъу-аркъукад вагъигла юртла хъалчи тІяхІбулхъасну, дила тІама аргъили вагъиг дурарулхъан. Ит дурарухъунхІели, хІу итала хъябличи тІяхІухъен, эгер хІу итала хъябличи тІяхІхІевхъадли, итини хІу каршури. Илкъяйда вягІдалабиубли, нарт-ра урчира вагъигла юртличі бетайли саби. Урчи ар-цурли вагъигла юртла хъалчи тІяхІбухъи саби. ТІама-гъама аргъили, бакІибси се балагъу или вагъиг хІерэс дурарухъи сари. ИлхІели нарт вагъигла хъябличи тІяхІухъи сай. Вагъиг лергІер гІясириублигу, сунела гІясидеш чедаахъили ахІен ва разити дяхІ кадудили сари. КъацІли букес кабиибхІели нартлизи вагъиг рикІули сари: валлагъ, хІуни наб ит пулан ханна рурси кес чебиркур. Эгер хІуни ит рурси хІекадли — хІела гъярцІси хъяб, дила бугаси тур. — ГІяхІна, — викІули сай нарт, — нуні ит рурси кес чейсулра.

Илкъяйда илди вягІдалабиубли саби ва нартли сунела гьалмагъ кес гъуни даимбарили сай. Вашули ахирра вакІили сай верхІел рузила рштІасигъуна рузичи — сунела гьалмагъличи. Ил хабарла исбагъи руили сари. Илав ил хъайчи кайили сай. Ужули, укули хІябал бархІи кали сай, гІур ца урчиличи сунела гьалмагъ мурдаратурли, сунела къарабагъличи сай мурдайили гІелабахІ гъайбарили саби. Башули ца мерличи сабаибхІели, нартлис вагъигличил барибси вягІда гъанбикили саби. ИлхІели шурдатурли чула урчира сабира ханна рурси кес гъайбарили саби. БакІили саби илди ханна рурси хІеррируси шагъарлизи. Хъурабиубли саби илди ца шагъарла дублар хІеррируси мискин рухъначи. Рухъиани биалли илдас дебали гІяхІти гІяхІялдеш дарили сари.

— Се хабар-тІама лера шагъарлизир? — или нартли рухъна хъунуйзи хъарбаили сай. — Се хабар-тІама диэса, — рикІули сари рухъна хъунул, — гъанна кІел жумягІцадхІи аждагъали шин дуцили, шагъарла халкъ милигли бубкІули саби. ИлхІели нартли, касили ца чугара сайра, аждагъа лебси хІеркІличибахІ гъайбарили сай. Ветаили хІеркІличи чуга шинни бицІили сай ва чариубли хъули вакІили сай. Шинни бужес башути адамтала бахъдешли рухъна хъунуйс башни башесалра шин кали ахІен. Касили чугара сайра нарт кІинайсра шичи арякъи сай. ИлхІели, гьалав-гьалав гІяхІя дяхІлис хІу нуни ватурри, гъанна биалли хІу набчивад чархІелхъад», — или аждагъа нартличи цІали тІутІубикІули чебухъи саби. Нартли абитІи сай сунела мисри тур ва вирхъули аждагъала верхІелра бекІ чердыхъили сай. Чула милигдешли адамтани аждагъала агъу дархти шин держили бахъал алхунтира биубли саби. Чула разибиубдешли шагъарла адамти нартлизи бикІули саби, гъанна нушазибад хІед дигуси секІал тиладибара или. Нарт викІули сай, наб хІушазибад селра халаси секІал хІяжатли ахІен, чІянкІли хІяжатли сари хІушала ханна рурси.

ИлхІели лебилра шагъарла халкъ нартлис рурси реда или тиладиличил ханничи арбякъи саби. Хан разиикили сай. Ханна рурсира лергІер къугъаси исбагъи руили сари. Мурдабатурли кІелра исбагъира сайра нартли гъайбарили сай. Лябкъули илди вагъигла кІялгІяличи сабаибхІели, нартлизи урчи бикІули саби, валлагъ, хІу мурталра хІядурли ви, вагъигла хІу кавшес къас сабину. Нартлира пикрибарили сай вебкІес чебуркъалра ханиа рурси цахІулан вагъиглис хІередес.

Сабаили саби илди вагъигла кІялгІялизи. Разири-убсила дарили, вагъиг илдас гІяхІил гъунираили сари ва ил дуги нарт кавшес пикрибарили сари. Амма иартли вагъигла къас балули, илис гъалавхъес пикрибарили сай. Вагъиг бара карихъи русауихІели, нартли бемжахъурли мегъла хІяра касили, илала хІуйзи хъурсбарили сай ва ил ребкІайчи илаб батули сай.

Савли, вагъигла юртла къярда-къярдара мургъила дуили, далціи лерилра илдира, халаси мас-хазналичил, кІел исбагъи хъунуйчил нарт хъули чарухъи сай.

ГІЯЛИРА ГІЯЙШАТРА

Лерли руили сари, лерли руили сари ца ГІяйшат бикІуси рурси. Ил веціал дусра риубли руили ахІен, сунела бегІти алхунхІели. ИлхІейчирадала къаціла кесек багъандан рузес чебуркъубли саби ил пяхъир ціуръас.

ГІяйшатла бегІти хІенкъулаби були саби, ва ил багъандан сунела камти гІямру рурсилира хІяйвантачил дарх илдачи хІеруди бузахъули деркІили сари. БегІти алхн гІергъира, ГІяйшатли хІенкъулала хІянчи уббатурли ахІен. Илиин жамигІятла къулала хІенкъ дуки бикули руили сари.

Чумал дус ардякъи сари. ГІяйшат лергІер жагаси рурси ретаурли сари. Ил сунела хІенкъра сарра мур-

ла мякълавад чи-биалра шалгIевулхъалри, ил сари чехIераахъес дигIянрикес или къайгъилизир рири. ГIяйшат тянишли руили сари чIянкIли сунела гъалмагъ букIуи ГIяличилцун. ГIялила мазала дурзам мурталра ГIяйшатла къулала хIенкъла мякълаб бирули буили саби. ГIяли гъар бархIи ГIяйшатличи ва шули уили сай ва мурталра иличил варх вирули уили сай. БурхIии ардашули дуили сари. Амма ил дала ургаб ца гъачамалра дигайличила гъай биубли ахIен. ГIяйшат шакра риркули руили ахIен ГIяли агарли сари руэс хIеририиличила. ГIялила уркIилизирра ГIяйшатличи дигайла ца алки дуили сари. КIелра гъалмагъли чула уркIиличибси бурес бирули буили ахIен.

ЦабархIи дубура зумаси дирихъли кIапIбарили саби. ХIеруди агарли дурзам батес урухкIули, ил бархIи ГIяли ГIяйшатличи вякъунхIели, бебкIала рангличи шурдухъи дяхIра сарра ил раргили сай. Се риублири, се бетаурли? — или ГIялини хъарбаили сай.

— Дуги хIули чебихъес хIериубра, — рикIули сари ГIяйшат. ИлхIелицун багъурли сай ГIялини ГIяйшатлис сай дигииличила ва илизи сунела дигайличилара бурили сай. ГIяйшатра, хIу наб дигулри или мукIурракIили сари. Илди гъай аргъибхIели, ГIялини сунела исбагъи ГIяйшат кIапIруцили сай. ИшбархIи дила гIямрулизиб бегIла шадси бархIи саби рикIули сари ва ГIяйшат ГIялила хъунул ретаурли сари.

Гъачам ГIялира ГIяйшатра чула къушла гъала кабили, лебли, сунела мякъа-мажара сайра хай вагъариубли сай. Ил гIяяр вакIили уили сай. ГIяйшатла жагадешли хан гIяшикъварили сай ва илини къасбарили сай ца тяхIяр балбуцили ГIяли ветахъахъес ва ГIяйшат сунечи аррукес. ГIяярличивад чариубли, гIергъила бархIи ханни ГIяли сунечи тIалабарили

сай ва иличи вагъигла жимхІя тІуйчибси мургъила тІулека хахъес хъарбарили сай. — Дила ибил хІебарадли хъяблаирхъури, — викІули сай хан. Дебали халаси децІлизи викили ГІяли хъули чарухъи сай.

Сунела мурул гІяхІлис жихІерни балули, ГІяйшатли, хан сейкІулрил ГІялизи хъарбаили сари. ГІялини селра дигІяхІебарили хъунуйзи ханни хъарбарибсиличила бархъли бурили сай. Бареси хІебалули ГІяйшатра ГІялира дардлизи бикили кабиили саби. Илкъяйда кабиили илди сецадхІи калибал чили бала, рахди чула уми айхъуси тІамала хІебакъалри.

Чарбахъялли — халаси чІичІала. Ил бикІули саби:

— КъакъамайкІуд, ГІяли, хъарбарибси бирехІе, амма хІед нуни ибси барес чебиркур. ГІягІнили саби ханничи укъес ва сунела илхъилизибад урчи бикІахъес пурбанбара или тиладибарес. Ханни нурбанбарибхІели, илхъиличи гъамиубли иш шятІикІли хІяйна шятІъа ва хІечи гъамбиубси урчи буца. Ил урчили хІу ну лебси мерличи левкури, калунсигъуна нуни бирис.

Илди гъайла гІергъи, илизи чІичІай шятІикІ бедили саби ва итхІяйзибал саби кІунбацІили саби.

ГІяйшатра ГІялира биубсиличи бирхаэс хІебирули, муэррив, гъари иш хІуруцІрив или хІяккабизурли саби.

Биубси биэс или, ГІялини чІичІай ибси барили сай. Ил ханиичи арякъи сай ва заманаличиб хІуни хъарбарибси барес багъандан, хІела илхъилизибад ца урчи бикІахъес нурбанбара, хан, или дугъаизурли сай. Ханни пурбанбарили сай. ГІяли илхъиличи арякъи сай ва чІичІай бедибси шятІикІли хІяйна шятІъили сай. ХІяйнайс шятІъибхІели, илхъилизибад декІарбикили ца урчи бархъаначи сунечи бакІили саби. ГІялини урчи балкъаахъурли мурдайили сай. Урчи нгъубси ургиван вацІализибхІи бетухъи саби. Рахли тІамала бакъили урчи тІашбизурли саби. ГІялини баягъи чІичІала чебаили сай. ЧІичІай или саби:

— Гъанна вагъигличи аркъехле. Вагъигла кĳялгĳя-
личи детаибхĳели, ну ила бухĳнабулхъас ва къацĳ-
бики вагъиг хĳябал бархĳилис русалгъахъас, илала
гĳергъи, хĳу, Гĳяли, кĳялгĳялизи ухĳнавхъен ва ва-
гъигла жимгĳя тĳуйчибад ханни тĳалаббируси тĳуле-
ка чебберда.

Гĳяли мурдайили сай, чĳичĳай илала вай алавбари-
ли саби ва урчи дягĳван гъалабяхĳ арцурли саби. За-
мана сецад арбякъунал илди шакра бикили ахĳен, са-
би вагъигла кĳялгĳяличи бетаибхĳели. Кĳялгĳя шанда
барули алавбуцили буили саби. Чĳичĳай тĳамадари-
ли саби ва урчи барула гъалаб тĳашбизурли саби.
Илхĳайзибал чĳичĳала кĳуибацĳили саби. Камси за-
маиа дикили гĳергъи, Гĳялини баягъи тĳамала бакъи-
ли баруличибяхĳ гъайбарили сай. Урчили арцанниван
кункли бару чедибатурли саби ва кĳялгĳяла гъала
тĳашбизурли саби. Гĳяли ила ухĳнавхъи сай. Ца хъу-
лир вагъиг чераили сай. Ил русули руили сари. Гĳя-
лини вагъигла жимгĳя тĳуйчибад мургъила тĳулека
чеббердили, чĳичĳайчил варх дуравхъи сай. Илди ур-
чиличи мурдабиили хъули чарбухъи саби. Чĳичĳай
Гĳялизи или саби, рахли гĳягĳиидеш биалли, баягъи
нуии гибси шятĳикĳличил шятĳа, ну лѳбкъяс ва хĳед
дигуси бирис. Илала гĳергъи чĳичĳала кĳунбацĳили
саби. Гĳялини урчи илхъилизи бархъили сай ва ва-
гъигла тĳулека бедес ханничи арякъи сай.

Селра хĳейубли букĳун чарухъниличи хан дебали
тамашаиубли сай, ва къасбарили сай се биублихъал-
ли, Гĳяли мицĳирли хĳетес.

Гĳяли разили сунела исбагъи хъунуйчи арякъи сай.
Ахĳерси мурул чеибхĳели, Гĳяйшатла шадриънили-
чила бурес гъамадли ахĳен.

Хан биалли Гĳяли кавшес гĳямултагĳив вашули
уили сай. Вагъигла жимгĳя тĳуйчибад чеббердили
мургъила тĳулека хибси букĳунни се-дигара цархĳил-
ра биру или, бареси хĳебалули хаи пикрикĳули уили
сай.

Ахирра илини къасбарили сай цабехІ адамтала кумекличил ГІяли кавшес.

Дурхъал жумягІ бархІи хан халкъличи дугъаизурли сай, валлагъ, нуни ца дуги вайна муэр чебаира или:

— Садакъа камси бирули или аллагъ гымукІили сай. Хъунул-дурхІялис, цуръабас бедлугуси имцІабарес чебиркур. Амма аллагъ чевверхахъес багъандан ца адамла жанра садакъадарес гІягІнили сари. Чила жан садакъа дирехІел хІушани буресра чебси саби.

Ханни или ибхІели, гьаланачи хІядурбарибти адамти, валлагъ букІун ГІялила жан садакъадарес чебиркур бикІесбяхІили саби. Илала гІергъи лебил жамигІятли ГІяли кавшес хІукмубарили саби.

Ханни илис гІергъи адамти бархъили сай. Пякъир букІун ханничи кили сай ва барибси хІукмуличила илизи багъахъурли саби. ГІялини селра или ахІеи, чІянкІили тиладибарили сай хъунуйзи гІяхІили кален ахъес вархъахъес. Ханни ГІяли хъули укъяхъес пурбанбарили сай ва нукертази алавуцахъили вархъили сай. Хъули вакІили, ГІялини ханни сай кавшес къасбарили саби или бурили сай. ГІяйшат ханнис рургъескариили сари, амма дигуси муруйс кумекбарес илала ахъри бакІили ахІен.

Ханничи арукъес гьалаб ГІялини хІяйна шятІъили сай. Пяхъли баягъи чІнчІала багъарбиубли саби. ГІялини биубсиличила илизи бурили сай. «КъакъамайтІудну, ханни ибси бара!» — или чІичІала кІуибацІили саби.

Нукерта ГІяли ханничи чарварили арукили сай. Сунела муруйс верцес биркниличи хъул лебли хъалли, децІли хІериркъес хІерирули, ГІяйшат хъара-хъарагъуна нургъба тІутІурикІули рисули руили сари.

Ханни ГІяли кавшес жаллад декІарварили сай ва жагІял сунела кІялгІяла гьала цахІнабикахъес халкъличи хъарбарили сай. БархІехъ, жаллад кайхъи

усаунхІели, иличи чІичІала бакІили саби ва кьацІбики ил хІябал бархІи чевхІергъеси агъу кертІили саби. ПІергъила бархІи кабизахъурси заманалис жамигІят ханна кІялГІяла гъала учибикили саби. ГІяли дураили сай ва жалладличи хІерли тІашбизурли саби. Замана арбякъи саби, амма жаллад вакІили ахІен. Сабурагарси ханни жалладлис гІергъи адамти бархъили сай. Амма, жаллад айзахъес хІедиубра нушани или, бархъибти чарбулхъули саби.

Илдани бурси бакъибхІели, аллагълис ГІяли кавшили дигули ахІен бикІули урухбиубли адамти тІутІубирес кабиили саби.

ИлхІели тамай инсаплизивад вердибси хан викІули сай:

— ГІяли аллагъли валтахъуси хІейъии чебиахъис нуни хІушазину, жагІял иша цаладикирая, гъари. ГІяли тят иш нуни каршис!

Ил дуги, хан усаунхІели, чІичІала иличи кьацІбики саби ва ил вебкІари агъу кертІили саби. Хан лев мерличив вебкІили сай.

Савли халкъ кІялГІяла гъала цалабикили ханничи хІерли буили саби. Амма ил дурахъи ахІен. Цакамси замана дикили гІергъи, ил дуги хан вебкІиниличила багъахъурли саби.

Иличила аргъибхІели, халкъ таманни кабизурли саби, валлагъ, ГІяли аллагъла адам сай или, Илдани ГІяли хан варили сай. ВебкІибси ханна мякъя-мажа булан кабушили саби.

ЦІУБА ГІЯРГІЯ

ЦабехІ мискиибиубти хъалибаргла лебли саби жагаси цІуба гІяргІя. Илини гъар бархІи гидгари бирулри, амма илди чинар дирутил гІяргІяла бегІтани балули ахІеири. Ил багъандан гІяргІяла бегІтани къяшлизи гъая бигъи къараулбирулри.

Илдала буили саби гъал уркура мурала кадурцуси бацси яха. Хъа рeгl гlяргlяс гlергъи рашули, ил яхализи арацили сари. Унабурхlла мякълар уркlрухъи гlашли сари: яха бурхлиу абаайчи гндгурани бицlлри. Дургlела дуракасили, гндгурала дег ба-рили саби. Гъарил кура дeгла лайбакlибхlели, ца гlяргlя жибхlя, ца дагъа жибхlя каркули сари. Бегl-ла гlелабикибси вайсигъуна жибхlя дагъа чус батур-ли, лерилра дицили сари. Илала муруй ил жибхlя дагъаличи гили-къабта чедихъили, иличи хlябал гав-лаг ризкъила чекадихъили шинкъала арякъи сай. Ил шинкъалавад чариубли сай. Хlябал бетlула чеди гlур-ра клел гавлаг зелара чедихъили, дубурличи букlуна-чи арякъи сай. Букlунаии мазала мас дялгlяйчи, нус-би дарайчи, вецlал бархlи деркlили сай. Шударш маза дялгlунти бала, илдала иусби, чумал мазала къаркъала жибхlя дагъачи чекадихъили, ил хъули чарухъи сай.

Мурул хъули чарухъунмад, бала, иусби, диъби чер-касили, гили-къабта черкасибхlели, жибхlяла къакъ-личирти авал-шел пухlяла кадикили ца камси дяхъи бетаурлири. Мурул Гlяхlмадли ца сяхl хивала дячи, хивала гlявадешли дяхъи бикули сай.

Ца чумал бархlи дикили гlергъи, савли айзурма-дан хlерикlули сай: жибхlяла къакъличиб дебали халаси хивла галга бакlили.

Гlяхlмад ил галгаличи чевхъи сай. Ил галгаличир дуили сари ризкъи дегlунти хъуми, авлахъуни, цe-дешла унхъри тlутlила унхъри ва халаси жагаси ша-гъар.

Шагъарлизи аркъуси гъунила дублабси хъучир къа-бакъгъунти харбузуну дуили сари. Гlяхlмадла хар-бузличи иштяхlдухъи ца урчила багъа бедили асибси ханжал дурабитlи саби. Хайжал бегlлара чеввикlиб-си гlярбукlан устани мургъили иякъишбарибси бу-ли саби. Гlяхlмадли хайжал бурхlили ца калъала ка-луй, клиибил калъала калес, вализурхlели, ил хар-бузла бухlна арбякъи саби.

ГІяхІмадла шел метрла гІеркѣаси тІерхѣа лагра-
катра бирхѣули сай, амма илини селра баргили ахІен
ГІур илини вецІал метрла бухѣянси ганзи барили
ухІна арякѣи сай, селра баргес хІейубли, ганзи
кѣантІкабиубли, чариубли сай. ГІур илини хІябцІа-
ли метрла ганзи барили харбузла ухІна арякѣи сай.
ГІурра илала ганзи кѣантІкабиубли саби, ил лутІи-
личи каѣс виубли ахІен, илис чебикили саби ганзи-
личивад тІяхІухѣс.

Авѣибил жумягІ кѣяйцІикІули, вамсурси ГІяхІмад
гѣунила дублабси галгалиу бамсриахѣс кайхѣунхІе-
ли, ил ускаи сай. Ил замана ил мерличи хІябал гѣун-
кѣя лѣбкѣули саби. Илди бикІули саби:

— Дебали усуси адам сай их.

— Сегѣуналра пикри агарси адам сай их.

— БегІлара вайси кѣачагѣ сай их.

Илди илкѣяйда жалбикІули лебли, ГІяхІмад чев-
саргѣили сай.

— Ассаламу гІялайкум, дунѣяла адамти, — или
разивиубси ГІяхІмад илдачи дугѣаилзули сай.

— ВагІялайкум ассалам, гѣункѣя. ХІу чиавсирив?
ХІу селигІив умцІусирив?

— Валлагѣ, гІяхІси мургѣи-арцІличил баршибси
арла бегІ ханжал беткахѣили, гѣанна хІябцІали бар-
хІи, цугли баз, левра умцІули, амма гѣеч баргес
хІейубра.

— Се биѣса, гѣари хІела дис, иушала авцІали вал-
ри ва илдачирти дурхѣати чІянкІила духби детахѣа-
хѣили цугли авцІали бархІи умцІули лерли, ца хІу
ахІенси адам чеѣс хІедиубра.

— Ишдала авцІали валрира, авцІали чІянкІила
дехра детахѣибхІели, дила ца ханжал се биѣса, —
или ГІяхІмад хѣули чарухѣи сай, ханжалра хІебар-
гили сайра.



**Беклажудила
жабурти
ва анекдотни**

МАРЗИЯТ

Лебли саби, буили саби ца биштІаси шилизиб, неш-ра дудешра бебкіили, беркеси кьацІ агарли, чегьес палтар агарли хІербирути ца узира рузира. Узи ве-цІал дус виублири, рузи биалли верхІел дус риубли-ри. Узис Рашид бикІусири, рузис биалли Марзият бикІусири. Чула шилизиб, садакьалис бедибсиличил гІямалбирули, хІябал дус хІербирули кали саби. ХІя-бал дус дикили гІергъи илди шантас бетІили саби. ГІур илдаии кьасбарили саби унра шилизи садакьа-личи букьес. ИлхІейс узи вецІиу хІябра дус виубли-ри, рузи вецІал дус риубли сари.

Ца бархІи савли илди чула шилизибад дурабухъи саби. Уира шилизи биухІели, узини рузи тІашаили сай ва, бурили сай, хІу иш дубларад рехІрихъи, икІ дубларад дурарухъеи ва иш мерличир — хІеркІла дублар тІашризи, иш тІерхъа ишаб хІерзили бирар или. Узини тІерхъа кьадубала мякьла катІи сай. Ил гІурра илизи викІули сай, ну биалли икІ дублавад вехІирхъус, шила их дубла дураулхъас, кІелра ишар къаршидиркехе ва дарх хъули аркьехІе.

Башули, башули, илди шила кІелра дублабад бехІ-бихъили саби. Сунес кІел жумягІ рулес даарицад деркестира дучили сарра, рузи их дубларад икІ дуб-ла дурарухъи сари ва узини тІерхъа катІунси мерла ракіили сари. ЛасрикІули сари, хІеррикІули сари ру-зи — я тІерхъа агара, я узи агара. ПикририкІули са-ри рузи: «ХІеркІла дубла кариили, кьутІкьули ри-сули сари, узи вакІили, тІерхъара касили, хъули аря-кьи ургар или пикририкІули сари. ИлхІели илини хапдарили суени дучибтира — деркестира, къакъли-чи гІелахъили, шилизи гъайбарили сари.

Узини катІунси тІерхъа биалли шилизивад архІя-личи дуравхъуиси ухъиани сунес гІяйса барес касили уили сай.

Марзият биалли, хъуливра узи хІергили, гІурра чаррухъи сари уира шилизи.

Узи биалли вакіли сай саби вяґдалабиубси мер-
личі, сунела дучібти деркестира сайра. ХіерікІалли,
я тІерхѡа агара, я рузи агара. Хіеризурли сай хІеркІ-
ла дубла, иларра рузи агара. РакІесгу или хІерли
кайили сай. БархІи ахѡили саби. Узи пикриикІули
сай, тІерхѡара касили, рузи хѡули аррякѡи рургар
или. Илра ватихѡили сай хѡули.

Рузи биалли, унра шилизи чарриубли, узигІир ум-
цІесрахІили сари. ВяврикІули сари, хѡаррикІули са-
ри, узи агара. Илизи адамти бикІули саби, леври ил-
гѡуиа урши ишав, дуцІли кѡяйцІрикІеи, кѡаршиир-
куриу или. ДуцІрикІули сари, кѡяйцІрикІули сари,
цІяббиресбяхІили саби. Рамсурси, гушриубси Марзи-
ят, рухІиарухѡи ца азбарлизи, дугила замана гѡанкІ
ахѡес или хІяйваитас дугени кадирхѡуси тІенила
рухІиа карихѡи сари. ГІебшнила бугІярси замана бу-
или, хІяряргІес или, сунечи негра чедушили сари ва
мурхѡи русаи сари.

Ил заманалис узи хѡули вакІили сай. Рузини ду-
чібти деркесті лер, сари агара. Шала дикайчи хѡу-
лив кали, шила шанті чебсаргѡайчи Рашид унра ши-
лизи ваили сай, ва умцІесяхІили сай. ХѡарикІули сай
хѡарикІули сай, илизира бикІули саби, валлагѡ, узи
чехІеадав рикІули хѡаррикІуси, кѡяйцІрикІуси рурси
лерри или. Ил се риубал, дугила замана чина рякѡу-
нал чераибси чілра ахѡили ахІен.

Савли аризурли, кѡял хІенкѡлизи каѡс или хѡа регІ
азбарлизи дурарухѡи сари. ХІеррикІалли, кѡяйс дуге-
ни кадирхѡуси тІенилизи карихѡи русуси рурси, или-
ни ил чераргѡахѡили сари ва хѡаррикІесрахІили са-
ри: «Чинарадсири? Сен иша карихѡунсири? ХІела
неш-дудеш агартив? Сен хѡули ахІерацІири? Чи би-
кІара?...»

Рурсн рисириили сари.

— Вари марисуд, арацІи хѡули, — или хѡа регІли
ил ляварили сари ва хѡули аррукили сари. Марзи-
яттира илизи сунечила гѡар секІал дурили сари ва
дурарухѡес ралризурли сари. Нушачир руѡн бикІули

хъалли, ил илдачир калес къабулрикили ахІен ва дурурухъи сари. Иларад ил дурурухъи байхъала сягІят дикили-хІедикили лералли, ил юртлизи узи ваили сай ва дила рузи чехІераадав или хъарбаили сай.

— Валлагъ, абала, — рикІули сари хъа регІ, — ишкъяйда дуги ишар кали, савли аризурли дурурухъун, чина аррякъунал хІебалас.

Рузи хъули аррякъи рургар или, узира шилизи къа-лабаикили сай.

Ил замана биалли рузи шилизир узигІир умцІули руили сари.

Хъули вакІибси узини рузи раргили ахІен, гъаина ляркъяи, гъаина ляркъян или, хІерли кайили сай. Амма ракІили ахІен. Узи гІурра дуравхъи сай ил шилизи, гІурра умцІесяхІили сай. Рузи биалли ил замана хъули чаррухъи сари ва узи варгили ахІен. Илини къасбарили сари узи чарухъайчи хІерли кариэс. ХІябал бархІи дикили сари — узи агара.

Илкъяйда узисра рузисра къаршибикес бикили ахІен.

Рузини къасбарили сари сунела узи веркъибси шилизи чаррухъес ва илар хІерриэс. Узини биалли

къасбарили сай, сунела шира бархъкабатурли, унра шира батурли, цархІил шилизи минавиэс. Ваили сай Рашид ца шилизи, илаб Рашидли къасбарили сай чидил-биалра хужаимличив къацІлисалра узес. АцІили сай ил цабехІтала азбарлизи ва хІушаб хІянчизар хІяжатли ахІену или хъарбаили сай. Хъа вегІилизи викІули сай:

— Иша, хъули ацІи.

Урузли-урухли Рашид хъули ацІили сай ва хІушаб хІянчизар хІяжатли ахІену или сагадан хъарбаили сай. Хъа вегІили илизи хъарбаили сай: «ХІед чи би-кІара? ХІела неш-дудеш лебтив?»

— Валлагъ, дила я неш агара я дудеш агара, ну цунси адам сайра, — викІули сай Рашид.

— ХІебиалли, дила урши, дилара чилра агара, я дурхІя агара. ХІу наб урши ветаруд, ну хІед дудеш

ветарус, их хІед неш ретарар, хІура нушачив хІер-
кайи, — викІули сай хЪа вегІ.

Рашидра къабулкайкили сай.

Сунес дигуси букахъули, сунес дигуси челгъахъу-
ли, сунес дигуси бирахъули, хужаимтала урши вета-
урли хІеркайрули уили сай узи.

Рузи биалли ракіли сари урши ветахъибси шили-
зи. Илар илра цабехІтала юртлизи араціли сари ва
дуги беркІахъес ратахъес тиладибарили сари. Ил хЪа
бегІтира разибиубли саби, нушала дурхІиачи хІер-
эси адам агарану, хІуни илди къайгъни чекасес хІе-
рируду или хъарбаили саби.

— Нушала рурси къяйда хІеркарирури, — бикІули
саби илди.

Разикарикили сари Марзиятра, валлагъ, ребкІай-
чи-дигара хІушала дурхІиачи хІеррикІес рирус или.

ХЪа бегІтала буили саби ца рурсира ца уршира.
Рурси авал дусла гІямрула руили сари, урши биалли
хІябал дусла гІямрула уили сай. Илдаци хІеррикІу-
ли дикили сари шел-урегал дус. Гъар бархІи ил су-
нела узи ветахъибси мерличи рашули руили сари,
амма иличила гъачамалра хЪа бегІтази бурили ахІеи.

Нешла, дуешла бикІули хЪа бегІтира, неш, дудеш
рикІули сарира хІеркабирули буили саби илди Марзи-
ятра веціну урегра дус риубси исбагъи ретаурли ру-
или сари. Ца бархІи, дудеш архІяличи аркъухІели,
илини тиладибарили сари хІябал метрла къадар уму-
си цІуба чІянкІира гъар рангла гъимиртира асахъес.

Дудешлира рурси рикІутахир имціа-имціали асили
чІянкІира гъар рангла гъимиртира дедили сай. Илда-
зибад Марзиятли бегІ гъалаб барибси явлухъ дудеш-
лис савгъатбарили сари.

— Агъ, хІед хІялалдиъ, хІу мургъила някъбар ру-
илригу, — или, гъар архІяличи вякъунси замана ду-
дешли илис цІуба чІянкІира гъар рангла гъимиртира
дихули уили сай.

Илдазирад явлухъуни дарили, Марзият дицес ба-

зарличи рякъи сари. Ца ахІенти лерилра явлухъуни шел къурушлис ца хІясибли дицили сари. Ца явлухъ-ра сарра тІашли лерли, иличи гъамиубли сай веџІну урчІемра-гъал дусла гІямрула урши ва явлухъ сецад-лиса или хъарбаили сай. — Шел къуруш саби, — рикІули сари Марзият.

Дурасили, жагъилли илис шел къуруш дедили сай ва гІурла базар бархІи илгъуна явлухъ хагу или тиладибарили сай. Лебхис или, рурсира къабулкарикили сари.

Хъули чарриубхІели, илиии дебали жагаси явлугъ барили сари ва цархІилтазибад декІарли кабихъили сари. Пѣргъила базар бархІира рякъи сари ил шили-зи ва гъалар тІашли калунси мерличи раили сари. Илав илиии жагали веџІнубси жагъил урши чеили сари ва рякъи илала мякъла тІашризурли сари ва дурасили явлухъуни някъълизи дуцили сари. Иличи гъамиубли, жагъилли явлухъ сецадлиса или хъарбаили сай. Баягъи ит декІарли кабихъибси жагаси явлухъ дурасили, рурси рикІули сари, урегал къурушлис саби или. ДубхІехъили, жагъилли дурасили урегал къуруш дедили сай ва гІурла базар бархІилис шел гъатІи явлухъ дарагу или тиладибарили сай. Дирис или, гІелар калунтира дицили, Марзият хъули ракили сари. Хъулир ил рисесрахІили сари, валлагъ, дила узи левалси виалри, тѣп итгъуна ветари къалли или. Сунела узи гъаникили рисуси замана хъа бегІтала уршира иличи гъамиубли сай. «ХІед се биублив, рузи?» — ви-кІуи сай ил. Марзиятли илизи селра бурили ахІеи, гІур ил уршира висесяхІили сай. Ила уршила неш ракили сари, илра кІапІуцили рисуси Марзият чераили, илизивад урши кевасили сари ва уркъубяхъили сари, итцадра къуллукъбирули каратурси хІуни иушала гІяхІсаитуначила хъумкартурли, урши витлри или.

— Ишис се баррил бура? — рикІули сари ил Марзиятлизи.

— Сунези бурахъа, рикІули сари ил, уршиличи хІерризурли.

Се биубси или уршилизи хъарбаибхІели, ил викІули сай, валлагъ, ну хъули ацІибхІели, рузи рисули кариили раргира, се биубли или хъарбаирагу, селра хІеили, нура кІапІуцили, гъатІира рисесряхІиб, гІур нура висивиира. Рурсиличи уркІецІидухъи, уршила иеш черрерхи или Марзиятлизи тиладирухъи сари.

— Ну иткъяйдара хІечирад черрерхурлира, иеш. Нуни икІ базарличив ца жагъил урши чеира, дила узи мицІирли калунси виалри, икІгъуна вирусире или узи гъаиикили, рисусире, — иб Марзиятли.

— ХІела узи левсирив? Сейубсив? — хъарбаили сари нешли.

Марзиятлира ил шилизив сунела узи ветахъииличила, сари биалли, белики, дакІуухъесгу ибси къасличил, илар хІерриресли барибсири или, итала гІергъи урегал-верхІел дус ардякъи сари или. «Урегал дус гъалав ветахъибси узи хъумхІертуси ишини дила дурхІиира хъумхІерту», — пикрирухъи сари дурхІиала неш ва сунечирад черрерхахъес ва чучир даимлис калахъес тиладибарили сари. Марзиятра къабул-карикили сари ва явлухъуни дирес даимриубли сари.

Дарили явлухъунира, илдицад илис селис хІяжати вара или пикририкІули, ил базарличи аррякъи сари. СунечивяхІ лявкъуси адамла къаралди чебаили, тІашризурли сари. ХІеррикІалли, баягъи ит жагъил дурхІя. Гъамиубли, явлухъуни даррив или, илизи хъарбаили сай.

— Дарра, — рикІули сари Марзият урухриубсила тІамаличил.

— Диха, лерилра исулра, хІуни сецад багъа бурад-лира, илдицад арцра лугас, — викІули сай жагъил урши ва дурасили шушел къурушла кагъурти дедили сай.

Сасили арцра сарра, Марзият чарриэс ралризурли

сари. Жагъилли ил тIашаили сари ва бурили сай, хIу наб дебали дигахъулри или. Рахли къабулрикадли, иуша хъайчикадирехIери, викIули сай жагъил. Марзият биалли урезили хIунтIеидиахъубти ляжубачил иличи ласряхъили хIерризурли сари ва лехIкахъили сари.

Жагъил гIурра илизи викIули сай:

— ХIела бегIтачи сукникъянаби бархъишав?

— Ну селра рикIес хIерирус, — или рурси ратрихъили сари.

ТIашризи, ца гъатIи бируси леб или, жагъилли ил тIашаили сари ва бурили сай:

— Хамис бархIи нуни хIела бегIтачи адамти бурхъис, илди лябкъян или хIела неш-дудешлизира бура.

Марзият ласряхъиб ва селра бурес хIерирус иб. ИлхIели жагъилли гIурра тикрарбариб, нуни адамти бурхъис или.

Марзият хъули ракиб ва пикрирухъун: «Иличила буришара хIебуришара?» Илини селра бурес хIериуб.

БакIиб хамис бархIи. ХIеррикIули сари рурси гъаргала. БерхIи гIелабиркуси замана азбарлизиб кIел адам чебаили сари ва нешлизи рикIули сари, ихди нушачи лябкъути саби или. Неш илдачи хIерризурли сари ва илди нуни балути ахIен, рикIули сари. Нунира балути ахIен, рикIули сари Марзиятра.

— ГIяхIли хъурадирурав? — бикIули саби бакIибти адамти.

— АдацIирая, адацIирая, хъули даширая, — или неш илдас гъунираили сари.

КъацIлара биубли гIергъи гIяхIлани чула мурадличила бурили саби. Марзиятра бегIтира разибикили саби. БакIибтани бурили саби гIурла базар бархIи мекъ бирехIе или.

БакIили саби базар бархIи. Магъар дихъахъес кили сай шила къади ва ил викIули сай, ишав уршила дудеш гIягIнили сай. Дудеш агара бикIули саби. ХIебиалли, дудеш агара виалли, дудешла узи-узи-

къар биалра кес гІягІнибиркур викІули сай къади. Илдира агара бикІули саби. ХІебиалли, сай урши вакІахъая, викІули сай къади.

Рурсила бегІти бакІахъесра бурили сай къадини. Амма илалара чилра агарли уилри. ИлхІели урши-ра рурсира кабатурли, къади вехІихъили сай:

— Гъари, урши, бура хІела чи левсил, дудешра нешра се биубтил? ХІела узи-рузи лебтив?

Уршилира бурили сай, дила неш-дудеш лебтири, илди гашала дусмазиб бебкІиб, ца рузира нура гІелар калуира — вецІал дус виубси нура, верхІел дус риубси рузира.

Беркес къацІ агарли, чегъес палтар агарли, нуша садакъаличи унра шилизи дякъунра, илар рузи ретахъибсири, ну биалли иш шилизи вакІибсира, ишаб ишди гІяхІти адамти къаршибикили, чула урши къайдали хІеркайрули вихІира.

Ил замана узи или вявъили, рузи харчризурли сари ва узи кІапІуцили сари. Дила ахІерси рузи или, узинира рузи кІапІруцили сари. Цаличи ца кІапІбикили, илди бубкІули хІилхІи кали саби. Гуж-гужли декІарбарили, ца ухъала урши, итил ухъала рурси кабаркъили саби. Илди бусягІят бисули бускаи саби. Илдала бегІтази къади викІули сай, ну вакІайчи ихкъяйда бусахъес батирая.

Узира рузира мурхъли гъанкІилизи бертурли шала дикили сари. ВакІили сай къади, уршилизи илини айзи или тамадарили сай. УркІавхъунси Рашид харчизурли сай. Къадини илизи хъарбаили сай, сен хІу иша вакІибсири или. Иш дила хъали саби, ну дила хъулив сайра, викІули сай урши. ГІур вякъи, къадини рурси черсаргъахъили сай ва хІу сен иша ракІибсири, сен ишар русусири викІули сай. Рурси аризурли сари ва, тІашкайзурси узи чеили, рикІули сари, ну иша узи чеэс ракІибсира или ва узила мякъла ратрихъили сари. ГІур илдази къади викІули сай:

— Дила дурхІни, узира рузира хъайчикабируси гІядат лебси ахІен, ил хайрибируси ахІен. ХІуни, урши, хІед хъунул парга, рузисра мурул варга!

Илис баркалла багъахъурли, арбѣкѣи, узинира ру-
зинира шила дублаб барили халаси юрт, узис цѣику-
рира раргили, рузис гелешмешра варгили, узи хъѣй-
чикайили, рузи шерѣ рѣкѣи, талихѣчебли хѣрбирули
саби.

ДАГЪРИЧЕРСИ РУРСИ

Лебли буили саби, лебли буили саби ца шилизиб
мурулра хъунулра. Илдала лебли буили саби хѣябал
уршира ца рурсира. Илдала мас каби хъес мер буили
ахѣи, лерилра хъулри илцадра гарчкадарили дав-
лумаии дицѣили дуили сари. Дила бажардиличирли
давлачердиубтира иуша, вицѣули сай мурул.

— Хѣла бажардили ахѣенну, дила дагърили бучиб-
си саби иш давла, — рикѣули сари хъунул.

— Хѣуни ахѣенну, иуни каби хъибси саби, вицѣули
сай мурул.

Илдала гъѣйла бакъибси рурси рикѣули сари:

— Дудеш, хѣуни каби хъибси ахѣенну, иешла дагъ-
рили каби хъибси саби.

— Гѣяхѣна, — вицѣули сай дудеш. — Дила бажар-
ди цѣакъсил, иешла дагъри цѣакътил ахтардибирехѣ.
Гъари, кадиирая иша, дила дурхѣии. Гъари, хъунул,
дерцѣа верхѣел бархѣилис даари къуцѣри, хѣядурдара
хунжи. Хѣушаии, дурхѣии, иш дунъѣличив левси мас
агарси, бегѣлара мискинси, гаша убкѣуси дурхѣя кая
иша. Илис иш хѣушала рузи шерѣ редлугехѣ, гѣур
балехѣе чидил вархъсил, ахѣенал...

Илгъуна хъарбаркъѣличил дудешли архѣѣяличи бар-
хъили сай сунела уршби. Башули саби, къѣѣйцѣикѣу-
ли саби, агара илгъуна адам. Верхѣел бархѣи ва вер-
хѣел дуги умцѣули хъалли, дунъѣличив илгъуна адам
варгили ахѣен. Илди хъули чарбухъес гъуйчи дурабу-
хъи саби. Башули, башули бамсурли, ца дубурла
мякъла хъурабарили саби. Илдазивад виштѣалгъуна
узи вицѣули сай:

— Ну иш дубурла гѣла гъаввикІус икІаб се кѣбал хІерэс.

ВиштІал узи арякѣи сай. Дубурара ахѣили, катхІелихѣибхІели, хІерикІалли ца бяхІла кѣушра барили, кѣушла гѣалаб цІара бикѣурли, хІяжланкІила тІуйри дуцІули, ца ятим дурхІя — чархличиб палтар агарси, беркес къацІ агарси.

ВиштІал узини халати узбази тІамадарили сай, нушаб гІягІиниси адам ишав левну, иша даширая или.

БакІили узби хІербикІалли, ит дудешли урусичивра язихѣси куцличилси, кѣушла гѣалабси хѣуличи ца дугѣем хІяжланкІилара бегІи сайра кайибси урши. Узбани хѣарбаилї саби, сели укули хІуни гІямал бирулри или. ДурхІя викІули сай, хІяжланкІи тІайзидизурхІели, ишкъяйда дуцІули, дикѣурхІели лукѣули, гІямру дуркІули вирус или.

— Ваши нушачил варх, хІу нушани нушала рузичи хѣайчикалтари, — бикІули саби илизи узби.

— Юх, — викІули сай урши, — ишгѣуна куцличил ну адамтала мякъла кайэс хІейрус, ну ватабая ишав паргѣатли.

Илала бусрав-тиладиличи хІерхІеили, вѣв-чІярикІахѣули, илра варх арукили, узби хѣули чарбухѣи саби. Сунела махли духес рирутицад секІалра дедили, иешли рурси ил ятим уршилис шери редили сари. Нешлагѣунти дагѣриличил хІура давлачерриэс къасбара, викІули сай илис гІелавад дудешра.

КІелра илди дубурла катругси мерличибси ца бяхІла кѣушлизи бакІили саби. Сунела махлизибад дура-сили дяхІушканра, ваши или жагѣси мурулра арукили сарра, хІеркІла дубла ракІили сари, кили кѣушла ухІна, дедили палтар чегѣахѣурли сари. Урши биалли бахѣ дебали урузкІули ил рурсила мякъла кайэсалра вирули ахІен. Илкѣяйда ил кѣушлаб дугира беркІили саби.

Савли жѣвли аризурли, чевсаргѣахѣили мурулра, черкахѣили лихІбачирти урцІрира рикІули сари, ма, ишди духану, базарлнчир дица, нушаб цадехІ буруш-

гІянала аса, нушаб беркеси бирес шанг-цІубира аса, калунти арц хъули ха или.

Сунес дигутира асили, мурул хъули чарухъи сай. ГІурла базар бархІира урхъури или, кабихъи саби, базар бакІайчи илдачибли гІямалбурули.

ГІур аркъухІели, муруйзи рурси рикІули сари, хІу базарличи кайибхІели, адамтала гъайличи лехІизи, итаб архІяличи букъес дигути бирар, итдани нушала пайтунтачи хІерэси ца адам гІягІнили сай или, илхІели хІуни бура, иш ну лявкъяс или. ГІур илдани буру саби мурт дурабулхъаанал ва хІезира балахъа. КІинайс илгъуна насихІятличил базарличи вархъили сари мурул.

Базарличивад мурул чарухъайчи, хІядурбарили беркесира сарира кариили сари. Чарухъи сай мурул. Багълара барили, къацІлара виубли гІергъи хъунуйзи бурили сай, хІябал мурул адам лебри гІурла базар бархІи дурадулхъехІе или, нушала пайтунтачи хІерэси адам виалри или. Иш ну лявкъясра или илдачи гъамиубра. Илди разибиуб ва вакІахъес буриб. ИлхІели хъунуй илизи тиладибарили сари, хІуша дашули халаси гъуни ахъибхІели, адамтани багълабиру, къацІли дукес кадиибхІели, шин держес или, шин адитІес илди халаси татауллизиди кабулхъан, илдас гъалайкили, кавхъи, иларад шин гІяхъя, илдала милиги ахъахъа. Илаб хІези хъарбиу, жагаси жагал виару, вигуси жагал виару или. ХІуни вигуси жагал виар а. ГІурра илди хъурабиэс карбан-сарайлизи баибхІели, дуги буркІуси замана ца хІули бусахъен, ца биалли хІербикІахъен. Халаси тилади саби, илди кІелра нуни дурибти секІал дарни или, мурул базарличи вархъили сари.

Базарличи ваибхІели, илис хІерли кабиили архІяличи аркъути адапти баргили сай. Саламра бедали сайра, ну хІядурлира викІули сай. ХІебиалли, гъайбирехІе или батбихъили саби.

Башули, башули баили саби ца халаси диркъаличи.

Гъанна ишаб бамсриихъехІе, къацІладирехІе, шинни дужехІе или гъункъябани багълабарили саби. Буки къацІли, шин держес или бякъи татаулличи, жагъил дурхІя гъалайкили, шин гІяхъес татауллизиди кацІили сай. Бужили шиннира сабира батбихъили саби. ДурхІя биалли сунес держес шин адицІес или къухІизурси замана «Эй, урши!» или тІамадарили сари гІеларад. Урши ласяхъили сай ва халаси муцІурличилсиди ухъна тІашла чеили сай. Илини уршилизи хъарбаили сай, жагаси жагал вирару, вигуси жагал вирару или. Урши викІули сай, вигуси жагал вирар, дила дудеш. МуцІур хІяна ухъна викІули сай, хІеръа гъари, урши, их къадаларти, их жагъаннаблагъуна къадаларти вигуси жагал вирар эс хІебалутала бургира жаназунира сари. Баркалла хІед, дурхІя, или, ухънани илис кисаларад дурасили, хІябал жавгъар духури дедили сай. Сасили илдира, шалкІубсиди кисала духІна кадихъили, ил сунела адамтас гІевваили сай. Ухънани сунес дедибти духурибиди илдази чедаахъили ахІен.

ГІур илди баили саби ца халаси шагъарлизи. Гъункъябани илаб хъурабарили саби. Цаца посылка дирехІе бикІули саби илди. Посылка барахъес дурхІялисра савгъатуниди дедили сари. Уршили баягъи ит ухънани сунес дедибти жавгъар духурибазибад ца кабихъили сай.

Районнизиди дакІили сари посылкаби. Ит уршила посылка, цализиди ца бухая бикІули, бахъхІи кали саби. Итала хъунул лер, бикІули саби, ил архусиди агара. БахъхІи кали саби ил илаб. Ца дурхІяли, нуни итди балас или, арбухили сай посылка. Хъунул дебали разириубли сари. Хъунуй посылка гъаргбарили сари, илар биалли: сунес хІевни дарести сатинти леру, читла чІянкІи леру... Ил посылкала лутІилизира раили сари, хІеррикІалли — илаб пархбикІули ухусиди жавгъар духури. Дебали разириубли сари хъунул, ка - сили ил духурира сарира, ратрихъили сари Дербент шагъарлизи, илар рякъи тукенчизиди иш жавгъар духу-

ри нуни бирцулра, рикІули сари. Тукенчибани чула тукейзир лерти лерилра арц учидяхъили, илис дедили сари. Арцли къапра биціили, гІяхІ сягІят бирабили ил рархъили сари. Хъули ляркъухІели, илиини дуцили машинаби, диціили илди юрт барести ваяхІли, хъули чаррухъи сари. Барахъили гІяхІси юрт, муруйчи хІерли кариини сари. Илала байхъала къап биціари арц кали сари. Илдир духили сарира гІурра Дербейтлизини раили сари. Илар асини жагати гъунтини къалтинини суини дигути гъунтини цархІилтини секІалра, чаррухъи сари хъули. Мурул вакІайчини варкъили дурхІяра сарира хІерли кариини сари.

Ил замаиа, сунела хъунуй бурибси гъанбикили, дугила замана ца хІули бусахъули, ца хІули алавчарли хІербикІахъули уили сай. Дугила къаиси ца замана, лебилра халкъ мурхъли гъанкІлизи бертурхІели, ра-кІили, ца хъунул адамли, илала уртахъ адамтала бекІлиу цІуба бергараг къузбарили, ребшили сари. Айзурли, ил урши илис гІелавадикили сай. ХІярли-чирад тІяхІрулхъуси замана гІевваили, илала чурми дуцили сай. Дисличил къисдарили, чурмира дарх ка-сили, ил гъанкІахъес или, чарухъи кайхъи сай. Суне-ни хІеръили ахІен ит хъуиул адамли уртахъуиала бекІлиу кабиxъибси се сабрил, сунезирти чурмира чедаахъили ахІен.

Савли бакіили шагъарла хужаймла нукертани ле-
билра шагъар алавбуцили саби, чилра дурахлевхъа-
хъес или. Ил дуги талхъайс дурхІя варкыили уили
сай. Илра — вецІеси хъунуй. Гъалаб кабиибти хъун-
рас хІейгули ахъили, чеббяхъили дурхІяла бекІ, цІу-
ба чІянкІилизи бергурли, шагъарлизи бакІибти архІя-
лыкьянабала бекІлиу дигІянбарили буили саби.

Шала нїякъдикибхїлели, ил хабар лебилра шагъар
лизи тїинтїиубли буили саби. Талхъай лебилра ша-
гъарланти учибяхъили бурили сай, дила акїубси дур-
хїяла бекї чили чеббяхъибал чили буралра, дила
байхъала давла илис лугас или. Илав ил жагъил ви-

кІули сай, илгъуна адам нуни ургис, чІянкІли хІела шагъарла лебилра хъунул адамти бекІличиб кІана агарли иша бакІахъа или. Талхъай лебилра хъунул адамти кІялгІяла гъала жибарили сай, сунела хъунри ахІенти. ХІела хъунрира бакІахъа, викІули сай жагъил.

Талхъа хъунрира кили саби ва бурги гъаргдарахъес хъарбарили саби. Илдазирад ца, шаитазибад цІахли саби ишкъяйда дурарухъес или, кІаиа чебасес къабулрикили ахІеи. Талхъай гІурра буйрухъбарили сай кІуиби урасахъес. ХІейгу-хІейгули илинира кІана убасили сари. Ит жагъилли биалли бурили сай, дуги цІуба чІянкІилизи бергурси секІал иш хъуиул адамли сунела уртахъуиала бекІлиу кабихъиб или ва талхъайс илала чурми гъадуцили сай. Иш гІяхІси адам ахІеи или, гІелавадикирагу, чІянкІли ишдицуи сарри набзи дикибти, викІули сай ил.

Талхъай ил хъуиул хІябтІерхъаличи черяхІкахъили сай, жагъиллис биалли сунела лебсигъуна давлала байхъала бедили сай.

Гъуикъябаии ахъили чула архІяра сабира хъули чарбухъесли барили саби. ЧарбулхъухІели, гъункъяби бикІулн саби, бегІ гъалар нуша иш жагъилличир хъурадирехІе, ишала сегъуна яшав сабил балехІе, дугира беркІили, нушара хъули чардулхъехІе.

Жагъил биалли пикриикІули уили сай, дила ца бяхІла чятирлизи се или арбукиша ишдигъунти хІурматла гІяхІли?

Башули, башули, ахирра илди баили саби баягъи ит гъалаб ца бяхІла бегІ къуш бируси дубурличи. ХІербикІалли, илар кІидерхІла ахъти хъулрира лер, илала гъалаб ца бяхІличилси къушра леб. Хъули абацІили хІербикІалли, ила кариили уршиличил хІяз-тариркъуси хъунул. Хъунулра илдачи дебали разириубли сари.

— АдацІирая, кадирая или, кадихъили назбалишунира сарира, беркеси барес алавракІили сари. Ил-

гъуна хІурмат барниличи разибиубти гІяхІланира хъа регІлис дурхъати савгъатуни дедили сари, чула дурхІнас или датурти хІязла гІягІниахълумира илар датурли сари. ГІяхІли арбякъи саби. ГІяхІлаии архути ва датурти кІелцад дахъал давлумачил чарухъунси мурул кІапІуцили, хъунул рикІули сари:

— Нушаб базарличи вякъи ца пайтун аса, гІур нуша иеш-дудешхъалачи аркъехІе.

ГІергъила базар бархІи асили пайтуира сайра мурул хъули чарухъи сай. Ила чекабатурли уршира хъуиула сайра гъайбарили сай.

Азбарлизи абицІути дуклав дурхІяличил чула рурсира гуявра чебаили, неш дуцІрухъи муруйзи рикІули сари:

— Нушала рурси хер дурхІяра някъбази уцили, гуявра сарира ляркъули, пайтунничир.

Дудеш хІерикІалли, марлира, пайтунничичи кабиили, суиела мурула уршира кили рурси чучи гІяхІладли ляркъули.

Замаиа дикибхІели рурси иеш-дудешлизи рикІули сари:

— Гъаниа хІушара нушачи шадир дашес дирудая, иу секъяйда хІеррирулрал чебиидая, — пайтунничичи абиили илди арбякъи саби.

Нешра дудешра ляркъниличила багъурли, рурсили дурасили сунела лертигъунти къалтинти гъар мерличичи даршили сари, укадихъили къалтинти илди хъули абацІахъили сари.

Нешра дудешра хъули абацІибхІели, хІербикІалли, чулайчиб эркинии баршибси хъалира, сабичиб эркинии хІербирути рурсира гуявра.

— Гъу, дудеш, — рикІули сари рурси, — чила гъуиарли учибикахъибси ишгъуна давла?

— Валлагъ, дила рурси, — викІули сай дудеш, — ну гъанна тамай вирхаурра хъунуй мяхІкамхІебаралли, адам давлачеввиэс хІейрниличичи.

ШИНКЪАНКУЛА

Левли уили сай, левли уили сай ца дебали мискинси шинкъанкула.

Гъачамра ил шинкъани арякьи сай ва хІерикІалли — шинкъа бухІнаб декъли бугули кабиибси гурда. «Гъанна наб гъарбизур, нуни гурда кабуршис», — бусягІят пикриухъи сай ил. ИлхІели хапли гурда адамла мезли илизи бикІули саби:

— Ну камабуршаба, ну хІед дебали багалабирус, хІу давлачеввиахъес нуни кумекбарес бирус.

— Секъяйда давлачеввиэс вирусира ну?

— ЛехІизи бурусиличи, — бикІули саби гурда. — Гъанна ца патишагъличи аркъяс, илизи чинавадси саял цархІил натишагъ хІела рурси кариэс дигули, сукни лявкъули сай ирис. Бурис, гъуйчиб илис талихІагарси анцІбукъ кабикили саби, дебали дахъал чяхІзаб дарили, илала лерилра савгъатуни хІеркІли ардухили сари. Гъанна сайра мицІир-чІянкІули хІеркІла дубла кайили тев или. ИлхІейс хІуни хІела палтар чердати ва хІеркІла дубла кайи, — илгъуна насихІятра бурили, гурда патишагъличи арбякьи саби ва сунени пикрибарибсиличила илизи бурили саби.

ЦархІил натишагъ илала рурси уараркъес лявкъни-личила багъурхІели, илавси натишагъ дебали разинубли сай. ТалихІагарси анцІбукълизи викибсилис кумекбарахъес, дурхъати палтар-къяшра дарх касахъес, кумеклис баари адамтира барх букахъес хъарбарили сай.

Патишагъла къуллукъчибира илала буйрухъ таманбарес арбякьи саби. Илди хІеркІличи байли саби, хІербикІалли — дубла мицІир-чІянкІули кайибси, шинкІакайубси адам. Патишагъла къуллукъчибани чегъахъес илис дурхъати палтар дедили сари. Ил вегІиубхІели, гъарли-марли патишагъван кайзурли сай. Сунечи кумекличи музабухъунтачил варх илра патишагъличи ватихъили сай. Лебилра адамтала гъалаб биалли уктемли ва пахруличил гурда ганзбикІули



буилри. «Нуни гІур се буришара? — пикрикІулри шинкѣанкула гѣуйчив. — Патишагѣла давлачерси рурсиличи ну хѣйчикайаслира, гІур чинав ва секѣйда хІеркайрусира ну?»

Ахирра илди патишагѣла кІялгІяличи баиб. Илаб биалли бахѣал адамти учибикилри ва дурхѣаси гІя-хІялличи хІерлири. Чумал бархІи дикили гІергѣи, гІяламли хѣумхІертеси мекѣра барили, патишагѣли сунела рурси шери редилри. Илкѣйда шинкѣанкула гІяхІцадхІи хѣуна бегІтачив кен-чеклизив хІеркайрули калун. Гѣачамра хѣунул шинкѣанкулази рикІули сари:

— Нушала мер-мусаличиб анцІбукѣесли саби, ваши гѣанна хІела бегІтачира аркѣехІе, илди секѣйда хІербирулил чебаэс дигулра.

Илгѣуна агилизивад верцеси се пикрибаришара или вахѣхІи пикриикІули калун шинкѣанкула: «Дила хѣунул дила бегІтачи рукеc багѣандан се никрибаришара? Дила вацна бицІибси шинкѣала аркуси хІериэсгу?»

Илини сунечи гурда жибариб ва сунела тІягІямагарси агиличила децІличил хабар буриб, сунес кумекбарахѣес тиладибариб.

— Бахѣ дебали децІлизи маркуд, дила уртахѣ, себиалра никрикабирехІе, — бикІули саби илизи гурда.

ГІергѣила бархІи илди разили гѣуйчи дурабухѣун. Лебилтас гѣалаб пахруличил ва уктемли гурда ганзбикІулри. Ахирра илди халаси диркѣаличи дурабикиб. Илар биалли азирти мазала масла дурзамти гІяйдикІулри. Гѣалаб башуси гурда дуцІли хала букІуйчи гѣамбиуб ва чІумали буриб:

— Итди лѣбкѣути адамтани ишди дурзамти чила сарив или хѣарбаалли, хІушачил варх лѣвкѣуси натишагѣла сари или бура. Рахли ил хІебурадли, итдани хІура хІела юлдашунира хѣяблабирхѣу.

Гѣалаб башути жагѣилти хала букІуйчи гѣамбиуб-хІели, илдани хѣарбаили саби:

— Чила сартив ишди мулканира дурзамтира?

— ХІушачил варх лявкъуси патишагъла сари, — викІули сай букІун.

Патишагъла гуявла илдицад давлуми лерниличи лебилра адамти тамашабиубли саби. Илкъяйда илдас урчала илхъни, дахъал хъуми ва унхъри кършидикили сари. Гъар гъакІлис гъалабухъи, гурдани секъяйда жаваб лугес гІягІнисил гІеббурули буили саби. Ахирра илди мургъи-арцлизибад барибсигъуна лямцІбикІуси кІялгІяличи гъамбиубли саби. Ил кІялгІяра аждагъала буили саби. Лебилтас гъалабухъунси, гурдани кІялгІяла хужаим аждагъази бурили саби, къалабали юрт бархъбатирая, хІуша кадушес азирла гІяскар лябкъули саби или. УркІбухъунси, урухбиубси аждагъара, суйела дурхІнира барх касили, кІялгІялизибад бебшили саби. Жагъти цІикурми кІялгІялизи бухІнабухъи саби ва тяп чула хъули чарбиубхІеливан талихІчебли хІеркабирес бехІбихъили саби. Илди гъаинара илаб хІербирули тебал или хабар бурули бирар.

ХІера, гІямултар гурдани давлачеввилахъес мискин шинкъанкулас илкъяйда кумекбарибсири.

К Ъ И С М А Т

Лебли буили саби, лебли буили саби мурулра хъунула. Илдала ца уршира левли уили сай. Гъачамра уршили дунъя чебаэс, ванзакад къунзухъес, адамти чебаэс ва адамтази сай чеахъес къасбарили сай. Гъуйчи дуравхъи сай. ГІяхІцад гъуни ахъибхІели, илини сунела гъалаб дубура чебаили сай. ИлхІейс цІяббиубли саби ва илини дуги беркІеси мер баргес къасбарили сай. Илини гъарахълабван цІала шала чебаили сай ва илавяхІ ватихъили сай. Илала гъалаб ца юрт лагбизурли саби, хъа ухІна ацІили, хужаимлизи хъарбаили сай илаб дуги беркІес асубирару или. Хъа вегІлира асубирар или бурили сай, сунени биалли ил замана къалабали се сабрил лукІулри.

— Сен къалабали лукІусири? — хъарбаили сай илини хъа вегІлизи.

— Нуни адамтала къисматуни гъалахили далути сари, — викІули сай ухъна.

— Наб сегъуна къисмат къадарбирарал бурес хІей-руду? — хъарбаили сай уршили илизи.

Хъа вегІ ухъна кагъуртала бекІализи мурхъикили сай ва, вахъхІи пикрихІейкІули, бурили сай:

— ХІед уаркъибси рурси рархъратес ва декІли зягІипси ва мискинси рурсиличи хъайчикайэс чев-къар...

ДецІлизиикили сай урши ва вахъхІи усаэс хІейру-ли кали сай. Дай дугила замана ил юртлизивад ду-равхъи сай. Аркъули сай, аркъули сай ва хапли гъа-рахъли ахІи шала чебаили сай ва иличивяхІ ватихъи-ли сай. Ил хъа ухІна ацІили сай ва илаб мурулра хъунулра чебаили сай.

— ХІушачиб дуги беркІес асубиару? — викІули сай урши.

— Дуги беркІес къалли асубиар, — бикІули саби хъа бегІти, — амма усаэс мажахІят вииши, сенкІун чедибси дерхІличир дебали цІумрикІуси, зягІипси ну-шала рурси лерси сари.

— Селра хІебидар, сен-сен-биалра усалгъас, — ви-кІули сай урши.

Хъа бегІтани илис беркеси кабихъили саби. Уки гІергъи уршилис кайхъеси мерра чебаахъили саби. Уршилира пикрибарили сай, чедибси дерхІличирси рурси — баягъи ит ухъна викІуси, сай хъайчикайэс къадарбируси рурси рургар или. Илини рурси кару-шес къасбарили сай. Ил рурсиличи ацІиб, ханжал бур-хІуб, илала мякъла арцли бицІибси киса кабихъиб ва хъуливад дуравхъун.

Савли чебсаргъибхІели рурсила бегІти гъузгъалди-биуб: «Селра тІама-гъама агарагу нушала рурсила, гъари, сен цІумхІерикІусил багъес адицІехІе...» Илди рурсиличи абацІиб ва чула хІулбачи бирххІерули

калун. Илдала рурси аризурлири, ляжуби хІунтІен-кавхъири ва пишряхъили бегІтас гъунириулри.

— ХІу секъяйда сагъриубсири? — тамашабиублири бегІти.

— Нунира балули ахІенра. Чи сайрил дугели ацІили, ханжал хъячІбариб, дила лерилра излумира черардякъун, — рикІули сари рурси.

Рурсила бегІти дебали разибиуб, ит уршили датурти арц касиб ва чула рурси сагърарибси адам варгес или дурабухъун.

Илдани цархІил мерличи гечбиэс къасбариб. Ца мерличиб илдани юрт тІашбатур, цІедешла галгуби удатур. Ца бархІи гъаргала кариили, далайра белчІи, рурси сунела хІянчилизи ахъилри. Хапли чула юртличивад шулумулхъуси, муртрил сунес ханжал бурхІубси жагъси урши хІисабариб. Рурсила жагаси далайла бакъили, уршира лехІахъес тІашизур. Анхъла ухІна ацІили, илини исбагъи рурси чераиб ва бусягІят иличи гІяшикъиуб — дигай дихъиб ва хъайчикайэс къасбариб. Ил сунела бегІтачи вакІиб ва итгъуна-ишгъуна рурсила бегІтачи сукникъяиаби бархъа или тиладиикІесяхІиб.

Рурси мискинси сари, ХІед давлачерси рургехІе би-кІути бегІтала гъайличи ил бекІлил къабуликили ахІен. Итичи къабулкабикили саби. Халаси мекъ барили саби ва жагъилти хъайчикабатурли саби.

ГІяхІцад замана арбякъунхІели, жагъси муруй сунела жагъси хъуна каниличиб хІяна хІисаббариб ва ил сен-сен бетаурси или хъарбаиб. Хъунуйра сунечила бетаурсиличила хабар буриб. ИлхІели жагъси муруй сунела гІямрура гъандикахъиб, бегІ гъалав сай хъурайубси юртлизив цунни хІерируси ухънала насихІятра гъанбикиб.

«ГІе, ит насихІси ухънани гъалахили бурибси къадарбиубли буили къалли!» — никриухъи сай ил.

ЦА МИСКИННИ ДАВЛАЧЕВСИ УНРА СЕКЪЯЙДА ВИРГІЯИРГИБА?

Левли уили сай ца мискинси адам. Лерилра гІям-рулизив ил савлиличивад къанси заманаличи бикай-чи узули уили сай ва ухънавайбхІейс или, кам-гъам-ти арц гІела кадирхъули уили сай. Илала дахъал цІуб арцла къурушуни учидикили сари. Илдира хъабализи кадихъили, хъаба азбарлизиб ванзалиу дигІян-барили сай. Ил ухънавайли сай, узес ахърира кабер-хурли буили саби, амма гъалаб бучибси напакъаличив хІеркайрули уили сай.

Гъачамра, суиела сецад арц калил дейгІес дигули, азбарлизи кацІили, ваиза икъули уили сай. Сецад икъули хъалли, илии суиела хъаба баргили ахІеи. Шакикили сай пяхьир суиела хъаба бигІииличи. Хъулки варгес багъаидаи ил гІямултази ахъили сай. Суиела давлачевси уирани хъаба бигІииличи шаки-кІули, ил иличи бархІехъла замаи арякъи викІули сай:

— ХІурматла уира, хІу дебали гІяхІси ва марси адам сайри, чІяикІли ца хІезицун бурес вирус дила дигІяидешличила. УбкІухІели, дудешли наб мургъи-ли бицІибси къаии васиятбарибсири, ил дила хъулиб бихІес урухкІулра, мяхІкамбарахъес хІези гес дигул-ра. Дучибти дилара арц лерти саригу, илди хъабала кадихъили, хъаба азбарлизи укабатурра. Дила мур-гъира ита укадатес дигулра. Илди укадалтуси мер хІезицун чебаахъес дигулра.

Давлачевси уирара дебали разиуоб ва пикриухъун: «Се дирути иаб цІуб арцла къурушуни, мургъила ашрапуни касес вирухІели». Дугели арякъи, илии цІуб арцла къурушмала хъаба суиела мерличи укаба-турли сай. Мискии пяхьир виалли илис гІелавад хІе-рикІули уили сай. Давлачевси унра арякъунхІели, ду-расили сунела хъабара, ил хъули вакІили сай ва викІули сай:

— Камбиубли буили ахІен дунъяличиб вайти адамти. Дила давла ванзалиу укабатурмадан, бакІили хъулкнани, мургъира арцра ардухили саби.

Илкъяйда давлачевси унра селра агарли калунсири или бурули бирар.

ЧАЛТУКХАННА МАКРУ

Леври, леври Чалтукхан. Гъачамра ил сунела эмхІеличи дехра чебихъили, шинкъани арякъун. ЭмхІера мякъла тІашбатурли, илини шинкъа сандуглизи ризкъи какъур ва декъ лукъес вехІихъиб. Хапли илини сунела цІудара эмхІе цІуббихъиличи пикри бяхІ-чаииб. ЭмхІе шинкъа хъалчи арбукиб, хъянтІара къуйрукъра дуцили, пяххъярбирес вехІихъиб. Хапли эмхІе някъбазибад батбухъун, уди кабикиб ва бебкіиб.

ГІур цІудара къянби учидиркес ва бебкіибси эмхІела диъба дукуес дехІдихъиб. Чалтукхай къянби гъадяхъиб ва эмхІела каниличи кайиб. Къянби сагадан гъамдиубхІели, илини илдазибад ца буциб.

Декъла гавлагра гІелахъили, къянарира някълизи буцили, ил хъули чарухъун. Хъулир декъра датурли, къянарира касили, сайра цархІил шилизи арякъун. Ил цадехІ унзала гъалав тІашизур ва тІярхъилавад ухІна хІерикІесяхІиб. Хъа бухІнабтани декІар-декІарти берклуми дирули ва ца шайчи кадирхъули чебаиб. Берклуми кадихъибти меранира хІисабдариб. ГІур ил багълали хъа ухІна аціиб.

— Пал кадуршес балуси адам хъурахІейрурав? — хъарбаиб илини хъа бухІнабти адамтази.

— Ваши, ваши, хъуракайи, — иб адамтани ва илис кайахъес мер бариб.

— Гъу, сегъунти нал кадушес балада хІуни? — хъарбаиб цали.

Чалтукхай някълизибси къяна гъяжбариб. Къяна «къя-я-бухъун».

— Се бикІули къяна? — хъарбаиб адамтани.

— Валлагърагу, итил хъулибси къасиличир нусила чудни тер бикІар, — иб Чалтукхай.

Ил манзиллизив хъули чарухъунси муруй хъунуй-зи хъарбаиб, марлира, нусила чудни тертив или.

— Лер, — иб хъунуй.

— Лерли диалли, диха гъатІи иша, — иб муруй, някъбира цализи ца суркдирули.

Хъунуй вана-ванали лералти нусила чудни хиб ва лерилра деркун.

— Гъу, гІур се бикІули хІела къяна? — хъарбаиб хъа вегІли.

Чалтукхай къяна някълизиб сагадан гъяжбариб ва къяна «къя-я-бухъун».

— Валлагърагу, нура тамашаирулра, ит хІябкъя-шан шангла бухІнаб нулавличилси халдари теб бикІар, — иб Чалтукхай.

— Пулавла халдар лебсив, дила хъунул? — хъарбаиб муруй.

— Лебси саби, — иб хъунуй ва шангла бухІнабад вана-ванаси пулавла халдари дурасиб.

Къянара «къя-я-бикІахъули», Чалтукхай дигІяндарибти лерилра берклуми хахъиб.

ГІур хъа вегІ Чалтукхайзи тиладиикІесяхІиб ил къяна дебали дурхъали кабилзуси саби, — иб Чалтукхай.

— Сецадлис лугадал бурагу? — иб хъа вегІли.

— Иш къяна кІапІкабарес даарицад мургъи-арц-лис гес вирус, — жаваб бедиб Чалтукхай.

Хъа вегІлис ил викІутицад мургъи-арцра дедиб. Чалтукхай илис къяна бедиб ва хъули чарухъун.

Хъа вегІли къяна гІяхІил балхулри ва илис гІяхІ-си къуллукъ бирулри.

Гъачамра ил цабахІтала мекъличи арякъун ва дила сихІрукъя къяна леб или ганухъун.

— Гъари, се балулил чебаахъа, — иб илизи адамтани.

Илини къяна някълизиб гъяжбариб. Къяна «къя-я-бухъун».

— Къяна се бикІули? — хъарбаиб адамтани.

— Ит хъулиб къяжначилси кІабатІ теб бикІули саби, — иб Чалтукхайван илинира.

Адамти итил хъули бетухъ гу, амма илаб селра хІебаргиб.

— Гъари, чебаахъа хІела къяна! — иб цали ва илизибад къяна сасиб. Илинира къяна някълизиб гъяжбариб ва ил баргбедиб.

Итцадра дурхъали асибси къяна илкъяйда дугІли арбякъунсири.

Чалтукхай биалли къянбар къяналис дикибти арцлис эмхІела мерличиб урчи асиб ва эркинни хІерирес вехІихъиб.

ЦУЛБАУБ ДИЪ ХА

Рурсилизи хъархІебаили, дудешли ил сунес хІейгусилис шери редес хІядуррарили сари. Рурси рисули сари, тиладирикІули сари, амма дудеш иличи лехІизурли ахІен.

Ца бархІи дурхІяла бегІтани дудеш гІяхІладли тІалабарили сай. Дудеш ила аркъуси замана, рурсили тиладибарили саби: «Гъанна ну рикІусира бирули ахІенри, наб хІейгусилис шерира редлугулра, цаалра нуни бара ибси барагу».

— Бура, — викІули сай дудеш.

— ХІу укуси замана камси диъ цулбала бухІна бакІахъили, набра ха.

— Лебхис, — викІули сай дудеш.

ДурхІяла бегІтачи гІяхІлад арякъи сай ва укули сай. Рурсили бурибсира гъанбикили, цулбау диъ бакІахъили сай. Цулбау диъ дебабиубси замана, гъалав къяйдали укес виубли ахІен ва велкъра хІелкъи левай, багълавиубли сай. Ихтилатра бикІули кали гІергъи, цулбаубси диъли яхІбарахъесра хІетурли, къалабали хъули чарухъи, рурсилизи викІули сай: «Ма, релкъен, ишцадра наб къияндешличил цулбауб диъ хІехахъадри, хъулиб беркес диъ камлирив?»

— Гъай, дила дудеш, — риклули сари рурси, — цулбауб иш биштласи дигъ хес хлед къиянни, наб хлейгуси дурхляличир глямру нуни сен-сен дерклиша?

Илзамана дудеш пикриухъи сай ва рурси сунес дигусилис ахли шери редили ахлен.

ХІУ КАЛИ ГІЕРГЪИ, НАБ СЕЛРА ХІЕЙГИ

Лебсири, биклар, ца мерличиб азир хъалила халаси ши. Шилизир лерсири давлачебти бегітала ца исбагъи рурсира. Рурсила бегітаци сукни башути шила жагъилтира бахъал сабри, биклар. Рурсили биалли цалисалра сунела разидеш балахъули ахленри.

Баягъи ил шилизив, шилара хъар дублав хіерирули левсири дебали мискин урши. Урши бегіти агар ятим сайри, амма шила халкъла бегіла дигуси лачин сайри. Хлеблизиб мазала дурзамтачил буклуни шилизи чарбулхъалри, буклунани илис мукъара лугусири, дубурличибадли чарбулхъалри — нусила тлагъни дихутири. Уршира дебали серхурси, гіяхіти хіял-тлабигіятла сайри. Жагъилтас ургарикбси исбагъилара дигай ил уршиличи сарри дихъибти.

Рурси мискин уршилис къабулрикили или, бегіти гымбукіили саби, амма рурси биалли сунела гъайлис марли кали сари ва сунес дигуси мискин уршилис шери рякъи сари. Рурсила бегітани, халаси масра бедили, мекъ барили саби.

Мекъ барили гіергъи гъатіра бахъбаили саби уршила гъалмагъуни. Илди шадиб хіебакіибси цалра бархли башули ахлен, сецад бахъал гъалмагъуни башалра уршилира илала хъунуйра гіяхіти шадиргъундури дири. Гъар мурталра башути гъалмагъунас дирути харжанани лебдеш камкабикіесбяхіили саби. Гъанна чи-биалра вакіалли, сегъуна хіурмат баришара, чус хіурмат барес хлейрасли гъалмагъунира камкабиарар къалли или, урши къакъавакіили сай.

Ца бархИилизив вакИили сай сунес дебали дигуси гьалмагъ. Илис сегъуна ламус бирусил балули ахІен. Мурул пикриикІниличи хъунул шакрикили сари ва муруйзи рикІули сари:

— Гъари, дила мурул, белгъен их хебалси мазара, бара хІела гьалмагълис ламус. Ил лебличиб, гьалмагълис ламус барили гІяхІсину.

— Хъуна гъайличи мурулра дебали разиубли сай ва белгъи маза, гьалмагълис хІурматбарили сай.

Гъанна илала хъулиб чи вакІалра ламус бареси селра кали ахІен. Пикрумази гІелайкили сай ил. Хъунул илала мякъла гъамриубли, рикІули сари:

— Каса ишди мургъила кулхми, тІулкми, духа базарличи, дица ва хІед дигуси аса.

Муруй касили сари хъуна мургъила кулхми, тІулкми ва дицес базарличи арякъи сай. Базарличир илди дицили сари. Хъули чарухъес или пикриикІуси замана, хІерикІули сай — базарличиб бирцули унц. Унцличи илала иштяхІдухъи сари ва сецадлис бирцусил хъарбаили саби. Унцла вегІли кымат бурили саби, уршили биалли лерти лерилра арц дедили асили сай. Унцра гъайбарили лявкъуси замана хІерикІалли — базарла дублаб тІашаили урчи, вачуртази ахъили халкъ. Илра илдала мякъла гъамиубли сай, урчиличи иштяхІ имцІабиубли саби ва унцлис бехІсурбарахъес тиладибарили сай.

Урчила вегІлира къаршидешдарили ахІен, урчи бедили унц сасили сай. Мурдайили урчиличи шилизiviaхІ гъайиубли сай. ХІерикІалли — базарличиб бирцули бухари къапІа! Урчи хъумартурли сай илини, къапІа чебаили гІергъи. КацІили урчиличивад, бухари къапІала вегІличи гъамиубли, къапІа себирусил хъарбаили сай.

— Бирцуси саби, — викІули сай къапІала вегІ.

— Сецадлис?

КъапІала вегІли кымат бурили сай.

Уршили урчи бедили бухари къапІа асили сай, ва бекІличи илра чекабиили, шилизибяхІ гъайбариб. Баз

ригантира буили саби илини барибсиличи тамаша-биубли, илис глебхлебиули гъайбиубли саби. Урши би-алли разили сай, бухари къапла асира къалли или. ХлеркІличи гъамиубли сай шиини ужес. Ил шиини ужуси замана къапла хлеркІлизи кабикили саби ва хлеркІли арбухили саби.

Урши пикрумази викили сай, ва бареси хлебалули, хлеркІла дубла кайили сай. Ила гъамбиубли саби базригаитира. Илданирачебаили саби уршила бухари къапла хлеркІли архули. Гъамбиубли, базриганти би-кІули саби:

— Сецад зигаръала даресара хІела хъуиуй, ишхІе-ли хІуии дарибтас.

— Сегъуитилра зигаръала хІедиру, — викІули сай урши.

— Диру, — бикІули саби илди.

— ХІедиру, — викІули сай ил.

— Эгер ишбархІи хІуии дарибтачи хІела хъунул хІечи гымхІерукІалли, — бикІули саби базриганти, — ишди иушала хІябалра урчира хІябалра урчили-чирти масра лугехІе, эгер гымрукІалли — ишди ну-шаии дурибтицад секІал хІуни иушаб гесли.

— Къабултира, — викІули сай ил.

БакІили саби уршила хъули. Уршили илдала урчи-ра азбарла дигъи, хъунара сунелара гъай дакъеси мерличи базригаитира кабатурли, хъунул лерси хъу-ли ацІили сай. Мурул базарличивад чарухъи чеиб-хІели, хъунул дебали разириубли гъуиираили сари.

Гъу, чарухъунрив, дила мурул, базарличиб хІела архІяалра гъарбизуру?

— Гъарбизур, викІули сай мурул.

— Се асири, гъатІи?

— Лерилра дицІли унц асира.

— ХІябилра дхххси барилри, дила мурул.

— Унц бедили, урчи асира.

— Мурул адамлис урчира гІягІниси саби, ил хІед-ра балбикибси саби.

— Урчи бедили, бухари къапла асира.

— Агъ, хІябилра духуси барилри, гъабзала бекІ-
личиб къапІа бегІлара гІягІниси саби.

— Милигиубли, шинни ужес или хІеркІличи гІя-
шиубхІели, къапІа кабикиб ва хІеркІли арбухиб.

Ил замана хъунул кариибси мерличирад харчри-
зурли сари ва мура хъяблизи релси сари, къапІа
хІеркІли арбухили, хІу дила мицІирли кали гІер-
гъи, наб селра гІягІнили ахІен или.

Базригантира илдала гъай дакъили сари, ва, сел-
ра эс хІебиубли, датурли чула урчира урчачирти мас-
ра, гІелабахІ чарбухъи саби.

Илала гІергъира, бикІар, мурул-хъунулла ургаб та-
лихІебдеш гъатІира имцІабиуб, башути гъалмагъу-
нира бахъбаиб.

КЪАЛТИНТИ ДИРАН ТАЛХЪАН

Уили сай ца талхъан. Илени дига дихъили сари ца
мискин рурсиличи ва ил хІяйзиб бархъили сай иличи
сукни. БакІили сукникъянаби бикІули саби рурсили-
зи: «ХІу талхъайс дигиатурлири, хІу илис шери ра-
кІес чебиркур».

— Някъла се устадеш кІебсив талхъа? — хъарбаи-
ли сари рурсили. БакІибтани ил секІал балули буил-
ли ахІен. Илди чарбиубли, талхъайзи бикІули саби,
нушази рурсили хъарбаиб, хІезиб някъла се устадеш
лебсив или. Илала селалра устадеш агарли уббухъун.
Талхъай гІурра бархъили сай рурсиличи сукникъянаби
сегъуна устадеш биубли дигив или илизи хъарба-
ахъес. Чарбиубли бакІили илдани хъарбаили саби
рурсилизи: «Сегъуна устадеш лебли дигахъадив хІед
талхъайзиб?» — или. Рурсили жаваб бедили саби:
«Ну талхъайс шери ляркъяс, эгер ил къалтинтала
гІяхІси уста ветаалли...»

Талхъай сунела улкализиб лебти, бурибтигъунти
къалтинтала устни бучили сай. Илдачил варх къал-
тинти дирули узули, хІебалуси илдази гІеббурахъу-

ли, талхъан гІяхІси кьалтинти диран уста ветаур-
ли сай. Рурсира илис шері рякъи сари.

Гъачам ил талхъан архІяличи дуравхъи ца пулан
шагъарлизи ветаили сай. Вамсурли гушиубли ил ца
къугъаси хурегханализи ухІнавхъи сай. Илаб бузу-
тани чеибхІели ицІибси, тазаси цІерхъси адам, ил
бусягІятал декІарси ца адам кайруси хъули катурли
сай, барили гІяхІси беркалара сайра. Илдани вагъур-
ли ахІен ил чи уилил.

Сунела гъалабси беркала таманхІебарили лебалли,
талхъан кайибси мер хапли уди арбякъи саби ва ил
ца курлав вагъариубли сай. Илаб буили саби цархІил-
ти адамтира. Талхъай ишдази хъарбаили сай: «Се
сабив иш секІал? Сен хІуша иша кадиибтира?» —
или. Илди бикІули саби: «Нуша иша дикибтира ил
хІу тяхІярли. Чус гІягІниси къадар абаибхІели,
ишабти адамти гъарахъси улкализі арбукили лагъ-
дешлис бирцути саби, бикІар.

Илабти арбукес ярга баибхІели, вакІибсизізи тал-
хъан викІули сай: «Ну вицили сейрусирав, рах-
ли ватасли гъар бархІи вецІал адам бицили бакІиб-
сигъуна хайри ца бархІили лугас хІушаб нуни». Ва-
кІибси иличи къабуликили сай. Къалтин бушути ле-
рилра ваяхІ тІалабдарили, талхъан къалтин бушес
вехІихъили сай. Илини барили сай дебали жагаси
къалтин. Талхъан викІули сай илдази: «ИкІ пулан
шагъарлизи бухадалли, ишис ишцад багъа луга,
икІил шагъарлизи бухадалли, гъатІира халаси луга»,
— или. Къалтин бархъили саби бицахъес дахъал арц
луга ибси шагъарлизи. Ил шагъар буили саби тал-
хъан хІерируси. Талхъа хъунуй къалтин чебаибмад
багъурли сари, ил сунела муруй барибси битъни. Или-
ни дедили дахъал арц къалтин асили сари. Ил рикІу-
ли сари бакІибтази: «Ягъари, чинаб барибсив иш-
цад жагаси къалтин. Чинаб асес вирара гІурра иш-
гъуна?» — или. БакІибтани бурили саби, их пулан
шагъарлизиб, пулан мерличиб вирар или.

Талхъа хъунуй багъурли сари сунела муруйчиб кьи-
ян лебни. Илини бучили лебилра талхъа нукертира
сарра ил шагъарлизи аррякьи, хапли алавбуцили ба-
ягьи ил хурегахана умцIурли сари. Илаб илини барги-
ли сари лагъдешлис бицес арбукес хIядурбарибти
адамти. Ца курлизив къалтинти душули, усаликили
вебкIес ветаили, варгили сари сунела мурулра. «Че-
биулрив, устадеш лебси адам чинавалра ветихъули
ахIен. Къалтинти дирес бални хIед багалабиуб», —
или илини суиела мурул хъули арукили сари ва илди
лебилра вайнукъяби кабушили сари.

ГЪУНАР ЧИЛА ХАЛАСИ?

Гъанна, дила гъалмагъуни, нуни хIушази бурасли,
губдалунтла ца шилизив левли уили сай ца давлачев-
си адам, сунелара лергIер пергерси, хIекъли жагаси
чехъери рурси лерси. Ил рурсиличи сукникъяна хIер-
хъибси Дагъиста талхъунти - ургав чилра кахIелуи,
бикIар, амма рурсила ихтияр агарли бегIтани ил ше-
ри редес бирули ахIенри, рурсира мургъила бекIла
вегIлисалра шери рукъес къабулриркули ахIенри, би-
кIар.

Баиб, бикIар, ил рурсиличила хабар Къадарлизи.
Къадарлизив биалли левли уили сай бурибти тал-
хъунтала урши, сайра бегIтазивад мяхIрумиубси ва
узи-уршили хIерируси. Черайли сари ил уршили ба-
ягьи ил губдалан рурси: вирару ил иличи гIяшикъ-
хIейэс? Амма къадаран уршилира ункъли балулри
рурсили мурад хIергъили чарбарибтала лугIи. ХIера,
барахъиб илини метрцада ханжал ва рурсила ду-
дешличи вакIиб:

— Ассаламу гIялайкум, хъа хужаим, лебу хIечиб
мер дурашан гIяхIяйс?

— ВагIялайкум ассалам, ацIили гIергъи мерра би-
рар, шантани шан варалли, дурашанра шан ветаруси-

ну, ацїи. Гїяхїял агарти дуги-хїерира аллагъли къадармадараб нушачину, ваши хъули кайи мякъла.

Гъайла къантїа, рурсила дудешли къадаран уршилис дебали гїяхїти гїяхїялдешра дариб, кїиэсил бархїи биалли, илизи сай дураухънила мурадличила хъарбаиб.

Илхїели ахъиубли сай урши кайибси мерличивад ва чїяхїбарили абитїи ханжал, саби кабиибси тахлизи бурхїили, байхъала гїелабушили сай:

— Ну хїечи вакїнила мурад, — викїули сай ил, — хїела рурсиличи ну гїяшикъли виъни ва ил кариэс дигни саби. Балулра нуни иличи гїяшикъбиубти гїура бахъал лебли биъни. Амма ил ца сари, нуша — сукникъянаби — дахъал. Хїебиалли, ил цалис ахїи шери рукъес хїерирар. Шери биалли ил наб ляркъян. Яра хїуни рурси наб лугад, яра рурси гес пикри агара биалли, хїуни ну ишад арукъяйчи кавшаба, амма рурсира хїелугули, нура кахїершасли, нуни хїура каршури иш ханжай, хїела рурсира каруршис!

Вахъхїи пикриикїули кали сай рурсила дудеш, амма уршила гъайли кахиахъубси илини селра пикрибарес виубли ахїен ва жавабличи хїерси уршилизи бурили сай:

— Хїед ца нуницун жаваб гес хїейрус — нушала тухум, узи-урши бахъал саби, илдalara пикри багъес гїягїнили саби.

— Ил секїайчи дила къаршидеш агара, — викїули сай урши, — амма хїуни дила гъайличила хъуммартид.

Уршила чїумадешли тамашавиахъубси губдаланни тїалаббариб, бикїар, лебилра узи-урши ва гъар секїайчила чебетаахъили бурили сай. Бахъалгъунтани кавшили пяхїли ветахъахъес чебиркур или тїама-гъама ахъдуцили сари, цархїилтигъунти гїяхїил пикридухъес чебиркур или маслихїятбикїесбяхїили саби. Дахъал гїямру деркїибси ца ухънани бегїлара гїергъи бурили сай:

— Урши кавшес гъамадси саби, амма хІушани цар-хІил секІал пикрибирули ахІенрая: ил узи-урши агар-си ятим ахІен. ХІили хІи кертІили, нуша лерилра заманалис гъалар дубкІехІе. Даширая, нушани цар-хІил гъуни бургехІе: ил нушаб имцІали гІяхІсира са-би. ХъаркабирехІе уршиличи верхІел талхъай хес хІе-биубси мас-хазна хахъес. БурехІе, ихцад мас хадли рурси хІела сари, хІехадли — иличила пикри бати. Ашкарлигу, илини илцад мас тІалаббарес хІейрар ва нушачивад чеваркъян.

Ухънала пикриличи лебилра узи-урши къабулка-бикили саби, рурсила дудешли биалли, кацІили къа-даран уршилизи лебталалра ил пикри аргъахъили сай.

— ГІяхІси саби, — викІули сай урши. — Мас нуни лебхис, рурси дила рирар.

Илгъуна жавабличи хІерли ахІенти губдалунти ур-шиличил вягІда барили саби, ца жумягІла бухІнаб нушани бурибсицад мас хадли рурси хІед гили рирар или.

ВягІдаличи къабуликили уршира арякъи сай сунела хъули, рурсилисра ил серхурси урши дебали гІяхІи-зурли сай. Гъанна, дила гъалмагъуни, валтехІе суне-ла шав ил урши, ляркъехІе нуша сагадан губдалуи-тла шилизи. Ил шилизивад къадаран урши арякъи кІиэсил бархІи, бикІар, сунела арилизибти халкъ сен-сен хІербирулил чебаэс или, архІяличи дуравхъуиси талхъунтала бекІ Шамхал тяп ил шилизи вархъизур-ли сай ва ца давлачевси губдалайчи хъурабарили сай.

Чула бамсри ахъили, бархІехълизиб Шамхалра баягъи ил давлачевси губдалаира шикад къунзбухъи саби. Тяп ил замана ит исбагъи рурсира сунела барес-лебли хъалчличи арацІили руили сари. Шамхал-ла хІули иличи бархъбизурли саби ва бусягІятал ил — рурсиличи гІяшикъкайубли сай.

— Чила, се рурсив икІ, лебилра къатІ шалакаба-рибси издаг? — хъарбаили сай Шамхалли сунечил варх дуравхъуиси губдалайзи.

Ил губдалайра Шамхаллизи гъар се-секІал дархъли дурили сай: ил рурселичи бахъал талхъунти сукни бакІниличила, илдас шері рукъес рурси къабулхІерик ниличила, гІур Къадарлизивадси пулан ца уршили барибсиличила ва рурсила бегІтани илис ил ураркъ-нила тяхІяр-къяйдаличила.

Ил сягІятал Шамхалли губдалуитла ши бархъба-тур, сунела хъули саиб ва ил дугил, бархъаили иу-керти, варгахъили къадараи урши сунечи кахъиб.

АцІили къадараи урши Шамхалла гъала «Буйрухъ, дила Шамхал» или, гІашизули сай. ИлхІели Шамхалли илизи бурили сай:

— Буйрухъ се биэса, авал бархІила духІнар хІу-ни набчи ав-авал дус диубти кІел урчи ка. КІелра илди битІакІлизир, ахъдешлизир, куц-сипатлизир, гъар се-секІайзир цаличи ца мешути диэс чебиркур. Нуни комиссия алкІахъис, эгер илиии ца урчи итил-лизибад селичибли-биалра декІарбаралли, хІуни ба-гъи, хІуни дила амру тамаибарили ахІеири. Дила ам-ру таманхІебарадли — дила тур, хІела хъяб. Укъен!

Халаси децІличил чарухъи сай Шамхалличивад къадараи урши. «Сен-сен дургутив нуни цагъунти кІел урчи?». Ил никрили урши къакъавакІахъилри.

Баягъи ил уршила уираличив хІерирули уили сай халаси хІяна муцІурла вегІ ухъна адам. Савли жяв-ли айзурли дураухъунси замана, илиии чеили сай бая-гъи ил уши азбарла уизала гІелабси къаркъаличи ка-йили, муцІурлиу някъ убяхъили. «Вагъ — пикриухъи сай ухъна, — иш се гІяламата? Се бетаурсив иш ур-шилис? ИшкІун ишгъуна хІейри: дай дугиличи би-кайчи шадир-гъундури дирули, хІери баайчи ахІел-зули замана буркІуси вири. Юх, бургар иш уршилис биубси се биалра. Хъарбиис ца белики, кумекбарес вииша?».

Амма ил бархІи ухънани уршилизи селра хъархІе-баиб: хъарбаэс хъумкартур. КІиэсил бархІира ил ур-ши, тян даг къяйдали, къаркъаличи кайили варгиб-хІелицунри ухъна сунела хатІаличи шакикибси ва

уршиличи гъамиубси. Ухънани илизи сунес бетаурси-
личила бурахъес тиладибариб. Уршилира сунечил де-
таурти лерил секІал, селра дигІяна хІебарили гъаб-
гІергъили дуриб, бикІар: сунес губдалан рурси гІяхІ-
ризниличила, ил сунес сен-сен ураркъибал, гІур Шам-
халли гІалабварнли, бедибси хъарбаркъиличила.

— Э-э, дила урши, — викІули сай ухъна, — муцІур-
лиу някъра кабихъилн, шишимтази ахъилн хъалли,
хІечи урчи сари-сарил хІякъян. Укъян базуртачи, ум-
цІен, белики даргиши. Илди дургниличи вари умут
бетмайхъахъид.

Ухънани уркІичевварибси уршини сунела бегІлара
хъярхъси урчиличи улибхъа чедихъиб, бикІар, ва ил
бархІил лерилра базуртачи ваиб. Даргиб дахъал ва
гІяхІти урчи, амма Шамхаллис дигутигъунти хІедар-
гиб. Урши пашмай хъули чарухъун. КІел бархІи ар-
дякъун, калунтира кІел бархІи сари. Илди бурхІна-
зиб Шамхалла амру таманхІебаралли, илала бекІ
чеббирхъу.

ХІябэсил бархІи савли жъявли дураухъунси баягъи
ит ухънас сагадан ил урши шишимтази гІелайкили
ва къаркъаличи кайили варгили сай.

— Гъу, урши, гъарбизуру хІела архІя? — хъарбаи-
ли сай ухънани. — Юх, дудеш хІебизур. Лерилра ба-
зурти умцІурра, Шамхаллис диэсти урчи даргес хІей-
убра. ХІу дебали вачамархуд, урши, — викІули сай
ухъна, нуни валуси ца къачагъ тевси сай Къарачайли-
зив. Нагагъладан илдигъунти урчи лер диалли дунъ-
яличир, ит къачагъли илди сеналра дургу. Укъен
итичи, бура нуни вархъаибсира или. Илди урчи ити-
нира хІедаргалли, бареси агара. ИлхІели хІу Шам-
халличи бекІ чеббяхъяхъес арукъес чебиркур.

Илкъяйдара бурили, ухъна сунела гъуникад аря-
къун, бикІар, ил уршилира КъарачайлизидяхІ дя-
хъиб, бикІар. ВахъхІи вашиб ил. Ахирра ветра вета-
или сай ил Къарачайлизи. БегІ гъалав къаршиикиб-
силизи дурахъили суиес гІягІиниси качагъла хъулри-
ра, иш урши ацІили сай баягъи ит ухънани уриб-

си кѣачагѣла юртлизи.

Гѣала-гѣала ил кѣачагѣли ва илала хѣунуй иш уршилис ва илала урчилис гІяхІси кѣуллукѣ бариб, бикІар, гІур, кІинайс кѣачагѣли хѣарбаили сай уршилизи сай илкѣйда гѣарахѣси архІяличи дураухѣнила мурад.

Уршилира селра дигІянахІебарили, вехІкайхѣили лерил секІал дуриб, бикІар: сунес губдалан рурси гІяхІризниличила, ил сунес ураркѣахѣниличила, Шамхалла хѣарбаркѣиличила, базурти умцІиниличила ва ахирра пулан ухѣнани сунечи вархѣниличила.

— ХІела урчи сегѣунав, дуцІлис хѣархѣси сабив, бамсурли ахІену? — хѣарбаиб, бикІар, кѣачагѣли уршилизи.

— Урчи дебали гІяхІси саби. ВерхІел дуги-хІери дуцІбикІахѣули тІашхІеадра, бумсра хІебумсар, — буриб уршили.

— ХІебиалли хІу ну вакІайчи бамсриахѣес кайхѣен. Илдигѣунти урчи лер диалли жагІяйс хІела гѣалар дирар!

Илкѣйдара бурили, кѣачагѣ ил уршила урчиличи пясли мурдайиб, бикІар, уршира усес кайхѣун, бикІар. Савли жявли айзурли дяхІ-някѣ дирцес азбарла кацІибхІели, уршили чедаили сай кІел урчи, сарира, гѣез-гѣез кайили хІердарилихѣалли, цализирад ца декІардарес имканхІебакІести: илцадра цаличи ца мешути сарри, бикІар, илди ав-авал дус диубти урчи.

Чула савли кѣацІли буки гІергѣи, урши арукѣес хІядуриубли сай ва кѣачагѣличи дугѣаизурли сай:

— Гѣу, юлдаш, хІуни дила мурад аргѣири. Бура ихди кІелра урчила багѣа!

— Багѣа хѣарбиули гІергѣи, иша вакІибси тяхІярли хѣули чарухѣесра вируд! — викІули сай децІагибси кѣачагѣ.

Гѣайла кѣантІа, кѣачагѣли ил уршилизибад селра сасили ахІен, ва урши илди кІелра урчира дархгѣайдарили, вархѣли Шамхалличи вакІили сай. БахѣхІи кали саби Шамхалла вакилти илди урчи хІясиб-

дирули, амма илданира хІебиуб илдазиб цаличи ца мешуси ахІенси секІал баргес, Шамхаллисра бареси кахІелун, баркаллара бедили, урши сунела хъули вархъни ахІенси. ХъайгІи саибмад уршира мекъличи хІядурикІес вехІихъили сай.

Ил уршила лебри, бикІар, дудешла калунси халаси цІедешла анхъ. Ил анхъ бицес къасбарили сай уршили. Амма ил цара-кІелра талхъай асес хІебири, бикІар. Ишаб верхІел-гехІел талхъан цакабиубли, асили саби уршила анхъ. Ил мас-хазнара сайра вакІили сай урши губдалайчи ва мекъличи хІядурбиахъес бурили саби. Илкъяйдали уршили багъахъурли сай баягъи ит Къарачайлизивадси къачагълизи, валлагъ, их замана дила мекъ сабину, ваши или.

ВакІиб, бикІар, къачагъ уршила мекъличи, барх касили гІяхІцад сунела адамтира, уршили губдалайс бухибси кІелцада мас-хазнара сайра. Хъуракабарили сай иш уршили къачагъ ва илала адапти. КІиэсил бархІи, къадаран уршира къачагъра къунзбухъи саби губдалунтла шикадли. Сунела гелешмеш лерси юртичи гъамбиубхІели, илад шичи рукъес дурарулхъули дяхІ-дыхІли ил рурси къарширикили сари. Ил сятІятал иш къачагъ, бикІар, ит Шамхал вецІалван гІяшикъиубли сай ил рурсиличи ва ил чила чи сарив или къадаран уршиличи дугъаизурли сай.

— Каририду ил рурси, — хъарбаили сай къачагълизи уршили, — гІяхІрилзулив хІед ил?

— Дебали. Кадра каририс, валлагъи гІязим, сен кахІерирусив, нагагъладан сари къабулрикалли.

— Къабулриркур, хІу пикримаикІуд, — викІули сай урши къачагълизи.

Илкъяйдара бурили, ишди уршила хъайгІи бакІили саби, ва ца бареси леб или, къачагъ хъайгІив ватурли, сай урши дураухъи сай. ХъайгІивад дураухъи урши вахъли вакІили сай рурсила бегІтачи ва чІумали бурили сай.

— Гъанна хІушала рурси дила сари. Иличил нуни наб дигуси бирис: нуни хІушаб хІушани тІалабда-

рибти мас гира. Гъайла къантиа, нуни ил дила юлдашлис редлугулра, ну ил рурсила шайзиладли вакил виубли. Рахли магъар дирхъухІели, хІушани ил дила юлдашлизи иш рурси иаб ураркъниличила ца гъаялра адалли, нуни хІуша мицІирли хІедалтара!

Илдачивад урши сунела лебилра узи-уршиличи ва маллачи ваили сай. Лебтазилра аргъахъили сай, рурси сунес ураркъибси риъниличила къачагълизи багъахъадалли, хъябладирхъудая или.

КІиэсил бархІи, бикІар, арукили сай къадаран уршили ил къачагъ маллачи магъар дихъахъес, сай баягъи ит рурсила вакилра виубли. Магъар дихъили гІергъи, иш уршили бурили сай къачагълизи, валлагъ, дила гелешмеш зягІирикили, мекъ гІелайзи архулра или.

— Или биалли, — викІули сай къачагъ, — ну иш дила магъарла хъунулра аррукили аркъяс, хІела мекъличи кІинайс вакІесли.

— Нуни хІуша гъунирдалтарая.

— Гъунирдатес хІяжатдеш агара, лявкъуси виадли, ваши нушачил варх, камси заманала бухІнаб лебилра узи-уршира тІалаббарили мекъ бирисра.

— Мекъ бируси замана лявкъяс, амма бусягІят хІуша гъунирдатадалли ахІенси, вакІес хІейрус.

Илди гъайличибли гъуйчи дурабухъес лебилра хІядуркабиуб, бикІар. Губдалан рурсира ралкъаахъурли, ишди гъайбиуб, бикІар. Башули, башули ца гумиличи бетайбхІели, къачагъли иб, бикІар, къадаран уршилизи: хІу вебкІадлира валтхІелтари. Лявкъядли ваши, гъунирдатес дуравхъунси виадли, биур, гІяхІси гъуни ахъири, баркалла биаб хІед.

— ХІебиалли ну чарухъунра, — викІули сай урши, — амма мекъ бируси бархІи набзи багъахъирая!

Илкъяйдара бурили, дяхъили сай уршили урчилис гІярчумаг. Къачагълира сунела урчи багълали башахъес каиб, бикІар, илала адамти биалли чула, ца тяхІярли башиб, бикІар. Гъанна илди чехІебианбиуб-

хІели, къачагъли, бикІар, сунела гІела кариибси губ-
далан рурсиличил масхара барес къасбарили, илала
урдурличи някъ чеарбухили сай. Амма ил рурсила
урдур буцес бекІхІейуб — рурсили илала някъ итма-
данал гъарахъбариб.

— Вагъ, иш се гІяламата, — пикриухъи сай къа-
чагъ. — Иш дила магъарла хъунул сари. Сен ишини
дила някъ къужбирусив? Наб ракІес сари къабулли
хІериалри, магъар дирхъуйхІи сен вакил вархъибси?
Юх, ишаб ца сегъуна-биалра дигІяндеш леб!»

Илди пикрумани къачагълизи урчи тІашкаахъиб,
бикІар. Хъунуйчи шурухъи, или сай:

— ХІу дила гъанна магъарла хъунул сарри. Или
биубхІели, сен хІуни дила някъ къужбирусири?

ИлхІели гъанбикили саби иш рурсилис къадаран
уршила хъарбаркъ: сари сунела гелешмеш риъни
къачагълизи багъахъалли, илини сари каруршни. Ил
багъандан илини бурили саби къачагълизи:

— Валлагъ, нуни хІела някъ къужбирули къужба-
рибси ахІенри. ХІуни хабарагарли някъ чехибхІели,
ну уркІрухъунра. Чевверхи, гІур итгъуна хІебирис.

— Юх, хІуни дигІянбируси леб. Бура бархъдеш!

— Нуни бурибси бархъси саби. Дила хатІалачивад
чевверхи.

Пясухъи урчиличивад кацІили сай къачагъ. Кара-
цІахъили сари ил рурсира. ЧІяхІбарили дурабитІи
ханжал, чебуцили сай рурсила хъябличи ва бурили
сай: «Къалабали бархъдеш бура, хІебурадли, лерси
мерличир таманкариури».

ИлхІели рурсини гъар се-секІал дурили сари: су-
нечи бахъал сукникъянаби бакІни, цалисалра шери
рукъес сари къабулхІерикни, къадаран уршилис сари
уаркъахъни, Шамхалла хъарбаркъ таманбарни.

— Ну илдицад къияндешуни чедаибси уршила ге-
лешмеш сарра. ХІед ну гІяхІризурхІели, илини гъал-
магъла уркІи хІебумкъахъис или, дила вакил сай
виубли, хІед магъар дихъахъиб. Амма сецад ну хІела

магъарла хъунул риасра, дила уркъилис къабулси ца сай: ит къадаран урши.

Илхѣли шакикили сай къачагъра, сай ит уршили губдалунтла шилизи сунела гелешмеш чераахъес кибни, амма чераахъайчи ва сунези рагъахъайчи, сай иличи гѣяшикъѣни, ушила гелешмеш чераз дурабухъниличила сунени хъумкартни. Къяртѣйзи кабакѣбси ханжал илини сагадан дурабитѣун, бикѣар, ва рурсиличи дугъаизур:

— Ишди хѣябалра тѣул саррив дила хѣчи къячдикунти?

— Гѣе, илди хѣябалра тѣул сарри, — рикѣули сари урехи чебархѣябкъуиси рурсира.

— Хѣеррикѣеи иша! — викѣули сай къачагъ, ва бяхъили ханжай хѣябалра тѣул чердахъили сай. Гѣур дурасили явлухъли някъра бигъи, рурсиличи сагадан дугъаизурли сай:

— Гъаниала гѣергъи хѣу дила магъарла хъунул ахѣенрину, дулекѣла рузи сарри.

Илди гъайличиб илдала лякъир таманбиуб ва гъуни даимбариб. Ахирра сабаиб къачагъла хъули. Рарх кибси ил жагаси рурси чераибхѣели, къачагъла хъунуй тѣама-гъама ахъдуцили сари. Дахъал дуриб, бикѣар, къачагъли хъунуйзи рарх кибси хъунул ахѣенну, рузи сари или. Къачагъла хъунул биалли иличи лехѣахъили ахѣен ва касили сунела мас-хазнара сарра бегѣтачи аррякъи сари.

Кѣизсил бархѣи къачагъли бакъахъили сай къадаран уршилизи, валлагъ, мекъ бирулрану, ваши мекъличи или.

Вакѣиб ил къачагъла юртлизи, хъуракабариб лебилра гъалмагъуни ва мекъличи хѣядурикѣес вехѣихъиб: азбарлар цѣаличи чедизурти шунгри дахъал сарри, гъатѣира дахъалри делгъунти унци, маза, столти дицѣибти держ. Амма къадаран урши кахиахъубси цархѣил анцѣбукъли сайри: къачагъра рурсира цализи ца леб «узи», «рузи» кабикѣули. Дебали гъимидухъи сари ил уршила къачагъличи: магъарла хъу

нуйчи рузи или дагъаилзуси сегъуна дубурлан вируси?

гъанхІедуциб, бикІар, иш уршили ва абитІунси хан-жалличил гъамиубли сай къачагъличи ва магъарла хъунуизи сен рузи викІусил хъярхъли бурахъес тІа-лаббарили сай.

Къачагъли илхІели уршилизи бурили сай гъунчиб бетаурси анцІбукъ, гІур сунела хъунул сунечирад гъаррухъни.

— Иш мекъ биалли нуни хІед саби бируси! — викІули сай къачагъ, ва бусягІят малла тІалабарили, губдалан рурсилара къадаран уршилара магъар ди-хъахъили сай.

ИлсегІятал иш къадаран уршили урчиличи мур-дайили, гъайбариб, бикІар, баягъи къачагъла хъуна бегІтачи. ВакІили илдачи, дурили лерилра детаурти секІал, бирхкаахъурли илала бегІтира сари хъунул-ра, къадаран уршили ил бархІил къачагъличи сунела хъунул кили сай.

ИлхІелири, бикІар, илаб мекъ лебгІеб бемжурси! Ила хІекІибси илаб агарси чилра, селра бирару! Халаси кеп барра нунира илав укули, ужули, улхъули, далайикІули. ХІушанира чебиули къяйда, ил кеп гъан-нара чебарбъякъи ахІен: ну илад лявкъули гъанна хІушачи саибсира...

ХІЯЛАЛСИ ДУРХІЯ

Мискин бегІтала левли уили сай хІялалси урши. Дебали вайсири илдала яшав, имцІасигъуна замана гушли бири. Амма сецад къиянни биаллира, жагъил урши урхІла секІайчи хІерхІейкІи, давлачебтачи къяскахІейри. Ил багъандан шилизивси цалра давлачевли ил хІянчиличи къабулирули ахІенри. Илцад хІялалси мискин ил чейухІели, илдас цІахкабилзулри. ДурхІяли къасбариб гъарахъти мер-мусаличивяхІ талихІ баргес къайцІухъес. ГІяхІли калаба барили бегІтира, ил архІяли дуравхъи сай.

Вашули, вашули ил вамсур, гушиуб ва ца хІеркІла дубла ваиб. Илини вяхІ-някъ дирциб ва хІеркІла дубла багълабарес герухъес къасбариб. ИлхІели хІеркІли илала къяшмала мякъла бикъурси хІунтІена гІинц хиб. Гушиубси дурхІя баргибси секІайчи дебали разивиуб ва гІинцли укесииб. Амма илала байхъала беркунхІели, ил селичирил шакикибсиван хІякизур, ил гІинцла вегІ ургар или.

— Се бирулра нуи, ил барникІуи секІал бигІнигъуна саби, ишала вегІ варгес ва иабчибси гІяйиб чебахъес гІягІиили саби, — иб дурхІяли сунези сунени.

Илкъяйда пикрибарили ил хІеркІла къярдлизивад лагвяхІ ватихъиб. ГІяхІцадхІи вашули гІергъи илини гІинцбала халаси анхъ баргиб. Илизив илини аихъчи чеиб.

— Ва анхъчи, — гІамадариб илизи дурхІяли, — иу хІела таибихІлиу викилра, иуи хІела анхълизибадси гІинцла байхъала беркира. Секъяйда чебахъес вириси нуи набчибси гІяйиб, сен-сен гъарбариша барибси хатІа?

Анхъла вегІ дурхІяличи хІеризур, чи абдал сая иш иша вакІибси или пикриухъун ва иб:

— ХІуи ил секІал барни багъандан хІу набчив хІябал дус узес гІягІиниси саби. ИлхІели чебихъид хІуни хІечибси гІяйиб.

— ГІяхІси саби, — кѣбуликиб дурхІя ва анхъчила кумекчи ветаур.

ХІябал дус калун ил хІялалли ва ламусличил узули, анхъчила халаси хІурмат сархиб.

ВягІда барибси заманала бегІла гІергъиси бархІи сабаибхІели, анхъчини дурхІялизи иб:

— ХІябалра дус хІу набчив хІялалли ва амъурли узади, хІела шайзибад сегъуналра хатІа кахІебикиб. ХІуни хІечибси тамбихІ ахъири. ЧІянкІли цакамси кали саби. Дила рурси лер, кІелра лихІилизир гІянцІа, кІелра хІуйзир сукъур, някъби-кѣяшми агар. Иличи хъайчи кайадли, хІуни хІела чебла таманни ахънилизиб халбирисра. Ил хІебирадли, арукъес асу-бирар.

Илгъуна хъунуйчилти гІямру сегъунти дирарал пикриухъунхІели, дурхІяла хІулбазирад нургъби чяхІдухъун. Амма чебла ахирличи бикайчи адхІехъили арукъес илизиб кѣас аги.

— ГІяхІси саби, — иб дурхІяли, — ну гІяйибла вегІ сайхІели, ил секІайчира кѣбулліра.

Ил анхъчис гІелавад ватихъиб. Хапли чебакибси децІла халадешли илини алавчар селра хІясиббирили ахІенри. Киб ил анхъчини сунела юртлизи ва хабарла исбагъиван жагаси рурсила гъала тІашватур. ХІерикІули сай иличи дурхІя, вирхули ахІен сунела хІулбачи ва анхъла вегІлизи викІули сай:

— Иш ит баягъи хІу викІуси рурсив, гъари, яра хІела цархІил рурси леру? Лерси риалли, ну гІязабмаркІабану, къалабали ваахъаба иличи.

— Иш дила цаси рурси сари, — жаваб лугули сай анхъчини.

— Амма илини чера биули, иргъра иргъули сари, илала кѣяшмира лер, някъбира, — тамашавиуб ва разивиуб дурхІя.

— Амма илала тІабигІятла ца хасдеш лебси саби, — викІар анхъчи. — Сунес гІягІнидеш агарси секІал ишини я чехІебиу, я иргъхІергъу, урхІла секІал касес някъ гъахІебалта, гІягІниагарси мерличи архІя-

къян. Хіябал дусла ухІнав наб хІу гІяхІизурри ва нуни къасбарира, дила рурсилис гІур ишичив лайикъси мурул гІягІиниси ахІен или.

НАБАДАРИ

КІел гІяхІял, хинкІа буки гІергъи, паргъатли кабиилри.

— Вашигу, ца хабар бура, — иб цали.

— Хабурта угъес ну уста-декІар ахІенрагу, — аънуъдыхъиб кІиэсилли.

— Хіебиалли, нуни бурисну, лехІахъи. Нуша хІябал узи дирехІери.

ХІябалра узили цахІнаб ца хъуличи ца набадари бегІунра. БакІибси набадарла хъарличир хІябалра узини дугби дарира. Илди игІухІели цала цаличи хяса кайгути ахІенри...

— Ца нуиира буриша, — ургаухъун кІиэсил гІяхІял. Нуша авал узи лертири. Нушани ца шанг бирулри. Шангла духІнар нуша авалра къутІдикІухІели, цали цала тІама бикъуси ахІеири...

— Увас, узи, — иб, ургаухъи хабар таманбиайчи суненира гъандуцес хІейубли, цаибил гІяхІялли, — илцад шанг барили, биралра се бирусири?

— Илгъуна шанг агарли гІергъи, хІушала набадари чинаб белхъес вирусире, гъатІи?! — жаваб бедиб кІиэсилли.

ХЪУНА ХІЯНЧИЛИЗИ АХЪИБСИ МУРУЛ

Лебли буили саби, лебли буили саби цабехІ мурулра хъунула. Гъачамра илди савли жявли мура дердес или дурабухъун. Гъуйчиб илди жалбяхъиб: мурул адамла хІянчи гъамадси саби рикІулри хъунул, хъунул адамла хІянчи кункси саби викІулри мурул.

— Абзур бурхІназиб хІуни бируси се лебси? — викІули сай илизи мурул.

— Рахли хъалицІала хІянчи илцадра гъамадти сари или гъанбиркули биалли хІед, ваши дарсдирехІе, — рикІули сари хъунул.

— ГІяхІна, жагІял ил бирехІе, — къабулкайкили сай мурул, «се биэса хъулирти хІянчи дарес-декІар?» или пикриикІули.

ГІергъила бархІи муруйзи хъунул рикІули сари:

— ИшбархІи хъулив уэн, ну мура дердес аркъяс. Къялра бирза, хІенкъелизира каа, буртра бакІахъа, бетІура башен, шиира ха...

— ГІяхІна, лерилра дирис, — жаваб бедили сай муруй, сунечибси юргъан ункъбирули.

Хъуиул мура дердес аррякъи сари.

ЧевсаргъибхІели, мурул пикриухъи сай: «Эгъ, гъачамлис жявли саби. Хъулирти хІянчи сягІятла духІнар дирис...» Ил гІурра ускаи сай. Чевсаргъили хІерикІалли, хІери баили буили саби. ХІяйвантала хІенкъра жявли дуки арбукили буили саби. ИлхІели ил къар хъалчирра дашутигу или пикриухъи сай ва ила къял абацІахъили сай. ГІур ил жибхІни дахес ва ца заманализиб бетІу башес алаввакІили сай. КъалабаикІуси илала някъбазирад чялиличи жибхІни кадикили сари, илди хІедебшахъес или цализи ца гъимирличил дигъи сай. ХІярхІяван чедибад багъарбиубси чІакали илди ардухили сари. БетІура баши, къацІ печъла бухІна абушилигу, илра цІаличи кабикили саби. КІалтализирад-мучІаллизирад шин держес къасиличи ацІилигу, хабарра агарли илавадра кайкили сай. Ниъихъян касили, бурт бакІахъес вализурлигу, хапли хъалчличибси къял гъанбикили саби ва илабад кахІебикахъес багъаидаи, къяпІилабад бакІахъили, гъаяла ца дуб сунела ирилизи бигъи сай. Ирилизибси гъаяла дуб зузбарибхІели, къялра битІакІили саби, хъа вегІ къяпІила ухІнав вагъариубли сай, къял биалли хъалчличибад жибжирбухъи саби.

Шулумбулхъути адам тас хъалчличибад жибжир-
бухъунси къял язихъбизурли саби ва чилирил гъая
къисбарили сай. Къял къакъализи кабикили саби,
хъа вегІ виалли анкъила цІаличи кайкили сай, къаш
чегибси ниъихъяна бачи саби...

«Иш гъакІлизив ишди балагъуназивад верцес би-
калри, валлагъ-биллагърагу, гІур нуни гъачамалра
хъунуйчи гІяйибхІебираси!», — цІумухъи сай хъуна
хІянчилизи ахъес къасбарибси мурул.

АЗГЪИН РУРСИ

Лерли руили сари, лерли руили сари давлачебти
бегІтала цайли цаси рурси. Ил дебали хамси ва ук-
темси руили сари. Хъулиб сегъуналра хІянчи бирули
руили ахІен, селра баресра балули руили ахІен.

Гъачамра, рурси жагъриубси замана, илала бегІта-
чи сукиикъянаби бакІиб. Неш бусягІят хІяичилизи
ахъиб, хІурматла гІяхІлас гІяхІулариес дигули, чуд-
ни-хиикІи дигули, чудни-хиикІи дарес алавракІиб.
Шин духІнарси шанг цІаличи чебизур. Ружери ба-
кІибмадаи, хІядуртигъуити чудии-хинкІи ила аду-
шиб ва шангличи хІеруди барахъес рурсиличи хъар-
бариб. Беркала бирес бурсихІериубси рурсили нешла
хъарбаркъ бусягІят хъумкартур. Шаиг рурхъесбяхІни
нешли хІисаббариб, рурсили иличи пикрира бяхІчи-
хІеиб. Нешли рурсилизи иб:

— ХІеръагу, дила рурси, шаиг бебшес асубирарну!

Рурси азгъиини аризур, унза сагъли къяпІдариб ва,
иличи къакъбяхъили, тІашкаризур, гъанна къалли
шаиг чиналра хІеубшар или пикририкІули. Рурсили
селра барес хІебалниличи шакбикибти сукиикъянаба-

ии хъа регІлис баркалла багъахъур ва арбяхъун.

Гъаиинара терал, бикІар, ил рурси чилилра шери
архІерукили, рухънакараили, цункарухъи.

Давлали адам хамирахънилис, уктемирахънилис, азгънирахънилис ва цархІилти вайти къиликъунази викахънилис бикъри саби ил.

ХЪУНА ГІЯМУЛТИ

Лебли буили саби цабехІ мурул-хъунул. Цагъачам хъули кабиибхІели, хъунуй муруйзи бурили сари, хъунул адамтани чи-дигара духути мехІурбарес бирар или.

— БирхІебирар! — жаляхъили сай мурул.

— ГІяхІна, хІердикІехІе! — или хъунул лехІахъили сари. ГІяхІцад замана арбякъи гІергъи, хъунуй базарличирад асили бялихъуни хъучи удатурли сари. ГІергъила бархІи баягъи ил хъу бацес арякъи сай. Камси хъу бацѣ гІергъи, илини кІел халати бялихъ даргили сай ва хъунул ракІибхІели, ца гІяхІси хурег бирахъис или разиубли сай. Унцас мураара хили сарира хъунул ракІили сари. Муруйра хІерейс беркеси бара или илизи бялихъуни дедили сай.

РакІили хъули хъунуй бялихъуни дерцІили. цашайчи кайхъили сари.

ХІерира баили саби, бархІира ахъили саби, амма хъунуй беркеси лебхули руили ахІен. БархІехъ хъули вакІибхІели, мурул иличил ургъес вехІихъили сай:

— Сен нуни хІези гибти бялихъунала беркеси хІебарибси?

— Сегъунти бялихъуни? Чинарти?

— Хъучирад адитІунти!

— ВяхІ, хъучир бялихъуни дашутив!? — вяврикІес рехІрихъили сари хъунул. Иличи гІясиубси муруй биалли, шантази вьвдеш дарили сай, бакІибти адамтазира кабикибси анцІбукъличила бурили сай.

Валлагъ, иш абдалиубли сай или, къанла ухІна кайхъили арухили адамтани тІерхъубачил вители сай.

— Ягъари, ну абдалиубли ахІенра! — или вявикІули уили сай. ГІяхІил витили, хъули хили, лайкакІили, адапти арбякъунхІели, хъунуй дерцІибти бялихъуни хили, гъала кадиxъили сари.

— Гъуя, шанти. итди иуни даргибти бялихъуни саригу! — или сагадан вявикІес вехІихъили сай мурул.

Адапти гІурра бакІили, витили ил паргъатиахъубли, арбякъи саби. ХІяйиайсра илгъуна анцІубукъ тикрарбиубли саби. ГІур дугели къанси замана дикибхІели, хъунуй илизи бурили сари:

— Гъанбиркуру, мурул, хІелара дилара жал? Хъунуй духуси мурулра мехІуриру рикІухІели, хІейру или къаршили кайзурсири. Гъанна хІу мехІурарес риубрагу? ХІериубрав? Хъунуй сунени дарибти лерилра секІайчила бурили сари.

— ХІела жайчира, — викІули уили сай мурул, — хІуни се барадлира разилирану, гъаялизирад някъбиалра датаа.

Илала гІергъи ил гъар бархІи улгули сай: «Вайти хъунрала гІямултазибад берцуди бираб!» — или.

КІЕЛ ХЪУНА БЕГІТИ

Яни-гІебшнила замана пулан шила мурул адапти шилизи цалабиркулри ва ихтилатуназиб замана шалгІебиулри. БегІла гъалав гумайзи вашули вири кІел хъунул лебси ШапигІ. Иличив гъалав гумайзи вакІес чилра бажардиркули ахІенри.

— ЛехІизигу, ШапигІ, — дугъайзур иличи гъачам Ибрагъим, — ну дебали тамашаирулра, хІу секъяйдали бажардииркулрил леблисалра гъалав иша вашес. ХІед гъалавхъес нуни сецад къайгъибарили хъалли, ну вирули ахІенра.

ШапигІ нишяхъиб, супелти хІяршдариб ва хамли иб:

— Баладу, Ибрагъим, дила кІел хъунул леб. Нуни илди кабиибти саби маллала маслигІят хІясибли.

Илини набзи буриб, клел хьунуйчил варх хІериэс гьамадли саби или. Ил гьанна набра гІячихъбиубли саби. Ну айзурхІели, ца хьунуй кьяшми ицу, чакма умудиру, палтарли вегІирура. КІибилли дуббат хІядурбиру. Уки кьацІлира нура иша жьвли вашу-сира.

— ГІеммм... гІяхІил хІерирулри хІу, — пикриухъун Ибрагьим ва хъайгІи арякъун. ИлхІейчивад вахъхІи хІекІиб ил гумайзи. ШалгІердухъун хІебра, дуцІрумра, гІебшнира. Сагали чардухъун янила дугІярти бархІехъунира. Мурул адамти сагали гумайзи чукурбирескабииб.

Гьалав кьяйда, бегІла гьалав ишавяхІ ватихъиб ШапигІ. Амма иш гьакІлис леблсалра гьалавхъес имканхІебакІиб. Хала хІякализид вергурли гумайзив Ибрагьим сайри.

— Ассаламу гІялайкум! — салам бедиб илис ШапигІли, — сен ишцадра жьвли дуравхъунсири, рахли клел хьуна вегІ ветаурли хІейиши?

— Ибрагьим илис хумарли гьуииваиб, жавабла мерличиб хъарабаиб:

— Се халаси гьими лебсири хІела иабчиб, ихцад къияи-жапализи ну гІелакавшес?

— Се бетаурли? — тамашауб ШапигІ. — Дила хІечи къаршиси селра агара. —

— ГьаниакІуи нуи балулра, сен хІу итцад жьвли хъайгІивад дуралхъусирил. ГІяхІси кьасличил ахІенри хІуни набзи клел хьунуйчил гІяхІил саби ибси, ШапигІ.

— Вирхай, дила хІечиб сегъуналра гьими аги, — иб ШанигІли. — Нуни чІянкІли хІези итхІели бурес хІейубра, севаи анцІдукьил наб дила хьунрала камагартти жалти-дявти. Ва иша, гьанна хІуван, жьвли дураулхъусира илад гьуя-гъарай, малла-гъарайти чехІедиэс ва иргъхІергъес багъандан.

ХЪУБЗАРА ВА ХАННА ХІЯБАЛ ХЪУНУЛ

Ца хъубзарла дебали хІянчи дигуси, муруйс гІяхІ-си къуллукъ бируси хъунул лерли руили сари. Ил муруйчил жалта хІериркъи, иличил ралкарикили, ца мухІилилизирад гъайрикІули, цадехІ хІулбазирад хІеррикІули хІеркарирулри. Иличила аргъибси талхъан хъубзарличи вакІили тиладиикІули сай:

— Ваши, хъунри барсбирехІе, хІед нуни хІябал хъунул лугас, хІуии наб биалли, хІела рика.

— Селис гІягІнити наб хІябал хъунул, наб ца хІериули къалли, — викІули сай хъубзара. Хъубзара разихІейкибхІели, ханни илала дигуси хъунул гужли аррукиб, хъубзарлис биалли сунела хІябалра хъунул батур.

ГІямал буунси мискин адамли ханна хъунри сунечи арбукиб. Берк-берж кабирхъули хІябал бархІи хІербариб илди, авэсил бархІи биалли ил викІули сай:

— Биур, ахІерти хъунри, байрумти тамандиубли сари. Ургубализиб дила арши сабаили саби, даширая иршес.

Арякъи сай хъубзара ханна хІябалра хъунуйчил варх авлахъличи. Илди хъубзарлис гІелабад башули, алавчарли тамашадешличил хІербикІули саби. ХІерикІули сай илдачи хъубзара, сен ханни сунела хІябалра хъунул ца хъунуйс барсбарибара или, ташмишикІули пикриикІули сай. «Марлира, ишдазиб сегъуна-биалра ца зугІяла, жагъал бургар. Ишди хІянчи хІейганти биъни халаси-декІар балагъ ахІен, бурсибарес вираб бузериличи. Ханни ил багъандан барсхІебиругу ишди!» — илкъяйда ил никриикІули левли, илди хІеркІличи бакІиб. Хъубзарли хІеркІ ца ганз кацІили ахъиб, ханна хъунри биалли кахдешлизиб тІашка бизур.

— Ну гІяндрикес урухкІулра, — иб цали.

— Нушара илкъяйда сарра, — иб идилтанира.

Хъубзара илди уруххІекІахъес, хІеркІ ахъахъес маслигІятикІулри.

— Хіерая, гъари, иша, ишаб чІянкіли ца ганзла бягудеш саби лебси, ахъбуца кьяш ва хІуша итил шайчир дагъардирудая. Цайналра хІеркі чехІебаибти ханна хъунрала биалли, хІеркі ахъес пикри аги. Гъачам ца дубла вашули, гъачам цархІил дубла вашули хъубзара халаси къакъадешлизив сайри. Ахирра илини хІябалра ярга-яргали къакъличиб цархІил шайчи арбукес пикрибариб.

Илдала ца гІелахъили, илини кьяш хІеркіла дайла кабатур ва хъунул адамличи дугъайзур:

— Бура, се багъандан рарсрарибсири хІу ханни дила хъуиуис? ХІебурадли, хІеркілизи лайриклѳури ва хІу гІяндриркуд.

Уркірухъунси ханна хъунуй жаваб чарбалтули саби:

— Аллагъ багъандан, лаймарикІаба ну, нуни гъар секІал дархъли дурис. Леври дила игнаба. Иличила ханни багъур ва ил багъандан сайри ил набчи гъимукІибси.

— ГІяхІси саби, — пикриикІули сай хъубзар, — игнабазирад нш тядиарес внара, — ва ил хІеркіла итил шайчи раахъиб. Хъубзарли илкъяйдали къакъличи каратур ханна кІиэсил хъунулра, хІеркілизив гІашизур ва хъарбаиб:

— ХІу гІябас хІерургуд ханни дила хъунуйс рарсрарибси? Бура, се бунагъ лебсил хІечиб? ХІебурадли, хІеркілизи лайриклѳури ва гІяндруршури. Уркірухъи сари нл ва рикІули сари:

— Леб набчибра бунагъ. УрхІла давлала мякъларад шалгІеррухъес хІерирус, нл бигІес някъ гъабалтули рирус.

— Анцібукъ балкабикахъес вира, — пикриухъун хъубзара ва хъунул адам хІеркіла цархІил дубличн раахъиб. Каратур хъубзарли къакъличи ханна хІябэсил хъунул ва хъарбаиб:

— Бура, хІечиб сегъуна бунагъ лебал? ХІебурадли, хІеркілизир гІяндриркахъури.

Дебали уркірухъунси хъунул адам рикІули сари:

— ШутІни-къунбар, вайси лезмила регІ бикІутири наб риштІахІейчибадал. Набзи лебилра се бикІалра, жаллизир чисалра удихІериркус.

— ГІяхІси саби, — викІули сай хъубзара, — кІинайс хІердикІехІе. Илра цархІил шайчи раахъиб-хІели, бузес бехІбихъиб. Биршили нихъяра, илди хъайгІи чарбухъи саби. Багълара барили, хъубзара цаибил хъунул лерси хъули ацІили, илаб кІиэсил цІабилкъ бирес вехІихъили сай.

Хъунул адамли хъарбиули сари:

— Се барес бируси хІуни наб кІиэсил цІабилкъ?

— Иш хІела игнабас бируси саби, — викІули сай хъубзара.

Дебали уркІрухъи сари хъунул адам, иличила лебилра шантани бала ва цІахдешлизибад сегъуналра берцуди хІебирар или. Ил хъубзарлизи тиладирикІули сари:

— Аллагъ багъандан, мабирид наб ил цІабилкъ, хІед ну марси хъунул ретарус.

— ГІяхІси саби, вирхарус, — иб хъубзарли ва шинкъала арякъун. Ишад чумал уркура дицІили бетІу хиб ва кІиэсил хъунул адамла хъули кадихъиб. Гавлагунала мякъла бацІси къани кабихъиб. Гъар се-кІал чедаибси хъунул адамли хъарбиули сари:

— Сен кадихъибти ишди бетІура къанира?

— Илди хІед сари, рахли се-биалра бигІес хъулариадди, гавлагуназирад бетІу кайсен ва къанилизи калкъен.

УркІрухъи сари хъунул адам сунела хасиятличила шилизиб бала или ва тиладирухъи сари:

— Аллагъ багъандан, ну цІахмарираба, уркаса бетІура къанира. ИшбархІила гІергъи селра хІебигІес хІела гъалаб хъя бирулра.

Вирхаур иличи хъубзара, уркасиб бетІу ва къани. ГІергъила бархІи хъубзарли сунечи ханна хІябэсил хъунул жирариб ва мура дердес арбякъун.

Ишаб бахъал адамти лебри, хІянчи бегІлара дем-

журси манзил сабри. Муракъянабачи хъунул адам хІерризур ва иб:

— ИшданикІун къар лухІцІили къицІдирули сари.

— Юх, илдани мура къялкъна ва миршба удули сари, — аргъахъиб илизи хъубзарли, амма хъунул адам жалряхъиб:

— ЛухІцІна къицІдирули сари.

— Къялкъна ва миршба сари, жагали хІеръа.

— ЛухІцІна! ЛухІцІна! — сеннира удихІерикиб хъунул адам.

Сари жалряхъинилизиб илини гъар секІайчила хъумартур, къаркъаличирад гІеббитрикиб, карикиб ва музаличирад къадалабат кабухъунси хІеркІлизи уряхІрикиб. Хъубзара иличи ветухъун ва чури буцили, хъарбаиб:

— Къялкъначилу, лухІцІначилу?

— ЛухІцІначил! — шинни къак бирцІахъули тикрарбариб хъунул адамли.

— ХІезивад адам ветхІерни чебаэсли саби, — или хъубзарли ва ил някъбазирад ратаиб.

Рамчли хъунул адам хъямрариб ва хъусряхъиб. Шиннизи гІеларикили ил кайгІухІели, илини шиннизирад кІел тІул дурадикахъиб ва илдачил лухІцІи секъяйда къицІбикІарал лишаи барили чебаахъиб. Илкъяйдали ил шинна удир ретахъиб.

— Варскъа адамличив мехІур ва вайси адам хІейрар, — гъакІбариб хъубзарли бекІ ва муралигІивяхІ ватихъиб.

ВЕГІЛА ЖАН АХІЕРЛИ ДИРАР

Ца шилизиб хІербирули буили саби мурулра хъунула. Сари муруллис мурталра марли риъниличила хъяма риркъули, хъунул рикІули руили сари:

— Эгер хІу набчив гъалав вебкІадли, нуни децІ чекахІейсис ва хІед гІеларад ил сягІятлизирали нура рубкІус.

Муруллис хъуна илдигъунти мардеш ва дугъби гІяхІдизурли, бархІехъуназиб гумаилизи цалабир-

кути мурул адамтази пахруличил гапикІулри:

«Цалалра агара дилагъуна хъунул. Дила бекІа илини чекахІейсу, сарира итмаданал рубкІар».

Гъачам, илкъяйда ил гапикІули левли, мякъла кайибси викІули сай:

— Ну вирхаэс хІейрус хІела хъунуйс хІу илцадра дигахъниличи, ил хІед илцадра марли риъниличи. Ваши ахтардибирехІе.

Ва илди вягІдалабиубли саби хІялумцІес. Мурул хъайгІи чарухъи, вайтІа зягІипсила гІердарили, ухъала кайхъи сай ва хъунул сели риркъурал или, дигІяни хІерикІескайили сай. Ил хъа дайла къукъмуцрикили сари, ахъдуцили иякъбира, балгнариркъесряхІили сари:

— Ва дила аллагъ, сеи дила мурул хъябшизахъурри хІуии, иличи сеи изала бархъири, илала изай ну рубкІулра къалли!

Илала балгни аргъибхІели, унрани, хъалчи ацІили, цІабилкъла къяпІилабад бемхІурси дагъа лайбакІили сай. Ил кабикиб, иалдала гулум ахъбуциб. Хъунуйс гъанбикили саби, ил, сунела гъай аргъили, жан касес увяхІахъили бекІала малайк израгІил сай или, ва вявъили сари:

— Юх, юх, ну ахІенра зягІипси! Ну ахІенра! ХІера ит сай кайхъи. Каса, изрягІил итала жан. Набчи къяч-малкад!

— Юх, ну вебкІес дигули ахІенра, — или мурул ухъалавад айзурли, дагъала бекІ къяббарили, хъуна къяшмала гъала хамха лайбакІили сай, — гІур хІу набзи мардешличилара дигиличилара хъяма мариркъуд. Иличиб гІяхІси бирар иш изрягІиллизирад нергъ дарадли.

Кен буунси мурул, илкъяйдара или, гумайзи арякъи сай.

Уили сай ца гІякълучевси Къурбан бикІуси адам. Иличи гІякълу бурахъес башутири шантира. Къурба руили сари кункси тІабиГІятла регІ хъунул. Ил цар-хІил мурул адамличил пишна риркъусири. Къурбай сунела хъуна пишни дагъурли сай ва се баришара или пикриухъи сай. Къурбан илкъяйда пикриикІули левли, шилизи ухІнахъи сай эмхІела къакъличир гІинцбира сайра ца «цІудхъран гІинцби хІейсидав?» или вявикІули. Къурба ца пикри бакІили саби. Ил гъамиубли цІудхърайзи викІули сай: «Их хъа мякъ ла каибхІели, адам сукъур вирути гІиинцби асая или вявъа, ма хІед ишди арцну».

ЦІудхъраи Къурбай чебаахъибси хъа мякъла каибхІели, вявъили сай. «Адам сукъурирахъути гІинцби асая!» Къурба хъуиуис илди гІинцби хапли дигиатур-ли сари, сунела дирути чехІедиахъес мурул сукъур-виахъес. Ил дурарухъи цІудхърайчи дугъаризурли сари: «Сен-сен сукъурирусив?»

ХІябал гІинц асили, илди деркахъадли бусяГІят хІед дигуси адам сукъуриру, — жаваб бедили сай цІудхърай...

Къурбан чариубли бархІехъ беркала букуси замана, хъунуй цІудхърайзирад асибти хІябалра гІинцра кайхъили сари.

ХІябра гІяхІти лер къалли или, Къурбай илди дерки сай ва вявъили сай: «Иш се сабив, нуни секІал чебиули ахІенрагу». Хъунуй уркІрухъунсила гІердарили, кайхъахъи мурул, сари халал разидешличил шичи аррякъи сари.

Илдала буили саби хъулиб хІербируси цІерхъси хІяйван. Ил ганзухъуначибад гъаргала абицІуси замана, Къурбай гакбарили гІяйни кабикахъили сай. Илала къяш бячи саби. Сай биалли чариубли кайхъи сай. «Эй, Къурбан, нушала хІяйван бячи къяш



ларкабиублигу, се биубси ишис? — риклули сари хъунул муруйзи. — Се баралли гIяхIсив гъанна?»

— Хъярхъли белгъес гIягIнили саби жаргабирарну, — виклули сай Къурбан.

Хъунул дуцIрухъи, сунела игнаба кили, къял белгъахъи сари. Къурбан биалли чеди хъули кайили, хъунуира игнабаиира дирути пишначи хIериклули сай. Игнабара хъуиула биалли, Къурбай чебиуси агара или, уди-уди ихтилат бемжахъурли саби. Къял белгъи таманбиубхIели, Къурбай, барахъили беркала, къял белгъунси хъуна игнаба хъули тIалабварили сай.

Буки гIергъи, гъанна дуги гIяхIси бакIаб или, игнабани уиза зямкъдарили, гъаргдарили, гIур къянIдарили сай, сай биалли хъулив кали сай.

БархIи ахъили саби. Къурбан кайхъи сай ца хъули. Дила бекI изули саби или итил хъули карихъи сари хъунул. Багълали арякъи варх игнабара кайхъи сай.

Цуг дуги баили, илди бускаунси замана, Къурбан багълали вякъи хъуна игнаба гIяндакIили сай. ГIянручI дуги хъунул къужриклули сари игнабази, айзи шаладиркулину хъули арукъен или. Ил шикъулхъули ахIен. УркIрухъи хъунул харчризурли сари, ва цIум-цIумдяхъили бекIла гъез къябдарили сари.

— Ягъари, — виклули сай Къурбан. — сен гIяхIли зигаррикIусири? Диъ-мага балхIебикили кани шинкIабиубли хIебиэс.

— Дуги хъуравараба или вакIибси ца адам левригу, ил шаладикибхIейс вебкIили сай.

— Гъайнна дакIиб нушачи балагъ-къадар, — виклули сай Къурбан. ГIур баресиара агарану, ишгъуна бара, гъари: арукили ил икI нулан мерличирти мирхъила тIакънала мякъла кати.

Халаси къияйчил ишини дуги-дугили жаназа арбухили мирхъила тIакънала мякъла тIашбатурли сари. ГIянручI мирхъила вегI дуравхъалли — мирхъила тIакъа мякъла тIашкайзурси адам. Илис гъанбикили саби, ил хъулки сай или. Касили илини тIер-

хъали илала бекІ-бекІкад дикахъили сай. Жаназа ца-
кІел дяхъибхІели, кабикили саби. Дебали урухиуб-
ли сай мирхъила веГІ, адам кавшира къалли или. Ил
бареси хІебалули пикриухъи сай. Леблисалра гІякълу
буруси Къурбан гъаникиб ва иличи вакІили иб: «Ду-
ги мирхъи дигІес вакІили ца адам леврину, тІерхъа-
ли бяхъирагу, ил вебкІиб. Ну къияйзив сайрану, бу-
рагу, гІякълучев Къурбан, се бариша?

— Агъ, хІуии барибси анЦІбукъ, — викІули сай
илизи Къурбан, — варъа багъандан адам каршув?
Гъари ца варъала кІарара ил жаназара набчи када-
ахъа, се биалра пикрибирисну.

Варъала веГІли Къурбайчи хили сай варъара жана-
зара. Къурбай илизи жаназа тІашбатахъурли унза-
ла гІела, пикримайкІудну, гъанна хъули чарухъен,
или, вархъили сай.

Къурба хъунул карилар руили сари. Чарриубли
унзала гІела хІеръалли — тІашси адам. «Эй, чи сай-
ри!» — или илини ил зузварили сай. Илала къашма-
ла гъала сунела игнабала жаназа кабикили саби.
ЧІярбяхъили, ил хъули рухІнарухъи муруйзи рикІу-
ли сари: «Жаназа чарбиублигу, се бирехІе?»

— ЯхІбара, дила ахІерси хъунул, — викІули сай
Къурбан, — гІур баресилра хІебаласну, арбухану ил
икІ пулан дубурличибси мазала хъарахъла дягІила
гъала тІашбати.

Халаси къияйчил гІелакахъили, майали чяхІрикІу-
ли, арбухили ишини жаназа дягІила гъала тІашба-
турли сари...

Мазаличи хІерэс букІун дуравхъалли — дягІила
гъала тІашси адам. Хъулки сай или, ишини каси-
ли хъайхъили шали бекІлизи бяхъили сай. Жаназа
кабикили саби. БукІун биалли, адам кавшира къалли
или уркІухъи сай. Иш Къурбайчи вакІили сай: «Агъ,
Къурбан, набзивад маза багъандан адам заяиубгу, се
бариша?»

— Агъ, хІела хъали мабуъ, маза багъандан адам
кавшира ибси се ибси, гъари, хІебиалли ца-веЦІал

рисну, — викіули сай букіуйзи Къурбан.

Букіуй Къурба хъарбаркъ таманбарили сай. Унзала гіела жаназа тіашбатахъурли, гъанна пикримайкідуд или, букіун хъули вархъили сай.

Хъунул чарриубли хіеръалли, гіурра тіашли унзала гіелаб чебаили сари жаназа. Вай рангличи рикили, хъули рухІнарухъи, муруйзи рикіули сари: — ГіяхІли халкълис гіякълу бурес вирудгу, сен хіебалусири их жаназа убасеси мер? Сукъуриубли, мехіуриубли хіейши?

— Зигармарикідуд, дила ригуси хъунул, — викіули сай Къурбан. Цагъачам гъатІи арбуха ил жаназану икІ нулан анкіла бекІаличи, някъбази гавлагра буцахъили кати.

Дурабухъи хъубзурани хіеръалли — анкіла бекІаличив анкіи дилгуси адам чеили сай. Абаили ца-кІел дяхъили сари — ил вебкіили геркавхъи сай. Ишдира Къурбайчи бакІили саби... Къурбанни ишдазира хахъили сай вецІал гавлаг анкіилара, унзала гіела жаназара тіашбатахъурли сай.

Хъунул чарриалли — гіурра чебаили сари унзала гіелаб жаназа. Ил муруйчи рехІризурли сари.

— Гъачам гъатІи яхІбара, — викіун ай Къурбан хъунуйзи. Ишдуги арбухану ил жаназа хІябал гъуни декІардиркуси мерла лайбакІа.

Арбухили хъунуй жаназа хІябкъяйличи лайбакІили сари.

Дурабухъи адапти хіеръалли — дяхъи агарли, хІила кІантІ агарли кавшибси адам варгили сай

Илди адаптира бакІили саби Къурбайчи. «Къурбан, ца анцІрукъ леб, — бикіули саби илди, — — нушани хІябал гъуни декІардикуси мерличив дяхъи агарли, хІи агарли кавшибси адам варгилра. Чили кавшибара?

— Гъари, — викіули сай Къурбан — шилизиб къяна хіебурути кІел хъунул адам кая набчи. Илди кили саби. «ХІушани, — бурили сай Къурбай илдази, — гІягІниси саби лебилра хъунрала бекІла гъез хіерда-

рес, чила баргадалра гъез къябдарибси бекI, ил сари адам кавшибси».

Лебилра шила хъунри ахтардибарили, цалра хIер-гира или бакIили саби Къурбайчи.

— Лебилра ахтардибарадаяв, гъатIи? Гъари, пикридухъеия.

— Къадилара, хIелара ахIеити ахтардибарира.

— Илдира ахтардибарая.

Ахтардибарили, бакIили Къурбайчи бикIули саби:

— Валлагъ, хIела хъуна бекIлизиб гъез къябдарибси, чIяикIбиубси мер кIеб.

— Ил сари, хIебиалли, ит кавшибси. Рукайиу хIушаии сарира карушая.

Халкъли Къурба хъунул карушили сари. Къурбаи биалли, карили гIяхIси хъуул тев, бикIар, дигиличил гIямру дуркIули.

ЧИРТИ-ХИРТИ

Уили сай ца шилизив давлачев ухъиа малла ГIяли. Илала руили сари бурес агарли жагаси хъунул. Иисай ил чераэс вируси ахIенри: ГIялини, урухкIули ил урхIлизи гъайрикIар или, хъулирад дура-рулхъахъули уили ахIен. Сай вашусири шиниичи, карила. Ил шила мякълабси дубурличиб буили саби букIуни. Илдаии къасбарили саби, ГIялила хъунул цайли мурул агарси замана рирахъес ва иличил ихтилатбарес. Илдала селра бетаурли ахIен. Ца дуги букIунала бегIла виштIаси Чирти-Хирти викIули сай: «Нуни вирус ил чераэс, ва иличил барх дуги беркIес».

— Ил барадли, бикIули саби, — илизи букIуни, — хIед нушани ца-ца бегIла гIяхIти кигъа лутехIе.

Касили ца къак мазалара сайра Чирти-Хирти вакIили шилизи, ГIяличи хъураиубли сай. Лебилра букес кабили саби. ГIяли хинкIази ахъили сай, Чирти-Хирти биалли, чинар сарира ишала хъунул или, алавчарли хIерикIули сай.

Чирти-Хирти пикриухъи сай, сен-сен ГІяли хъули-
вад дураухъахъишара или. Илини хІебагъурилла да-
рили, шинна бадирала мякълабси зели бицІибси пя-
хъу бадирализи кабикахъили сай, ва шин зукъидиуб-
ли сари. ХинкІа буки таманбиубхІели, ГІялини хап-
барили гажин, мякълабси бадирализибад шинни би-
цІили ахъбуцили сай ва «Сен зукъитив ишди шин» ?
или хъунуйчи вяхІчиизурли сай.

ХІу чевверхи, — викІули сай Чирти-Хирти ГІяли-
зи, — нуни хабарагарли зели бицІибси пяхъу каби-
кахъили, илис зукъидиубти сарину.

ГІяли зукъити шинни ужибхІели, гъатІира гІяхІил
милигиубли сай. Ишини ханбарили къянари, шичи
дуцІухъи сай ва гІяхІяйзи, хІуни хІела у хІебу-
рибсилис унза мабхъид или, хъарбарили сай. Сунени
биалли хъумхІертес «Чирти-Хирти, Чирти-Хирти»
или гІяхІя ура тикрарбирули сай.

Чирти-Хиртили биалли айзурли ухІнавхъи ГІяли-
ла хъунуйчил лякъир бемжахъурли сай.

ГІинизла кайуси замана ГІялис цІудара житали
гъуни байбяхъили саби. ГІяли уркІухъи тІашизурли
сай чи-биалра сунес гъалав илавад арукъяйчи. УркІу-
хъунхІели илини сунела гІяхІя ура хъумартурли сай
ва шинра ахІяхъили ил гІелавяхІ хъули дуцІухъи
сай. Хъули аили, илини уизализи къутІяхъили,
— «ГІяли сайрану, абхъа унза!» — или вяхъили сай.
Чирти-Хирти биалли бемжахъурли ГІялила хъунуй-
чил лякъир кайили сай. Маллани бурибси тяхІярли
сунела у хІебурни багъандан хъа вегІлис унза абхъи-
ли ахІен.

«Я аллагъ иш набчи бакІибси балагъ!» — или ГІя-
ли букІуначи дуцІухъи сай сунечи вакІибсила у
хъарбаэс.

БукІунани гьеркличи икили ляхкъуси ГІяли чеиб-
хІели, — «Агъ, хІябра игъбарла вегІ увухъун къалли
Чирти-Хирти!» — или букІуни дукарбяхІиб. ГІялини,
хІи-хІи или дукаркІути букІуназибад хІилхІи гІя-
хІялла у багъурли, хъуливяхІ чарухъи сай. Хъули

кайуси замана хІяйна декличи чяртухъи, тясухъи кайкили, бекІ къаркъализи бяхъили, ГІяли къагъиубли сай. ЧеваргъибхІейс илини гІяхІялла у гІурра хъумкартурли сай. ГІяли сунела гІясиубдешли дудіухъи унзаличи четясухъи сай, амма унза гардардухъи ахІен, ГІялила биалли къяш дебали изиаурли саби. ГІурра ил букІуначи авхъи сай. «ХІераягу, Чирти-Хиртили нушазирад кІи-кІел маза сасес къасбарили ургар, ГІяли кІинайсра нушачи лявкъяхъули сай», — тамашабиубти букІуни дуділи авхъунси ГІяличи пишбяхъили хІербикІули саби.

ГІяли букІуначи аили сай, хІулбазирад биса гердухъахъи, тиладибарили сай илдази чула букІунна у бурахъес. БукІунаии ил вахъхІи иижитварили сай чи букІун? се букІун?»или суалбикІули. ГІялини у багъурли, хъуливяхІ ватихъили сай. Сунела юртличи гъамирухІели, — «Чирти-Хиртии унза абхъайчи яхІбуцес хІейрули, ГІяли къужихъи гъаргдарили унза хъулив вагъариубли сай. ХІеръалли, палтар чегъес бажардихІериубли, чІянкІули хъунул. Хапбарили ханжал ил хъунуйс гІергъивикибхІели, кайкили, ханжал сунес къузбики вебкІили сай. Чирти-Хирти биалли, ил хъунуйчи хъайчира кайили сай.

Гъаннара тев, бикІар, ил хъунуй сунес уршби биркъули, букІуна дедибти мазали кІи-кІел — хІяб-хІябал мукъара диркъули, разили гІямру дуркІули.

ЭМХІЕС ЭМХІЕ БИЦИБ

Левли уили сай ца мискинси дубурлан. Илала цайли цаси эмхІе лебли буили саби, гІур селра буили ахІен. Илини сунес гушхІейэс гуж-гужли къацІ бургули уили сай. Гъачамра ухъна дубурлан зягІипикиб, сунес сунени къацІ баргесра хІейраниуб ва ахирра эмхІе бицес къасбариб.

Гуж-гужли айзурли, вашули, вашули, хІилхІила-хІилхІи базарличи бицес эмхІе арбукили сай. Сецад бицес дигули хъалли, илини ил бицес виубли ахІен.

Ухъна дебали зигарикІулри, бареси балули ахІенри ва ахирра хъули чарухъес къасбариб. Илав иличи ца ухъна гъамиуб, илис жумягІли гъачам шагъарлизи тухтурличи вашес гІягІнили буилри. ИтхІели я маши-наби, я урчи камли ахІи дирути ахІенри, ва дебали разиубсири. Илини эмхІе асиб ва илала вегІлизи хъарбаиб:

— ЭмхІела техпаспорт лебсив? Леб биалли, биха, нуні эмхІе жагадешлис исуси ахІенну, шагъарлизи тухтурличи вашес исуси саби. Рахли гъуйчив ну милиционерли тІашаасли се бирусира?

ЭмхІела вегІли илизи анцІбукъ секъяйда баянбирусил... балули ахІенри: марлира, эмхІела техпаспорт хІебирни секъяйда иргъахъуси илизи? ЭмхІе исуси виалли паргъатирули ахІенри ва эмхІела паспорт биха или кайзурлири. ИлхІели эмхІела вегІли къалам-ра кагъарра дурасиб ва ила белкІун: «ЭмхІес эмхІе бицира». Уди ил бицибси бархІира белкІун ва къул-басра кабатур. БелкІес белчІес хІебалусини разикай-кили эмхІе сунечил барх арбукиб ва иличи мурдайи-ли шагъарлизи, сунела тухтурличи арякъун. Ваиб ил шагъарлизи, ацІиб тухтурличи ва иб.

— Ахирра вакІира къалли, дила эмхІечив, нуша-ла замана бегІлара дургІеси такси саби, савли мура деда, абзур бархІи къунзкайкІен, сегъунтилра бен-зинра хІяжатдиркути ахІен, чІяикІли шинни балхес хъуммартид!

Ухънани тухтурлизи документа чебаахъиб. Ил бая-гъи эмхІела вегІли бедибси кагъар сабри. Илаб биал-ли белкІири: «ЭмхІес эмхІе бицира».

Тухтурлира илаб белкІунси ахъли белчІун ва гъа-лаксаурли, бареси хІебалуси ухъна хІилхІила-хІил-хІи паргъатиахъуб. Илала гІергъи, бикІар, ил ухъ-на сегъунтилра документуначи вирхуси ахІенри ва ил-ди мардируси ахІенри.

КЫРКЫР ХЪУНУЛ АДАМ

Ца хъунул адамли, мурулра уршира хІянчиличи аркѹхІели, мурталра савли ца къацІлицун балхулри. Ниѹ биалли гунерлизи дигІяндирули руилри.

Гъачамра хъунул хъулир агархІели, мурулра уршира гунерлизи абацІиб, илаб ниѹла хъаба баргиб. Хъабаличибси бурт беркун, гІелар калунти ниѹличи нег кадихъиб. Пур илди паргъатли хІянчиличи арбякъун.

БархІехъ, мурулра уршира хІянчиличибад чарбухъунхІели, илини бетаурсиличила хабар буриб. Пишяхъили муруй илизи иб:

— Биаллира, иш шайтІа пиша бургар. Илгъуна анцІбукълизир авал бехІцІари дуцІути сари, бакъукъличил дарх илди гунерла авалра гІямзила кадирхъути сари. Рахли шайтІай илди дергалли, ил бетихъуси саби.

Хъунуйра мурул викІуси бариб.

Савли жявли ил шичи гІинзи аррякъун, дудешра уршира биалли гунерлизи кабацІиб. Бакъукъличил къацІлира буки, ниѹра держили, гІелар калунтира дарх касили, илди хІянчиличи арбякъун.

БархІехъ илди чарбухъунхІели, хъунуй муруйзи разили хабар бурили сари:

— Валлагъ, хІу викІуси бархъси бурги, шайтІай бехІцІуртира бакъукъра деркири, гъаннала гІергъи къалли ил нушачи хІякъян!

ГІЯМУЛТАР ХЪУНУЛ

Гъачамра Загъра ГІяхІмадла хъунуй базарличир дерубти курега асили сари. Сари хІянчиличи аррукъес гІягІинили буилри ва илди муруй хІедаргеси мерличи дигІяндарес къасбарили сари. ПикририкІули сари, никририкІули сари, амма асибти курега чина дигІяндирутил багъес рирули ахІен. Илдала ца хъа чІябар уркълани кабуцес хІядурбарили лебли буил-

ри. Хьунуйра пикрибарилри гъачамлис дебахІедарибти уркълала уди илди дигІяндарес. «Ит хъули мурул ветхІейцІур, итаб сунес хІяжатси секІал агара», — сунес сунени маслигІятбарилри илини. Курегара уркълала уди кадихъили, мурул ит хъа ухІна ветхІецІахъесра дигули, илини гІяижилара гъумлара шинкІаси гъудурмай барилри ва лебилра чІябарличи тІинтІбарилри. Сари биалли паргъатси уркІиличил хІяичиличи аррякъи сари.

Камси замаиа дикибхІели, мурул хъули чарухъи сай. ХІерикІалли, чІябар кабурцуси хъулиб тІинтІбарили гІянжила шиикІаси гъудурмай. «Ишаб гъудурмай сели биркъуси? ЧІябаркІун уркълани кабурцуси саби. Юх, ишаб сегъуиа биалра дигІяндеш бургар...» — пикриухъи сай мурул. Илини азбарлизибад эмхІе дураилри ва иличи мурдали балбируси хъули ветацІилри, уркълала уди дигІяндарибти дерубти курега даргилри. Велкъари дерки, калунти суненира дигІяндарилри.

ХІянчиларад чаррухъунси хъунул хІеррикІалли, чинаралра курега агара.

— Чили деркуна дила курега? — рехІризурли сари ил муруйчи.

— Набзи сен хъарбиусири? — викІули сай мурул. — Ит хъулирти къел эмхІела сари, ихизи хъаркабаа.

Илгъуна берцуди баргибсири Загъра ГІяхІмадли, или бурули бирар.

КІЕЛ ХЪУНА КІЕЛ ИГНАБА

Ца хъуна мурул хІянчиличи аррякъун. Мурул хІянчила аррякъунмад, хъунуй хъули сунела игнаба киб. Хапли мурул чарулхъниличила багъурси хъунуй игнаба халаси хъабализи дигІянариб. Мурул бусягІят шакикибгу, амма селра хІебалусила гІердариб. Камси замана арбякъи гІергъи, ил сунела хъунуйзи викІули сай:

— ХІуни балулрив, дила хьунул, иш гІянжила хъаба наб дебали анЦІбукъи саби, халаси мерра бурцули саби, рашигу лайбикІехІену.

Бати рикІули, хьунул сецад тиладирикІули хъалли, мурул сунени бурибсиличи чекайзурли уилри. ГІур илини хъаба къакъличи гІелахъиб ва дубурличибад къадала лайбакІес ибси къасличил ил хъуливад дуравхъун. Гъуйчир илис букІула юргъайзи бергурси секІайчил цархІил хьунул адам къарширикили сари. Юргъайзи вергурсира сунела игнаба уилри. Хьуна игнаба юртличивад гъарахъируси мурулла баркъудиличи шакрикили, ил хьунул адам рикІули сари:

— Чина архулри гъари илгъуна хъаба?

— Хъулиб дебали диргалабулхъули саби, халаси мерра бурцули саби, дубурличибад лайбакІес дигулра, — викІули сай мурул адам.

— Дубурличибад селис лайбикІида, хІура инжитирули, къаркъали бяхъили бяченгу, — рикІули сари хьунул адам.

— Рахли дила хъабализи хІуни къаркъа игъадли, — викІули сай мурул адам, — нуні хІела юргъанра зузбирис.

Хьунул адамли касили къаркъа хъабализи бяхъили сари, мурул адамли хъямики илала юргъан зузбарили сай. Мурул адамла хъабалавад дурайкибсира хьунул адамла шалкІувад кайкибсира кІелра игнаба хІулби хІердикІнабяхІ бебшили саби.

АВРУШАЛИЗИ ЗЕ АЛКЪАН

Ца шилизир хІеррирули руили сари уктемси, хамси цархІилти мучлахІебируси хьунул адам. Цагъачам ил авруша барес алавракІили сари, амма балули ахІен, авруша бирухІели, зе алкъутил, ахІенал. Иличила чизи-биалра хъарбаэсра халарурхули сари, хІераягу, их секІалра хІебалуси хьунул адам рирусив или чебдукарбирхІур или.

Бареси хІебалули, ил рахли дурарухъи сари, шичирад ляркъуси унра хъунул чераили сари ва илизи рикІули сари:

— Урузалра хІекІули, их — хасара, аврушализи зе алкъусили, гъанна чумал бархІи дила гІяргІя сунес бумгахъулигу!

УркІрухъунси унра хъунул иличи хІерризурли рикІули сари:

— Се рикІуси икІ? Чила гІяргІя? Чис саби бумгахъуси? МехІур-мага риубли хІеризэс, аврушализи зе алкъуси бирару? Чили сари илди алкъути?

— Гъу, гъанна багъурра, — или хамси хъунул хъули чарриубли, авруша барес рехІрихъили сари.

ХЪУБЗАРЛА ПАГЪМУ

Левли уили сай ца хъубзар. Ца бархІи ил асили ца къазра талхъайс арбухили арякъи сай. Талхъай хъарбаили сай, ил къазла беркес бегІлара бизиси се мер чиди саби или. «Ишала бегІла гІяхІти камра къуйрукъра сари», — викІули сай хъубзара. «ХІуни къалли иш нушаб хилри, нуша урегал лердиахІелли, иш секъяйдали бутІес гІягІниси?» — викІули сай гІурра талхъан.

— Агъ, хІела хъали мадуъ, иш бутІес гъамадси секІалгу, хІерикІен иша секъядали буртІусил, или хъубзара къаз буртІес вехІихъили сай. «ХІу хъа бекІ виъни багъандан, хІед къазла бекІ, — викІули сай хъубзара талхъайзи. — Хъунул мурулла къуйрукъ риъни багъандан, илис къазла къуйрукъ, дуклумашибли арцурли къаз къяйда рурсби ада-абала юртлизибад арбашни багъандан, кІелра рурсилис къазла ца-ца дукала, къазлис къяшми къяйда уршби юртла тІулри биъни багъандан, кІелра уршилис къазла ца-ца къяш; гІела-гъалабухъунси наб», — викІули сай гІур хъубзар. Талхъан хъубзарла нагъмуличи дебали разиубли сай ва бедили савгъатра сайра хъули вархъили сай. Хъубзарли лебилра унра-хунрази ва шила жами-

гІятлизи багъахъурли сай, талхъай сунес, секъяйда мургъи дедибал. Ил хабар аргъибхІели, ца давлачевси унрали къасбарили сай къаз бухили талхъайчи укъес. Иллини цала мерлар шел къаз делгъи сай ва мургъиличи хъуликІули, илди лерилра талхъайс ардухили арякъи сай.

Илизира талхъай или сай: «ХІуни къалли ишди нушаб хилри, нуша урегал лердиахІелли, ишди шел къаз секъяйдали дуртІути?» Ил давлачев къузрала вегІли буреси багъурли ахІен. Илди секъяйда дуртІути тил бурахъес, ила хъубзара живарили сай. Хъубзара къузри дуртІес вехІихъили сай ва, — «Ца къазра, хъу нулра, хІура — хІушара хІябалра, кІелра уршира ца къазра — илдира хІябалра, кІелра рурсира ца къазра — ишдира хІябалра, ишди имцІати кІелра къазра нура — нушара хІябалра», — викІули сай. Талхъан дебали разиубли сай ва илис гІурра мургъи дедили вархъили сай. Къузри хибси давлачевсилес биалли талхъай селра бедили ахІен. ГІурра хъубзарли лебтазилра, сунес талхъай секъяйда мургъи дедибал, хабар бурили сай.

Уиралчивси давлачевси ца ухъна къяскайубли сай хъубзарлис дедибти мургъиличи ва белгъи гамушра арбухили сайра талхъайчи арякъи сай. Талхъай илизи хъарбаили сай: «Иш къалли хІуни нушаб хилри, ишала беркес бегІла бизиси мералра чидил саби^иили. Ил ухъиани хъубзарла гІердуцили, къуйрукъра камра сари или, жаваб бедили сай, талхъан, хІуни ну мучлаагарварилра, или иличи гымукІили сай, ва ила ит баягъи хъубзар живарили сай. Хъубзарлизи гамушла беркес бегІлара бизиси чидил мер бирара или талхъай хъарбаили сай. Хъубзарли жаваб бедили сай: «Гамушла нуни бургт ахІенси беркес гІяхІси секІал хІебалас», — или. ГІурра талхъан хъубзарли бурибсичи дебали разиубли сай ва мургъи дедили ил вархъили сай. Ухъна давлачев биалли селра хІебедили дугІаили сай.

Левли уили сай ца хабар дерхурси урибси палтарла уста. Амма гъачамалра илини чĕянкĕли хĕбигĕли палтар барибси уили ахĕн.

Гъачам ца адамли къасбарили сай, секĕлал хĕбигĕляхъи илизи сунес хĕбсур барахъес. Вакĕили илини палтарла устази бедили сакъла хĕбсур бара или, сай мякъла кайили сай, иралли бигĕлябгу дила чĕянкĕли или. Палтарла уста пикрилизи викили сай, севан бигĕлишара ца кесек сакълала или. Бареси хĕбалубли, ил ахъваниубли бяз-бяз или тĕмри дурадикахъили сай. Хĕбсур хĕбигĕляхъес вакĕибси гъала-гъала уркĕлхъи сай, кĕинайс уэс хĕейубли кани буцили дукарĕлескайили тахличивад герикĕули сай. Ил замана пайдалабарили палтарла устали къицĕкабарили ца бутĕа сакълала бигĕли сай.

— Агъ, хĕела хъали мабуъ, хĕябра тĕгĕямли къĕййикĕули леври къалли, — викĕули сай чĕянкĕлила вегĕ, — гъаригу, гъачам-гъатĕи башахъен.

— Гъачам-гъатĕи бушасли хĕела сакълализибад селра кахĕелан, — жаваб бедили сай устали.

— Ил секĕлал бетаурли цачумал бархĕи ардякъи гĕергъи, палтарла уста вайтĕа зĕгĕипикили сай. Илини дугели вайти муэрти чедиули сай. Ца дуги илини чебаили сай муэр, сунела къарбекĕлизибад халал галга бакĕили ва кĕапĕрала мерличир сунени дигĕунти чĕянкĕлила бутĕни жибжирдухъи. Гъанна палтарла уста левгĕев урухиубли сай, сай вилгĕни багъандан, аллагъла хĕекъ акили къалли или. Илини сунела уршилизи сунени чебаибси муэр бурули, викĕули сай: «Рахли ну багълавиасли ва нуни хъя хъумартурли, чĕянкĕлила кесек билгĕясли, хĕуни, дила урши, нуни муэрлизиб чебаибси галга гъанбуршен».

Уста багълаиубли сай. Хĕялал-залалли узули, ардякъи сари чумал баз. Рахли ца бархĕи иличи дебали жагаси чĕянкĕли хили саби. Уста уэс хĕейубли, чĕянкĕли бигĕлес алавакĕили сай. Уршили чеили, дудешли-

зи гъанбушили сай сунени муэрлизиб чебаибси галга ва сунела хъя.

Дудеш вачавархили викІули сай: «Нуни муэрлизиб чебаибси галгаличиб иш раигла чІяикІила бутІа бугаги, урши».

КЪАДИРА РУХЪНАРА

Гъачам ца ханнис дигиаурли саби сунела кІялгІяла мякълабси ца мискин пакъир рухънала юрт асес. Ханнис дигули уили сай ил къарцин юрт гъятІаили, сунела кІялгІя халабарес. Хан юрт бица или рухъначи вякъи сай, рухъна къабулрикили ахІен. ИлхІели хан халаси багъа, вецІну шура къуруш лугасну, бица викІули сай. Амма рухъна гІурра къабулрикили ахІен. ГІямал биалли гужбарили юрт кебасес хІейгули, ханни къасбарили сай къадичи дугъаизес ва илала кумекличибли ца тяхІяр балбуцили вачар барес. Ханнис гъанбиркули уили сай, сунес дигуси барес багъадан, къадини ца гІямал бургу или. Хан сунечи дугъаизурли или дебали разиубси къади халаси разидешличил вачарлизи ахъили сай.

Ил — рухънас 30 къуруш дедесли кайзурли сай, юртла бегІлара гІяхІси багъа 15 къурушла биаллира. Амма рухъна илхІелира къабулрикили ахІен. Бареси хІебалули, къадини ханна шайзирад 200 къуруш гъаладуцили сай. Амма рухъна юрт бицес сеналра къабулриркули ахІен. Рухъна уррикахъес или 200 къурушла чеди къадини къял гъатІи бедес чесили сай, амма дугІли. ЧІянкІли илхІелицун багъурли сай къадини, рухънани юрт се бедлугулихъалли хІебирцни. Къади ханничи арякъи сай ва, валлагъ, анцІбукъ ишгъуна саби или илизи бурили сай, амма чебатурли сай юрт сунесгІебли барес ханна ца гъатІи имкан леб или.

ШаригІят хІясибли сунес бируси хайриличи хІерхІейкІуси баягъи ил рухънагъуна адам, мехІурлизи

халварес ва илала шайзибад кядини вачар барес ихтияр лебси биъни бурили сай.

Ил секлайчи хан разиубли сай ва шаригIят хIясибли вяшиклеи или кядичи хъарбарили сай.

Илала гIергъи кяди рухъначи вякъи викIули сай: 200 къурушлис ва къяйс 15 къурушлизи агарси буркъа юрт хIебирцули, хIед бируси хайри хIебалулрину, хIу, рухъиа, мехIурриублири. Ил багъандан хIела шайзибад иуни вачар бирисра».

Рухънаии, селра-декIар пикрихIерухъи, хъарбаили сари: «Ил шаригIятли чебиахъуси иабчицун къячбиркусив, гъари, ахIи ил лебтачибалра чебсив»? «ШаригIятли буруси лебилра бусурмантачиб чебси саби», — или кядини уктемли жаваб бедили сай.

ИлхIели рухъиа кядизи рикIули сари: «Или биалли, сен шаригIят хIясибли ну мехIурсилизи халрируси-ра, 15 къурушлизи агарси юртлис 200 къурушра къял-ра лугуси хан сен мехIурлизи халхIейруси»? — или.

Жаваблис буреси хIебагъурли, цIудар-цIябиубли кяди багълали хъули ватихъили сай.

МАЛЛА ВА ХЪУБЗАРА

Гъачам ца мискин хъубзара адамлис маллачиб хIянчи барес къаршибикиб. Абзур бархIи хъубзарли ризкъи неглизирад умудирулри, илди тIирхдирулри. ХIянчи таманбиубхIели, маллала хъунуй биалли, би-зи-бизиси нулавла халдари хиб. Малла гIямултар ва къиркъир сайри. Илини къасбариб хIянчизар виргIя-виргес ва селилра хIевкахъи ил чучивад вархъес. Ка-бииб илди барх берка мякъла. КIел-хIябал къулса пу-лавла беркесалра балкъхIеурли лебай, маллани къул-са чебкабихъиб, сунела кIурхдизурти муцIур-сунелта-чибад някъ хIяршбариб ва иб:

— ГIялхIямдулилагъ! — или велкъи гIергъи ду-цIути балгнази ахъиб.

Малла балгна учІахъули ватурли, сай укес цІах-бизурси хъубзарара кьулгъу-гІялхІямлизи ахъиб. Малла биалли ил манзилличи хІерлири. ИлхІели маллала хъунул ракіиб ва беркала арбухиб.

— Баркалла, дила урши, гІялхІси хІянчилиси, — иб хъубзарлизи маллани ва азбарлавад бецІван гушси ил гъунивватур. — ГІур дус гІебшнира вакІи, — или.

Дебали децІагиб хъубзарлиси, амма бареси селра кавлули ахІеири, арякьуи ил гушли ва вамсурли. Малла биалли, хъубзара арякьуимад, пулав каби-хъибси халдарличи чевхъуи ва гъигъла манзиллиси ил бацІбатур.

ГІергъила дусра, бугІми дугуси замана сабаибхІели, хъубзара маллачи вакІиб. Абзур бархІи тІашбиз агарли узули, илини лерилра бугІми дергиб. ХІянчи тамаибиубмад, маллала хъуиуи гІурра бизиси пулавла халдари хиб.

Кабииб маллара хъубзарара букес. Ца-чумал кьулса пулавла деркунмад, маллани иякъ муцІуркадли ва супелтикад чедиберкіиб ва иб:

— ГІялхІямдулилагъ! — кьумурличивад айзур ва улгес вехІихъиб.

Ириъла аицІбукъли бурсиварибси хъубзара иш гьакІлиси маллала гІямултас вирГІялхІейуб.

— ХІуи балга бара, иу биалли гъачамлиси велкъи ахІеира, — иб хъубзарли ва сагали пулавлиси алаву-хъун. Укули, укули, илини лебилра пулав таман-бариб. Халдари лебилра бацІбухъунхІели, хъубзара айзур, маллази баркалла багъахъур бизиси пулав багъандан ва арякьуи. Ил гьакІлиси маллас селра хІе-бикиб ва гушли кайхъес чебуркъуб. Хъубзарли дура-улхъухІели, лябкъуси дусра хІянчиличи вакІес чесиб ва ишдусван бизиси пулав барахъес маллала хъу-нуйзи тиладибариб.

Левли уили сай сунечила дебали гапикIес дигуси малла.

— Нуни гъар секIал далас, наб аллагъла лерил-гъундури ашкарти ва якъинти сари, — викIи ил шайтази. — Нуни хIедалути дигIяндешуни я ваиза-личир агара, я заклизир.

АнцIдукъи сари шайтас илала гапъала, амма илизи пIягъидеш сеи-сеи лайдикIахъутил, чилилра балули ахIеири. Ил секIал суиечи чесиб ца хъубзарли. Илини сунела хъуиуйчи хъарбариб цIерхъси диълизибад гIяваси пулав барахъес ва шилизибти лебилра хIурматла адамти ил маллачил барх суиечи жибариб.

Маллас пулав кабирхъухIели, хъубзарли хъуиуйзи буриб илис диъ биринжла уди, халдарла лутIилизи кабиxъахъес, цархIилтас биалли ил чеди, чебиэсли кабиxъахъес. Хъунуй илкъяйда барра бариб.

Каиихус малла диъ агарси пулав чебаили гъиму-кIиб ва гъанхIедуцили ил хъубзарличи дугъаизур:

— Сеи иш хIела хъа регIли наб диъ агарси пулав кабиxъибси? Яра наб диъ ахIебаибу?

— Юх, сен ахIебиуси, — жаваб чарбатур хъубзарли. — Нуни гъар се секIал даласра или хIу викIухIели, гъанбикиб шакиркуд или, ил багъандан хIед диъ бегIлара уди кабиxъахъибси саби. ХIеризи, къулсали халтIбарану.

ХалтIухъун малла къулсаличил халдарла лутIилизи, диъла бутIни дакIахъиб.

— ХIера, гъари ца, хIуни ца гIядатла секIалра балули уили ахIенригу. Се караматдеш дирути гъатIи хIела, ванзалара заклара гъар се секIал далас викIули хъалли, хIела гъалабси халдарлизир диъла кесекуни лерни хIебагъади виадли?

ЦIахвариб хъубзарли малла лебилра шила хIурматла адамтала гъалав ва юртличивад дугIаиб.

АХЪУШАН ХІЯЖИ

Уили сай ца мискин садакъачи ахъушан, сунесра ХІяжи бикІуси. Ил сунела гІямайс шилизивад дуравхъи Губдани каили сай. УхІнавхъи ца азбарлизи садакъа бара или хъа регІличи дугъайзурли сай. Садакъара барили хъа регІли: «Чинавадси сайри хІу?» — или хъарбаили сари. Ахъушан сайни багъурхІели, ил рикІули сари: «ХІу Устаз акІубси шилизивадси адам виадли, сен хІу ишбархІи, жумягІ бархІи, мижитла хІякъунсири?» — или.

Гъаригу, мижитлавра чеасли, садакъара имцІали биру или ХІяжи арякъи сай мижитла. Балуси секІал агара, ил дехІибайчи кайзурли, цархІилтани се бирал, илииира бирули уили сай. Ца замаиа ХІяжила хІулби дархъдизурли сари мякълав дехІибайчи кайзурсиличи. Илра ХІяжичи хІеризурли сай. ХІяжини багъурли сай, илра сайгъуна дехІибала хІедалу си адам виъни, сайра шантала дирглуми детІили ил бархІи бегІла гъалав мижитлизи вакІибси. ДехІибала тамандиубхІели, баягъи ил адам ХІяжичи гъамиубли викІули сай: »ХІяй, нукуйс някъиш диран», — или.

— Биэс мягІна, нукъун цархІиллизи дикахъадли хІунира», — жаваб бедиб ХІяжини.

Устаз акІубси шилизивад вакІни багъурли, шантани ХІяжис халати садакъуни дарили сари. Бучили ца гІяхІси секІалра сайра, ХІяжи гъайиубли вакІили сай ца кІарахъала шилизи. Илабра ил вакІибси бархІи жумягІ бархІи буили саби. Иш дахъал далусила гІердарили, мижитла ацІили сай. КІарахъанта багъурли саби, иш Устаз акІубси шилизивадси виъни. Илдани илизи тиладибарили саби акбар белчІахъес. «Гъайгъайра, бучІухІели Ахъушаб бучІуси тяхІярли белчІен», — или тиладибарили саби кІарахъантани ХІяжизи. ХІяжини биалли сунела мурталра бучІуси далай белчІи сай:

ГІяйни хъябла хъябличир Ядала галга удир
Хъямикурна — хІерикиб, ХъямхІейкункъира рикиб.

ХІяжила жагаси тІамара буили саби. Лебилра жамигІятли халаси баркаллара бедили, ишис халати савгъатунира дарили сари. КІарахъала маллуба халаси къайгъи барили саби ХІяжи маллали чучив калахъес. Ца баз дигайла далуйта учІули, акбар бучІулра или, кали сай. Ил базла бухІиаб кІарахъала маллубаии уркІиличиб багъурли саби ва ХІяжи хъули чарухъуихІели, акбар бучІулра или, ХІяжила дигайла далайли бучІули кали саби. ХІяжи биалли, гъаниа наб бикеси бикиб или, къалаба-къалабали хъули чарухъи сай. Халкъли бурули бирар, илала гІергъи ХІяжи дебали давлачеввиуб или.

НУКІУН ГІЯШРА ВИУБРА — АХЪРА

Ца шилизибад мижитла хІябал малла дурабухъи саби. Илдазивадли ца пикриикІули сай, сеи-сеи бир-гІябиргишара или суиела балликъянаби. Илини кисаларадли хІябал вецІ-вецІла кагъар дурасили сай ва, илди шакрахІебикахъили, гъуйчи кайкахъили сай. КІинайс викІули сай:

— Агъ, ишди иаб арц!

Барх лябкъути бикІули саби: «Нушабра пай барес гІягІиили саби».

— Юх, викІули сай ил, — ишдазибадли хІушаб пай хІебирар. Нуии даргибти арцлизибад хІушаб сен пай бируси?

— СенкІуи арц даргибхІели, хІечил дарх нушара лерри.

— ХІушанира наб хІушаб бикибсилизибад най барибси ахІеп, гъаниа нуии баргибсилизибадра пай хІебирис.

— ХІед пай бирес, иш иушала къиян сабри.

— Ишаб дилара къияи саби.

— ХІуни се къиян чебаири?

— НукІун гІяшра виубра-ахъра.

ЗИЯ ХІЯЖИЛА РУРСИ ВА КЪУРЪА АДА

Левли сай, левли сай ца Зия ХІяжи бикІуси дав-
лачев мурул. Илала руили сари ца рурси. Рурсила
бегІти архІяли букъес къасбарибхІели, рурси къуръан
делчІахъес къуръа адачир ратурли сари.

Дикили сари хІябал баз.

Къуръа ада рурсила жагадешличи гІяшикъиубли,
хъуича гъай дехІдихъили сай... Рурсили илдачи пик-
ри бяхІчиаили ахІен.

Рурсили аргъили сари, бегІти чарбулхъули саби
или ва умудеш барес или уиза гІекІили сари. Къуръа
ада биалли, улкъайла уди дигІяикайкили, регІралту-
си рурсиличи хІерикІули сай. ЯхІбарес хІейубли ве-
тухъи уизализи къутІикІескайили сай. «Чи сайрив?»
— или рурсили хъарбаили сари. «Ну сайраиу, абхъа!»
— викІули сай къуръа ада. Рурсили унза хІебхъухІе-
ли, илини къуждарили унза къичІирдикІескаили са-
ри. Пур бареси хІебалули рурсили иалтарла регІриуб-
ли, абхъили унза, къуръа адада бекІлизиди тІасли бя-
хъили, бекІ бячи сари.

ГІергъила бархІи бегІтас хумар-хумарли гъунираи-
ли сари рурси. Дудешли хъарбаили сай, сен хІу ху-
марлири или. БекІ изули, илис хумарлира или, рур-
сили дудешлизи къяна бурили сари.

Зия ХІяжи чевазс лебилра шила шантис цахІнаби-
кили саби, къуръа ада биалли вакІили ахІен. Рурси-
ла дудеш, сен ил хІекІибсив дила сяхІбатличи или,
адам илис гІергъи вархъили сай. Ва къуръа адара ва-
кІахъили сай. Ил бигъи бекІра сайра хІекъли хумар-
ли вакІили сай. Зия ХІяжи илис халал хІурматличил
гъунивайили сай.

— ХІу сен гъанна бикайчи хІекІибсири набчи?
«ХІела рурси, — или вехІихъили сай къуръа ада, —
имцІати далхІедикибти пишна риркъес рехІрихъибну,
хІу сен илдани риркъулри ибхІели, тІасли бекІлизиди
бяхъили иши варилра», — или клантІиубли сай ил.

Зия Хіяжини тІалаббарили сунела нукерти, рурсилизи хъаралра хІебаили, хъарбарили сай аррукахъили шила дура вацІализи ил хъябларяхъяхъес ва рурсила хІили бицІибси шушка хахъес.

Нукерти аррукили рурсира, барх ца хяра сабира арбякъи саби. ВацІализи бетаибхІели, рурси мяштІарили, кабушили хя, хяла хІили бицІибси шушкара сабира, рурси дигна рукъяхъес рархъили, чарбиубли саби.

Сай пучхІерниличи умутбихъили къуръа ада разили сай. Пякъир рурси, барили бисара, гъайриубли ахъили вацІа, ца пулан мерличи дурарухъи сари. Рамсурли, гІур рашес гъунар агарли, ца диркъаличи чекабушили гулмендира карихъи сари. ГІяжизриубдешли ил бусягІят рускаи сари.

Цазамана шадив вякъи лявкъуси талхъан дурхІяли раргили сари ил. Ил вахъхІи хІерикІули сай иличи, гІур гІярчимагли кІанала къяли ахъбуцили сай. БерхІира базра сунечирад адухъунсигъуна издаг рурси чераиб. Ил уркІрухъи харчризурли сари. «УркІмарулхъад, хІед вайла вегІ ахІенрану, — викІули сай талхъаи уши. — ХІу севан ишар рагъарриубсири?»

Рурсили лерилра сунечи дякъун-дакІибтачила хабар бурили сари. Талхъаи дурхІялис ил жагаризурли кили сай. ХІябал баз хІеррарили илии ил ца рузиваи, гІур хъарбаили сай: «Аба раришив, рузи раришив, хъуиул раришив?» — или. Рурсили жаваб бедили сари: «ХІу хІеркъибси аба хІерирус, рарх хІераркъибси рузи ретхІерус, хІела бекІ арабиаб, талхъаи..» ДурхІяли, барили халал мекъра сайра, сунес ил рурси карили сай. Халал дигиличил, разили ва шадли ардякъи сари чумал дус, акІубли саби кІел урши. Талхъа хъуиул биалли бархІиличир бархІи хумарли сари, зягІиприкІули сари. Гъачам муруй хъарбаиб:

«Се бетаурли хІед, хІу хумарлиригу, зягІиприркулиригу?» — или.

«Наб дигулра дила бегІти чебаэс, илди мицірлил багъес», — или жаваб бедили сари рурсили.

Талхъан уршили бедили мургъи-арцла таврара, да-рили дахъал гъуигелтира, кІелра уршира сарра кІел нукерличил рархъили сари сунела бегІтачи.

Башули ахъили саби илдани халаси гъуни, кабаили саби ца шилизи, бархІира ахъили саби. Бамсрира ахъес, урчира дугахъес или хъурабиубли саби.

Ца нукер гъамиубли талхъа уршила хъунуйзи ви-кІули сай: «Иш шилизир хІердирехІену, хІуни наб магъар дихъахъес пурбан биха, хІебарадли хІела ха-лалгъуна урши лугъас». «ЦІахли ахІену хІед», — ри-кІули сари рурси, — илцадра инсап агар адам виру-сив? Урши ватурли ну карушни тиладибирулра, ну хІед се балагъ бакІили хъалли хІякъясну». Нукерли аба чІяррикІахъули, бусягІят халалгъуна урши кав-шили сай.

КІиэсил нукерра алавухъи сай талхъа хъунуйчи, раши хІу наб шери или. Ил нукерлисра ишини къар-шидешдарили сари. Нукерли кІиэсил уршира каршу-ли сай, аба къагъриубли сари. БархІи ахъибхІели, нукертани бигъи талхъа хъуна къяшра гъаялизи, са-бира бускаи саби. Хъунул багълали аризурли гъая галгализи бигъи, гъаррухъи сари. Нукертани гъанкІ-лизиб гъая замана-замана зузбирули буили саби ва талхъа хъунул чиналра аррякъи ахІен или паргъат-бирули саби.

РахъхІи кали сари ил рашули. Ахирра бегІтала шилизи гъамриубли сари. Шила дурав пугикили сай илис ца къачнала хІенкъула. Илизи тиладибарили са-ри: «Дила налтарра ма хІед ишди арцрану, диха хІе-ла палтар наб» — или. Къачнала хІенкъулани сай мучлаагарварили рикІули сари или, ил гъаряхъили сай. Ил замана ил рашули аркъухІели, талхъа хъу-нуйс ца мерличив къаршиикили сай къулала хІенкъу-ла.

Илизи тиладирухъи сари: «Ма ишди арцра налтар-рану, диха наб хІела палтар», — или. ХІябра гиша

или, хІенкъулани дедили сари сунела палтар. Чегъур-ли илди палтарра сарира, шилизи рухІнарухъи, бегІ-тала хъа гъала ретаибхІели, вавъили сари: «Хъубза-ра диган, хъубзара диган!» — или. Муруйзи ил рикІу-ли сари, вахъ нушала рурсиличи мешуси дурхІа хевну, вашигу, хъубзарли урцехІе или. Зия ХІажи къабуликили сай. Чумал баз дикили сари хъубзара уцила.

Талхъа нукертира, бахъхІи умцІули раргес хІеби-убли ретахъибси талхъа хъуиул, чарбиубли саби ва талхъайзи бикІули саби: «ХІела хъуиул, гІяндбакІи-ли кІелра уршира сарра, иуша дусес кадихъуихІели, гъаррухъи реткахъиб».

Талхъай къасбарили сай суиела хъуиул чиар риал-ра раргес ва иукерти бархъли биалли, танбихІла ра-рес. ВахъхІи вашули умцІули сай. Илини лебилра суиела улка умцІурли, гІяхІдеш агара или, хъай-гІи чариурси замаи, талхъан ваили сай ца шилизи. Ил шилизив бегІла давлачевсиличи хъураиубли сай. Хъубзарли гІяхІлала ябии тІеииличи дигъи сай. Ну-кертала ябиас кайхъили сари къаркъа, талхъа ябус — чалтук.

Хъа вегІли бархІехъ бакІибтала хІурматлис бариб-си шадиб-гъуйчи къуръа адара тІалабарили сай. Ха-бурта бугъес бехІбихъили саби. Талхъай хъубзара дур-хІялизира тиладибарили сай хабар бурахъес. «Нуни хабар бурис, — викІули сай хъубзара, — хІушаии дуравад хъа ухІиа, ухІиавад дура чилра хІекІахъа-далли». Иличи лебилра балбикили саби.

«Левли уили сай ца шилизив ца давлачев адам, илала лерли руили сари цуиси ца рурсира, — или вехІихъили сай хъубзара урши, — дудеш архІяличи аркъухІели, суиела рурси къуръа адачи хъаррарили ратурли сари къуръаи делчІахъес или. БегІти лябкъу-ли или аргъибхІели, рурсили умудеш барес или гІе-кІили унза ризули руили сари. Къуръа ада биалли уиза абхъа или къужикІули сай уизализи. Рурси ри-кІули сари ну ризулрану хІерирус абхъес. Абхъа ви-

кІулра или, илини унза кьичІирдухъахъи сай.

Хабар къябаили, кьуръа ада вай рангличи викили, тиладибарили сай жихІ кабатахъес дура вархъахъес.

«ВягІдаличив къянаваиэс хайрихІебирар, — или хъубзарли хабар даимбарили сай:

«Рурси хъярхъли регІрнубли, абхъили, кьуръа ада-ла бекІлизи тІасли бяхъили, бекІ бячи сари».

«Агъ, дила каии», — или цІумдяхъили сари кьуръа адани. ГІурра тиладибарили сай дура вархъахъес. Вархъили ахІен.

«Рурси хумар-хумарли бегІтас гъала аррякъи сари. Сен хІу хумарлири или дудешли хъарбаибхІели, бекІ изули саби, или рурсили гъай къантІдарили сари. БархІехъ лебилра цалабикили саби рурсила дудеш чезс или. Кьуръа ада биалли вакІили ахІен. Хъа вегІ-ли вархъили адам ил кахъили сай. Сен къанни ва-кІири или дудешли хъарбаибхІели, кьуръа адани или сай, хІуша агархІели хІела рурси имцІати далхІеди-кибти нишна риркъес рехІрихъибну, нуни сен хІу ил-дани риркъусири ибхІели бяхъили тІасли дила бекІ

бячун. Ил багъандан бигъунси бекІра нура вакІес хІейубра...» . Хъубзарли гІергъикайубли лерилра Зия ХІяжила рурсиличи дакІибти дурили сай. ГІур или-ни, бяхІчаили тІул хъа вегІличи, или сай: Иш сай рурсила ада Зия ХІяжи, иш аба, иш сай кьуръа ада, ихди саби рурси кахІерушили ратурти Зия ХІя-жила нукерти, ишди нукерти саби (чебаахъили тал-хъа нукерти) талхъа хъунуй чус магъар хІедихъахъиб-хІели, дурхІни белгъунти, иш сай талхъан», ГІур хъубзара дурхІяли чебасили къапІа, гъакІаркадарили чурми или саби: «Ну сарра Зия ХІяжила рурси, иш талхъа хъунул».

Нешли гъуя или рурси кІапІруцили сари, талхъай сунела кІелра нукерра, кьуръа адара леб мерлаб ка-бушили сай. Зия ХІяжини нукертас сагали сунела байхъала давла бедили сай ва мекъ барили дудеш-ли сунела рурси талхъайс редили сай. Халаси диги-личил деркІили сари илдани гІямру.

БАГЪУДИЧЕВСИ КЪАДИ

Ца хъубзарли чесили сай пулан адамла урцул вецал кепеклис кердес. Ил урцул кавдули левли, илала мякъла кайили сай цархил, умцули хIянчи баргес хIейубси хъубзар ва илизи гъайкIули сай. Замана-замана иш чеди вакIибси хъубзарли урцул кавдусилис гIякълура бурули сай, се тяхIярли гъамадли бирарал урцул кердес. Урцул кердили тамандиубли, урцулла вегIли арц бедлугухIели, урцул кавдухIели мякъла кайили гIякълума угъуси викIули сай:

— Дайхъала арц наб диэс гIягIинити сари: нун ишис гIякълу бурули, кумекбарирану. БахъхIи кали саби ишди жалтабиркъули. БегIла гIергъира, ишдани къасбарили саи къадичи букъес, чула жал бекIбарахъес.

Къади лехIахъили сай, лебилра бакIибта дурути дурайчи, гIур сасили вецал кепек игъубли чIябарличи зянкъ или тIамадарахъили гербухъахъи, викIули сай.

Вецал кепек — урцул кердибсилис, зянкъ — урцул кавдухIели гIякълу бурибсилис.

КЪУЛСА БИАЛЛИ, ГIЯХIТИ НЕРГЪ ЛЕР КЪАЛЛИ

Гъачам ца шилизи гIяхIял вакIили сай. ГIяхIял хъулив варгили ахIен. Хъа регI хъуиуй хурег барили саби ва ухахъес катурли сай, сари биалли гъаргала бархIила карили сари.

ГIяхIял кайили сай, кайили сай, амма ил ухахъес чилилра къулса лебхули ахIен, я сунени къулса биха эс вирули ахIен. ЯхIбарес хIейубли, гIяхIял викIули сай: «Агъ, баркабан, къулса биалри, гIяхIти нергъ лер къалли.

Ил замана хъа регI хъунул шакрикили сари къулса кахIебихъниличи ва ухахъес багъаидаи гIяхIяйс къулса бедили сари.

НУ УКИ ГІЕРГЪИ, ЧИНА КАЛХЪУСИРА?

Пулан адамличи дугели къанни гІяхІял вакІили сай. Къанни вакІибси хъа вегІлира укахъес хурег кабихъили ахІен. ГІяхІял биалли гъарахъси гъунчивадли вакІили, гушиубли уили сай. Гъанна кабирхъу беркеси, гІур кабирхъу или лехІкахъили сай, амма хурег кабирхъули ахІен. ЯхІлизивадли ухъунси гІяхІял викули сай.

— Гъаригу, хІушала хъали гІяхІбиабну, бурая дугила уки гІергъи ну чина калхъусирал?

Ил замана хъа вегІ шакикили сай вакІибси гІяхІял гушли виъниличи ва илис хурег кабихъили саби.

ХІЯРАМСИ ХІЕБИАЛЛИ

Гъачам ца лацла уста къиркъирличив узулри. ЧебяхІкахъили хъулиб диъ лебли хъалли, мурталра ил дацІти хинкІа валхулри. «Гъаригу, ишизи нун иргъахъис», пикриухъун уста ца бархІи. Хъа вегІли че-хІебаэсли, хатІаличибван устани чебяхІкахъибси бя-хІяхълизи сунела хъарчІала гачбикахъиб.

— Шин диха гъари хъарчІала бирцес, — тІамадариб илини хъа вегІлизи.

— Сен ицуси, диъ хІярамси хІебиэсгу, — хІейгибизур къиркъирлис.

— ХІярамли хІебиалли, сен гъатІи ну дацІти хинкІа валхусира? — иб устани.

БУХЪМУЙ

Гъаргала берахъес чебяхІкахъибси бухъмуй агарли биъни Кембарли азбарлав левалли хІясиббариб.

— ГІяшура, се биуба нушала бухъмуй, чина хІеррикІади хІу? — вьвъиб илину ва, касили мурчІа сай-ра, хъунуйс дяхъес ветухъун.

— Дила ахІерси, дила ахІерси, — цІумрухъун ГІяшура, — кьакъамайкІуд хІу, иш дунъяличиб бигІунси секІал итил дунъяличиб аллагъли чарбарили лугуси саби.

— Гъу, или биалли селра хІебирар, — чебарбяхъун Кембарла гъими — аммаки, дила ахІерси хъунул, хъуммартид итил дунъяличи барх ягълавра касес, аллагъли чарбарибси бухъмуй буцІехІе...

ХАБУРТАЛА ГІИНИЗ

— Унра, се сагаси хабар леба шилизиб?

— ХІебалас, дила унра, гъачамлис хъунул кариларад чаррухъи ахІен.

— Дилара карилар сархІели викІулра.

УРКУХЪАН ГІЯЛИРА ХЪУЛКНИРА

Гъачамра цІябси дугилизив къунзухъес или уркухъаи ГІяли кьакъализи дуравхъун. Мижитла гъала ветаили, ил тІашизур, илаб илини хІябал мурул адам чебаиб. Илди цаличил ца селичиларил гъайбикІулри. Хапли уркухъан ГІялини илдази хъарбаиб:

— Селичила саби хІушала ихтилат? Рахли хІушани набзи хІебурадалли, нуни хІушачила лебилра шантази балахъас.

Уру хбиубти адамтанира илизи бурили саби:

— Ишдуги ца адамла кигъа бигІес вягІдаладирутири нуша.

— ХІебиалли, иабра пай биахъес хъуммартидая, — иб илдази ГІялини.

ГІяхІцад замана арбяхъунхІели, хъулкни авал кигъара кили чарбухъуи, ва уркухъан ГІялизи иб:

— ХІера ихди кигъми, ихдазибад хІед дигусигъуна чеббикІа.

— Хіуша мехІур-мага диублирав? Нуни сен ца кигьа кайсуси? СекІал бархьли буртІес бурсидиубли ахІенра хіуша. Ишкьйда бирехІе — хІябал кигьара нура авал адиркехІе, ца кигьара хІябал хіушара авал детарудая, абикиб кьууллукь! Дигалли кьабулкадкая, рахли кьабулхІедикадалли, нуни ишди кигьмала вегІлизи балахъас!

Хъулкнира дебали урухбиуб ва ГІяли викІуси баріб. Савли кигьмала вегІлис ГІяли кьаршиикиб ва илизи хьарбаиб:

— Хіуни дила кигьми чехІедаирив, хІурматла ГІяли?

Уркухъан ГІялинира илис жаваб бедиб:

— Валлагь-биллагьрагу, чедаира. Дуги мижитла мякьлаб хІябал адам кьаршибикиб, илдани сарри хІела кигьмира дигІунти. Нуни илдази бурра: »ХІябал кигьара ца нура — авал детарехІе, ца кигьара хІябал хіушара авал детарудая. Рахли хіуша кьабулли диадалли, гІяхІси саби, кьабулли хІедиадалли, кигьмала вегІлизи балахъас!» Хіу вирхан, ил муэр буилри!

— Агь, хІела хъали буь, хІела муэртачи лехІирхъес дуравхъунсирив ну? — зигарухъи сай кигьмала вегІ.

БЯЧУНСИ ХЪАБА

ГІянжила хъабализир гьамтас ниь архули лерли, ца гІярбукІан хьунул адамлис сунела пикрумази мурхьикили льякьуси таркамалаи кьаршиикили сай ва, иличи къячикили, кабикили хъаба бячи саби.

— Я хъабала хІекь биха, я дила хъаба биха, — рикІули сари илизи гІярбукІан.

Таркамаланна арц дуилн ахІен, хІекьлис бедесира селра буили ахІен. ИлхІели ил гІямултачи ветухъи сай. Бячунси хъабала лерилра бутІни дучили, хъули ардухили, делкьи сай. ГІур, валлагь, ишди вацни

кадуршуту дармунти сари или дирцес вехІихъили сай. Чиди-дигара бирхарути шила адамтаиира илизирад илди «дармуити» асили сари. «Дармунти» сасибти адамтаиира илизирад илди «дармуити» асили сари. — Ишди гъумличи мешути дармунтаии вации

— Ишди гъумличи мешути дармунтаии вацни секъяйда кадуршуту? ГІямултарлира пишихъили илизи баяибарили сай:

— Ваца кабушес дигалли, ил буцили, илди гъумилала хІулбази калкъути сари, илхІели вацара бусягІят бубкІар.

Илала гъайличи вирхаурсилира лерилра «дармунти» асили сай, шилизи вакІили, дурхъа-дурхъали дицили сай ва гІярбукІан хъунул адамла хъабалараниълара хІекъ чебахъили сай.

ХЪУЛКИ СЕКЪЯЙДА ВАРГИБСИРИ?

Лебли буили саби, лебли буили саби мурулра хъунулра. Сенрил гъачам илдала къял бетакъили саби. Хъунул дебали децІлизирикили сари, рисули сари. Мурул илизи викІули сай

— ХІу лехІкахъи, марисуд, нушала къял бетакъниличила цалра адамлизи дубмайхъид. Хъулки сеннира саял дакІуулхъан!

ГІергъила бархІи илдачи унра вакІили сай.

— Гъай гІяйиб-гъай, хІушала пергерси къял бетакъили буили къалли! — викІули сай унра.

— ХІуни чинабад балуси нушала къял бетакъниличила, нушаникІун цалра адамлизи бурибси ахІенри иличила? ХІебиалли къял бигІунсира хІу уилри! — викІули сай къя вегІ.

Хъулки илкъяйда пужиубсири или бурули бирар.

ГАЗАЛА ГИДГАРИ

Гъачам байрумтала замана Мажалислизир урчи дуцІдарили сари. Гъалаб бакІили саби Уркухъла урчи. Чус децІагибти гІяхІмадкентлантани къасбарили саби челябкъуси дуслизиб сеннира чула урчи гъалаб бакІахъес. ГІяхІмадкентланни Уркарахъи ца адам вархъили сай, илдани чула урчи чииад тІалаббарибсил багъахъес. ВакІили гІяхІмадкеитлаини уркухъайзи хъарбиули сай: «Чииад бикахъибси хІушани ишгъу-иа бялхъя урчи?»

— Газала гидгарлизибад сайтІуира, — или жаваб чарбатурли сай уркухъай.

— Чинар дирути илди газала гидгури? — гІурра хъарбиули сай гІяхІмадкентлаини.

— Къаякеитла базарличир, — викІули сай уркухъай.

ГІяхІмадкеитлаи вакІили шилизи суиеии бакъибсичичила бурили сай. ИлхІели гІяхІмадкентлантани дучили дахъал арц, вархъили сай баягъи ил адам Къаялаша, газала гидгари асахъес.

ВакІили ил къаялашаитала базарличи, умцІули сай газала гидгарлигІив, гъеч чейули ахІен ил бирцуси адам. Гъар чиияралра кайхъили дирцули дуили сари халати цІуба къабакъуни. Ахирра, базар тІутІубирусам замана, баягъи ил гІяхІмадкеитлай ца къабакъуни дирцули кариибси рухъиа хъуиуизи хъарбиули сай:

— Се сари ишди хІуни дирцути?

— ХІуни-декІар се сарил чехІедиулрив? Газала гидгури сари! — или сари разихІериубси рухъиаини.

— Илдигу наб гІягІинити, ишбархІила бархІи умцІулра ну илдагІив. Сецадлеса ца гидгари? — викІули сай гІяхІмадкентлан.

Иш мехІуру, духулу или рухънани ца халаси багъа бурили сари.

ГІяхІмадкеитлай, чІяхІдарили кисаларад, бусягІятал арц дедили, къабакъ асили, викІули сай:

— Неш, бура, гъари, ишизибад тѣй секъѣйда салтѣу-
си?

— Музала бехІла кабихъили, ванаси хІѣкара че-
гъурли хІура авцІали бархІи гІяргІѣли къѣйда, ил
убуцили кайи, гІур илизибад тѣй дурабулхъан, — ри-
кІули сари дукарругес хІѣдурси рухъна.

ГІѣхІмадкентлан вакІили, чула шила чедибси му-
зала бехІла, къабакъра кабихъили, кайили сай. Хъу-
иуй илис берк-бержра бихули сари. Дикили сари вецІ-
ну шура бархІи. Се сабаб бетаурал, ил бархІи илала
хъуиуй берк-берж къанни лебхули сари. Ил дебали
гушиубли сай. Ляркъули агарал или, хІерэс ил ахъи-
зурлигу, илала удибси къабакъ музала бѣхІлизибад
гербухъи саби. ГербикІули, гербикІули, ца галгализи
чегили баргбердили саби. Галгалиуб бусуси гІѣра
уркІбухъи биругІеб бебшили саби.

Ил чебаибси гІѣхІмадкентлан викІули сай:

— Гъай-гъайиб гъай! ВецІиу шура бархІи кайибхІе-
ли, ихцад хъярхъли бубшуси, авцІали бархІи кайили
виасри, сецад хъярхъли бебшиши вара, их тѣй!

БУЛХЪРАН ВА ЯБУ

Гъачам ца булхъран ябуличи чедихъили гІалхІѣна-
ра сайра базарличи илди дицес гъѣиубли сай. Вашу-
ли, вашули ил ветаили сай ца мерличи. Илабси гъуни
миъ артІили буили саби. Ябу цІухІбухъи кабикили,
гІалхІѣна дялча или урухиубли, булхъран аллагъли-
чи дугъайзурли сай: «Иш гъуни хатІахІейкили ахъа-
хъес рахли, аллагъ, хІуни наб кумекбарадли, нун
мискинтас кІел къуруш дуртІис». ГІур булхъран багъ-
лалли, мяхІкамли гъѣйбарили ябура сайра ватихъили
сай ва вайси гъуни ахъили гІѣхІси гъуйчи дуравхъи
сай. Булхъран пикриухъи сай: «Сен нун мискин-
тас кІел къуруш дуртІутив, ну декІарли вахъ давла-
чевли хІейишагу».

Илкъяйда пикриикІули левли, булхъра ябу къард-
бухъи кабикили саби ва лерилра тІалхІяна дячи са-
ри.

— Агъ, хІябра биштІа-халайчи виуси аллагъ леври
къалли. Нуни масхараригу бурибси, хІуни маскурти
хІедалутив? — или булхъран хумардешличил гъуни-
ла дубла кайили сай.

Ил замана ил гъуйчивад аркъуси хІямшимай дар-
манагарвиубли кайибси булхъран чеили сай ва илис
гІякълу бурили сай:

— Дучану лерилра хІела дячуити тІалхІяна дел-
къеи. ГІур ардуха Хъярбукину, вацни дубкІахъути
дарман сари или дица, хІед халаси хайри бирариу.
Тяп ил викІуси барили, булхъран Хъярбуки арякъи
сай. Ил шила халкълизи багъахъур сунени вацни
дубкІахъути декъ хили вакІниличила.

Булхърайчи хІункърадли адамти башесбяхІиб, ле-
рилра илала декъ илдани ца камси заманала духІнар
асили тамандариб. Багъара биштІаси ахІенри: ца
ибан тІулека бицІибти декълис — гІяббаси. Дицили
илдира, арцли таврара бицІили сайра булхъран ши-
лизи чарухъи сай.

Цакамси заманала гІергъи Хъярбукла шилизивад
вакил вакІили, булхърайзи хъарбаили сай:

— ДарманкІун нушани асира, амма илдани вацни
дубкІахъули ахІен, се барес гІягІниси илди дебкІа-
хъес?

— Вацни дуцили илдала хІулбази дарман калкъу-
ти сари, — или жаваб бедили сай булхърай, хІулилра
линкІхІебарили.

— Вацни дуцили гІергъи, селис гІягІнити нушаб
хІела дарман, бяхъили лерси мерличир илди кахІе-
дуршули? — или гІясиубси хъярбукан сунела шили-
зи чарухъи сай.

Ца бутран адамли Ахъушала базарличи дицес унц-ра дагъара аркулри. Адамти хІеркІла къярдлизибад башутири ва цацахІели забла хІеркІличирли гъункъябас дахъал зарулти детарутири. Гъуни байхъубиуб-хІели, дубуртачир гъагулти цаладикиб, лямцІбикІес-бииб.

— Ва аллагъ, мадирахъид ишбархІи заб, — ахъду-циб бутрай заклизі сунела дяхІ-някъ, — эгер хІуни, къудратла вегІ, ну викІуси барадли, хІед нуни унц пешкешбирис.

Къяйк-къуйкдухъи, бара кІантІардухъи чяхІ-заб шалгІердухъун. Дубурланни дагъара унцра базарли-чи ара-сагъли даахъиб. Ишаб сунени аллагълизи бе-дибси гъай гъанбикили, ил хумариуб, багъа агарли сунела унц харжбарес илис мяштІбизур. Аллагъ сен-сеи виргІявиргишара или, бутран никриухъун.

— Унц сецадлис бирцулри? — хъарбиулри бутрай-зи асес муштартани. Дагъаличи илдани сегъуналра никри бяхІчиниули ахІенри.

— Унц бирцуси ахІен, ил дагъа асибиллис матъал бедлугуси саби, — жаваб лугулри бутранни. — Дагъа-ра асая, чебагъалис унцра лугас.

Тамашабиуб адамти гІяжаибси вачрукъяйчи ва ил дукелцІиличи вихъиб.

— ХІерая иш абдайчи, — бикІулри илди.

Ил бутрайчи тамашахІейубси ца хъубзара вагъари-уб ва дагъара чедн унцра асиб.

— Се декІардеш леба илизиб, — иб хъубзарли, — хІуни ца дагъалис кайсули виадли илди кІелра ми-цІирагла багъа. ГІямултар уилри хІу.

— ГІе, гъари, — иб бутрай. — Нуни аллагълизи гъай бедибсири, эгер базарличи ара-сагъли ваасли, нуни унц илис пешкешбирис или. ХІера, нуни бедиб-си гъай бетерхахъуррану.

АЙДИЛА БАРКЪУДЛУМИ

Айдила ца дава унц лебсири. БухънабаибхІели, Айдини ил бицес къасбариб. Бикулри ил Айдини базарличи, бикулри, амма исуси агара. Гъар вачар барес къасбарибсини унцла мухІли абхъили цулби, ахтар-ди дирули дуили сари. Бухъна саби, мукукриагар саби или, дава чилилра асес къасбирули ахІен. Илкъай-да хІябал баз Айдила дава базарличи башули «кеплизиб» кали саби. ИлхІели асес или чи гъамиалра, даваии суненицуи мухІли абхъили, цулби чедиахъули буили саби. Халкъ биалли дукарбирхІули, Айдис аицІбукъири. Цагъачам Айдини къасбарили сай дава сеиалра бицес. БебкІибси унцла мукукри дучили, илди хІяйва декли дицІили, давачи даршили сари. Мукукри даршибхІели, дава кегІебси унц бетаурли саби. Арбукили саби базарличи. Илис гъалаб сунени бурси багъаличиб ца барха ризкъилара имцІали бедили, цали унц асили саби. ГІергъила бархІи, дурхъали берхур или, Айди сунела хъунуйчил ихтилатикІули леви, унц асибси вакІили Айдичи чевхъи сай:

— Сен хІуии ну виргІявиргибсира, цархІил унцла мукукри чекаргъурли бухъна, дава унц гили?

— Жагъсира биубли, мукукрира лерси биалри, нуни унц бирцасив? — иб Айдини къабулхІейкили.

Х Х Х

Цагъачам Айди сунела уршиличил варх архІяли-чи аркъули уили сай. Айди сунези сай пикрикайкІули, лехІкахъили вашули сай. Урши биалли анцІбукъайс или хабурта угъули сай. Гъала-гъала ил гъайи-кІули кали сай сунени чедаиб-дакъибтачила. Айди биалли нличи лехІирхъули ахІенри, виалра, уршили гъар бурибсилис «мар саби» викІули сай. ИлхІели уршини къасбарили сай къунба угъес. Угъули сай ил къунба, угъули сай. Айди илхІелира гъар бурибсилис «мар саби» викІули сай. Ил секІал тамашабизурли, багълабарес тІашбизурхІели, уршили хъарбаили саби:

— Ягъари, дудеш, нуни марти дураслира, «мар саби» викІади хІу, къунба угъаслира «мар саби» викІади.

— Илра мар саби, урши, — иб Айдини, — гІурра сунела пикрумази ахъили.

Х Х Х

Гъачам Айди хъалачи гІяхІял вакІили сай. Айдини хъунуйзи беркала бара ибхІели, ил рикІули сари:

— Агъ, пикририкІулрагу нура бареси хІебалули, хайнига бираси, гІявадеш биалри, гидгурира агара къадин.

Х Х Х

Урус мез таманни далулра или, гумаЙла кабиби-хІив Айди суиечила сай гапикІули сай. ИлхІели кІел бухъиани Айдизи гиладибарили саби, саби картошка дицѐс аркъухІели, кумекбарес чучил варх илра вакІлахъес. Айди къабуликили сай. Шагъарлизи баили, картошка черкасибхІейс адамти учибикили, «почем картошка, почем?» или, суалбикІесбяхІили саби.

— Гъуй, Айди, — бикІули саби бухъиаби, — урус мезли бура ишдази картошкала багъа.

— Гъм-м-м, нушачиртигъуитив, гъатІи, ишарти урус мез? — викІули сай ил хІуитІеикайубли.

МАЛЛА НАСРЕДИНРА АЛЛАГЪРА

Пикрибарили сай Малла Насрединни аллагъличил кумхали мучи бегІес. Насредини бегІи, халабаахъили, биршили мучи бергили сай. ДакІибти мучи цуг-цугли кІел бутІаличи дутІили сай, цадехІ суиес, цадехІ аллагълис или.

Насрединни сунела мучи хъули ардухили сай, аллагъла ибти ардухахъес или дурар датурли сари.

ЗакивяхІ хІерикІули: «Ардухагу хІела мучи, аллагъ», — викІули сай Насредин. Аллагъли гъеч архули ахІен.

«ХІед дигуси бара»,— или дураб аллагъла пайра батурли сайра Насредин хъули арякъи сай. Хабарагарли дирихъ чебакІили, халати чяхІ-заб дарили сари. Кабухъунси хІеркІли аллагъла мучи ардухили сари. Заб черардякъунхІели, лямцІбикІули буили саби. ИлхІели Насредин аллагъличи дугъаизурли викІули сай:

— Гъей мехІур, ну ардуха викІухІели, ардухес хІебагъуррину, гъаина дигул замаиа цІудингара гъакІ-бирули хІура ца-ца къякъли луцІулрив?

МАЛЛА НАСРЕДИНРА УНРА ХЪУНУЛРА

Ца бархІи унра хъунул Малла Насрединичи ра-кІили рикІули сари:

— Бахъ дебали гІягІибикилину, урцуйчи бухес гъая гагу.

— ИшбархІи иуни мучи бархІилиу дерахъес дяхІи-хъутину, гес хІейрус — или жаваб бедили сай Насрединни.

Х Х Х

Малла Насрединичив чедивикес дигуси ца адамли илала улкъайлабад вявъиб:

— Малла Насредин, хІела хъулуй хІябал някъла вегІ урши варкъалли, се бирида?

— Шинкъанкула вирис, — жаваб чарбатур Малла Насредини. — КІел някъли гавлагла дубани дуца-хъили, цали декъ айхъяхъес.

Х Х Х

Малла Насрединни уирализи хъарбаили сай:

— Сегъунти урцул ункъли улкаиа?

— ЦацабехІти бикІар, курегала гІяхІил улкан или, цархІилти — махъла, — жаваб бедеб унрала.

Валлагъ, нуни ахтардихІедарили хІедалтас или, Малла, касили иабтра сайра, арякъи сай вацІализи.

Дяхъили урцул, ца шайчи махъла итил шайчи куре-
гала кайхъили, эмхIес дех барили сай. Чидилти жа-
гали улканал баласра гъанна нуни илди или, набт
чертIили цIадушили сай. ЦIа алкунхIели, эмхIе су-
нела лебилра цIакъличил дуцIбухъи саби.

— ХIела цакамсилра дагъри лер диалли, шизи
бухIнабулхъад, — викIули сай Малла.

УНЗА ЧЕДИЭС БАГЪАНДАН

Гъачам Насрединиа бегIти хIянчила арбякъи саби
ва иличи хъарбарили саби, вари, унза чехIедиъна
армякъад, хъули хъулки лявкъянну или.

ИлхIели Насрединиа бегIтачи гIягIиили унра ши-
лизивадси адам вакIили сай ва бегIти кахъес тила-
дибарили сай. ИлхIели Насрединни унза къябдарили,
гIелахъили бегIти кес арякъи сай.

— ВяхI, ишди уиза се дирулри ? — или хъарбаили
саби бегIтаии, уиза гIелахъибси Насредини чеили.

— Валлагъ, хIушани бурибсиригу ну унза чехIе-
диъна хIявкъяхъес. ХIушани ибси барили, уиза чеди-
эс багъандаи, илди иша садухира.

НАСРЕДИН ХЪУБЗАРЛИ

Гъачам Малла Насредин хъубзардеш дарес арякъи
сай хужаимличи. ВягIда дусли ца хIяка барес буи-
ли саби. Дус дикибхIели, хужимли дебали биштIаси
хIяка барили бедили саби, Насрединиа ца къяшалра
кIапIхIебири ил хIякали.

— Сеи биштIаси барибси, хужаим, ил хIяка? — ви-
кIули сай Насредини.

— Нуша халаси хIяка барес или вягIдаладиубти
ахIеиригу, — жаваб бедиб хужаимли. — Ишизиб се
камли?

ГяхІси саби или — Насредин лехІкахъили сай.

ГяхІцад замана арбякъунхІули, хужаимли Насрединничи хъарбарили сай: «Гъанна набчи гІяхІли лябкъутину, цІара бикъа, шангра чебиза». Насрединни биштІаси цІара бикъурли сай, дебали ахъли, шин кахІертІили, халаси шангра чебизурли сай.

Хужаим вакІили хІерикІалли, Насрединни барибси чебаили сай ва илизи викІули сай:

— Ягъари, се барилри хІуни? Иш цІали иш шанг хІеруржахъни хІебаладу? Шанглар шин гІягІнити диъни хІебаладу?

— ХІу араираби хужаим, хІуни набзи халаси цІара бикъа, шангла шинра кертІа хІеиригу, — викІули сай Насредин.

— ХІеалли, хІуни хІебалуси? — иб хужаимли.

— Иш хІякали ну ванахІерни хІуни-декІар хІебаладив? — къаитІкайуб Насредин.

Хужаимлис гъатІи буреси кахІелуи.

МАЛЛА НАСРЕДИНРА КЪАДИРА

Гъачам Малла Насрединни берцІили гІяргІяра сайра пулав барили сай. Кабихъили сунела гъала Насредин укес хІядурнубли сай. Амма укес вехІихъес гъалав ил никриухъи сай: «Гъанна ну гІяхІил-декІар укес дигули ахІенра, рахли, бусягІят нуни пулавра гІяргІяра деркасли, селра тІягІям агарли кани бицІахъиигъуна бирар. Кани бицІахъес пулавли ахІи, мучари беркира вири. Юх! Гъари, ца шадив аркъяс, къунзулхъас базарличивад, ил замайс ну гуширус, илхІели халал тІягІямличил пулавра букас».

Сунела мерлчиб батурли сай илини пулавли бицІибси кІабатІ. ГІекІили унза, унзала мякълабси къаркъала уди умхъу кабихъили, шадив арякъи сай.

Гъунчиб илис цугбикили саби кІел жагъил адам. Игъдибар агарли илдачи хІеръили, Малла Насредин викІули сай:



— Чина аркѹлра хІуша, мялгІунти?
Илди иличи тамашабиубли, секІалра хІеили хІерби-
зурли саби.

— Агь, хІуша гІурра гъайра хІейкІулрагу, — ве-
хІизурли сай Насредин, — нуни балас хІуша чина
аркѹлрал. ХІуша мялгІунти, аркѹлра дила пулав
беркес. Гъу? Багъуррав?.. ХІера, ит саби дила юрт,
хъулиб нуни батурра пулавра, берцІибси гІяргІяра,
унза гІекІнра, умхъу уизала мякълабси къаркъала
уди кабихъира. Рахли, абхъили унза, хІушани дила
пулав беркадалли, хІуша нуни къадичу аркура».

Дурили жагътази илдира, Малла Насредин гъуни
буцили гъайиубли сай. Жагътира, ил мехІур сай или,
гъайбиубли саби. Амма Малла Насрединна юртла
мякъла бетаалли, илдани уизала мякълаб чебаили
саби чузи ибсигъуна къаркъа. Илдазивад цали ахъбу-
цили сай къаркъа. Илаб, марлира, баргили саби ум-
хъу. Унза абхъили хІеръалли, чебаили саби пулавли
бицІили кІабатІ чедиб берцІибси гІяргІяра сабира.
БухІнабухъунтала беркайчи иштяхІдухъи сари, ва ил-
ди кабиили, берки пулав, Малла Насрединнис датур-
ли сари лигубицун. АркѹхІели, илдани гІекІили ун-
за, умхъу къаркъала уди кабихъили саби.

Барили гІяхІцад шадиб-гъунира сайра, Малла Нас-
редин хъули чарухъи сай ва пикриухъи сай: «Берку-
нара итдани дила пулав, хІеберкунара? Рахли, къар-
къала удиб умхъу хеббиалли — пулав илдани хІебер-
кун, агара биалли — беркун».

Илини къаркъа ахъбуцили сай, къаркъала удиб ум-
хъу баргили сай. Унза абхъили хІеръалли, чебаили
сай лигуба бицІибси тІас. ХІейгибизурдешли Малла
Насредин лев мерличив шипІваргІили сай. ТІасла
мякъла тІашизурли ил пикриухъи сай: «Чили бер-
кунара дила пулав? Къаркъала удиб умхъу баргхІе-
баргили внабри, итди жагъта беркун викІес вира-
си. Умхъу сунела мерличиб сабри. ГІяйиблабарес ил-
ди асухІебирар...»

Малла Насредин пикрикІули левли, ца тІентІ бакІи-

ли лигубачи кабиили саби. Насредин хІякизурли, багълали тІентІла къяшми дуцили сай. ТІентІ биалли батбухъес дигули «зизз» или тІамали бирули саби. Малла Насредин гІясиинубли сай.

«Агъ, — вавъили сай илини, — берки дила пулавра, гІяргІяра, гІурра хІу «зизз» бикІулри? ХІу багъандаи ну гушли калес чевкъули саби. ГІурра хІу урези агарли «зизз» бикІулри!.. ТІашбизи, гъари, нуни бархъдеш бургисиу. Баши, аркъехІе къадичу», — или Малла Насредин тІентІра сайра къадичи гъайиубли сай.

— Къади, — викІули сай илизи, — вакІилра хІечи суд барахъес. Нуни хъулиб батурли пулавра, берцІибси гІяргІяра нура шадив вякъунра. Уиза гІекІира, умхъу къаркъала уди кабихъира. ЧариубхІели, нуни умхъу сунела мерличиб баргира, амма я пулав, я гІяргІя хІедаргира. Илди дерки сари иш тІентІли: нуни саби буцира гІеладухъунти лигубала чедиб. Илди деркинн хІейули, гІурра саби набзи «ззззз» бикІули саби!.. ХІуни къуръайзи хІеръану, ишис сегъуна чебаахъилил бура».

Къадини бакІахъили къуръан, ил мехІур чевикахъес багъандан, хІеръили илизи викІули сай: «Иш кунглизиб белкІи саби, тІентІ батаэс гІягІниси саби, чина ил кабиалра ил кабибил мерличи бяхъес гІягІнили саби иш тІерхъали (къадини бедили сай сунела тІерхъа). ИлхІели балад, гІяйибла вегІ чи саял, гІяйибагарси чи саял. Рахли тІентІличи агахъадли, гІяйибла бегІ саби тІентІ, хІегахъадли — иличиб гІяйиб агара».

— Тяп или белкІив ил кунглизиб?» — хъарбаили сай Насрединни.

— Саби, — жаваб бедили сай къадини. Малла Насрединни тІентІ бархъаили сай. Хъулибад лас-ласбухъи, ил къадила андаличи кабили саби. Малла Насрединни гІела-гъала чІикъитІи бяхъили сай — къади хІили чяхІикІули кайкили сай.

Малла Насредин иличи валкайкили хъули чарухъи сай.

Къади багълаиубси замана, илини сунела лагълизи буйрухъбарили сай, Малла Насрединнис дяхъяхъес. Илини илис дяхъили сай. Малла Насредин гIурра вакIили сай къадич .

— Се гIягIинили хIед? — хъарбаили сай къадини илизи гъими-гъимили.

— Ну гIурра хIечи вакIилра бархъдеш баргес, — ви-кIули сай Насредин, — хIела лагъли наб дяхъиб, илис танбихI барес гIягIиниси саби. ХIеръа кунглизину, барга, гъари, илис се белкIил илала хIекълизиб.

Къадини хIеръили сай, кIинайс тIалабарили сунела лагъ, буйрухъбарили сай Малла Насредис дедахъес 20 кепек, жузлизи или белкIи саби или. Малла Насрединни сасили сай гIяббаси. Иличи хIеръили, ви-кIули сай: «Иш 20 кепек ахIенну, 15 кепек саби. Ма, хIела хIед». Лагъли биалли 20 кепек саби или сасили ахIен. ИлхIели Малла Насрединни къадис бедили сай ил арц, тиладибарилн бархъдеш сунези баргахъес.

Къадини арц сасибмад, Малла Насрединни къадила бекIлизи дяхъили сай.

— Се бирулри хIуни, мялгIун! — вьвъили сай къадини.

— Се бирулрал чехIейулрав? — ви-кIули сай Малла Насредин хIела лагъли гъала-гъала дяхъили, гIургиб наб арц, нуни биалли хIед гъала-гъала арц лу-гулра, гIур дирхъулра.

ГIЯББАСИЛА БАГЪА

Гъачам Малла Насредин гъуникад аркъули левли, сунес хабарра агарли ца адамли илала хъянтIани хункIли бяхъили сай. Малла Насредин гIясиуубли сай ва ласиуубли илис бяхъес вализурли сай.

— Эй, ашна, хIебагъурра, — ви-кIули сай ил Насрединниси. Багъадлира хIебагъадлира хIуни наб хIяз-лис бяхъирину, ваши къадичи судличи или Насредин-

ни ил арукили сай. Къади баягъи ил бяхъибси адам-ла гъалмагъ уили сай. Къади илис бяхънилис гІяббаси бедес гІягІиили саби викІули сай.

Бяхъибси адам къадизи, валлагъ, гъанна иабзиб гІяббаси агарану, хъули вякъи лебхис или, дуравхъи ветахъили сай. Малла Насредин ца сягІят хІерли кайили сай, гъеч ил адам дакІуухъи ахІеи. ИлхІели Насредин сай виргІявиргниличи шакикили сайну, ца пикри-пикриухъи, къадичи гъамиубли сай ва,— «Гъари, къади, гъаина ну къанирулрану, бяхънила, багъа гІяббаси биалли, итини хибси гІяббаси хІед каса, гъари», — бизахъурли витІ-витІакІили виругІев къадила хъянтІализи хункІ бяхъили, дураухъи хъули арякъи сай.

МИЦИРАГЛИЧИЛА ХАБУРТИ

ГуглахІяй — Б. Далгатли белкІунси саби, (РФИИЯЛ, д — 216). «Даргала халкъла хабурти» бикІуси сборниклизи кабахъибси саби дарган мезли. (Цалабахъибси саби З. ГІябдуллаевли, С. ХІясановани, МяхІячкъала, 1959 д.)

УркъатІайра, ЛагартІайра, ХІедагърира — белкІунси саби Б. Далгатли, 1886 — 87 ибти дусмазиб. (РФИИЯЛ, д — 216). Даргала халкъла хабурти» бикІуси сборниклизи даргаи мезли кабахъибси саби. (Цалабахъибси саби З. ГІябдуллаевли, С. ХІясановани, МяхІячкъала, 1959 д. «Даргала хабурти» бикІуси сборниклизи урус мезлира кабахъибси саби. Цалабахъибси саби М. — З. ГІусмановли, М. 1963 д.

Дуббуцибси гурда — белкІунси саби Сергокъалала ХІурхъила шилизиб З. А. МяхІяммадовли. Бурибси ГІячикъли ахІен.

БецІра гурдара — 1959 ибил дуслизиб дурабухъунси «Даргала халкъла хабуртала» жузлизибад касибси саби. 1957 ибил дуслизиб Хайдакъла районна Рукъа шилизиб З. ГІябдуллаевли белкІунси саби. Бурибси саби 1906 ибил дуслизив акІубси Арслангиреев ГІябдусаламли.

Гурдара къазра — белкІунси саби Ф. ГІялиевани 1967 ибил дуслизиб Дахадаевла райониа Кубачила шилизиб БяхІмуллаева ПатІиматли бурни хІясибли. Ил хабарла дахъал жураби лерти сари. ИмцІали тІинтІбиубси саби «Гурдара къургъра» бикІуси хабар, БелкІунси саби П. К. Усларли ХІХ ибил даршдусла 60 ибти дусмазиб. Ил РФИИЯЛ-ла фондлизиб лебси саби. Урус мезли «Дагъиста хабурти» бикІуси сборниклизи кабахъибси саби, М. 1957 д. Ил илкъяйдали «Даргала хабурти» бикІуси сборниклизибра леб. Ил сборник цалабахъибси саби М. — З. ГІусмановли, М. 1963 д.

Гурдани арслан секъяйда бирГІябиргиба? — белкІунси саби Ф. ГІялиевани 1977 ибил дуслизиб Да-

хадаевла районна Кубачила шилизиб Ниналалова Марьямли бурни хІясибли.

Гурдара хурира — делкІунти сари З. МяхІяммадовли, М. - С. Мусаевли. Дурибси белгили ахІен.

Гурдара гІежара — БелкІунси саби З. МяхІяммадовли, М. - С. Мусаевли. Дурибси белгили ахІен.

Гурдара гІежара — белкІунси саби З. МяхІяммадовли ва М. - С. Мусаевли. Бурибси белгили ахІен.

Меседура гурдара — белкІунси саби СергокЪалализиб З. МяхІяммадовли ва М. - С. Мусаевли. бурибси саби 1895 ибил дуслизир акІубси Закаръева ПатІиматли.

Имиала ва зела кьякъ — белкІунси саби СергокЪалалала районна ХІурхъила шилизиб даргала нисатель ХІ. ГІялиевли.

Мегъла уста бецІ — белкІунси саби СергокЪалализиб З. МяхІяммадовли. Бурибси саби 75 дус виубси ГІ. Акаевли.

ЭмхІера валрира — белкІунси саби З. МяхІяммадовли. Бурибси саби даргала писатель ХІ. ГІялиевли. Иш хабарла вариант «Даргала халкъла хабурти» бикІуси жузлизиб лебси саби.

ЭмхІе ва арсланкъаплан — белкІунси саби З. МяхІяммадовли ва М. - С. Мусаевли. БелкІунси мер ва бурибси белгили ахІен.

Гъай далуси маза — 1967 ибил дусла «Гъалмагъ-деш» журналлизирад касибти сари. ДелкІунти сари Дахадаевла районна. Уркухъла шилизир ГІябдулкъадир МяхІяммадовли.

Хасайра синкара — белкІунси саби СергокЪалалала районна Мургукла шилизиб З. МяхІяммадовли ва М. - С. Мусаевли. Бурибси саби Баширова Хадижатли.

СИХІРУЛА ХАБУРТИ

Духуси урчи — белкІунси саби Ф. ГІялиевани 1980 ибил дуслизиб Дахадаевла районна Кубачила шилизиб Ширпаева Издагли бурни хІясибли.

Узира рузира — белкІунси саби Ф. ГІялиевани 1970 ибил дуслизиб Хайдакѣла районна ЧІяхІдикІни-ла шилизиб ИсмягІилова ПатІиматли бурни хІясибли.

ХІябал узи — белкІунси саби Рашидова Сайгибатли 1980 ибил дуслизиб Сергокѣалала районна Дегвала шилизиб Идрисова ПатІиматли бурни хІясибли.

Вицибси урши — белкІунси саби Рашидова Сайгибатли 1980 ибил дуслизиб Сергокѣалала районна Дегвала шилизиб Идрисова ПатІиматли бурни хІясибли.

Шагъ ГІяпнас — белкІунси саби Ф. ГІялиевани 1967 ибил дуслизиб Дахадаевла районна Кубачила шилизиб БяхІмуллалова ПатІиматли бурни хІясибли.

СихІрула гидгари — белкІунси саби Ф. ГІялиевани 1967 ибил дуслизиб Дахадаевла районна Кубачила шилизиб БяхІмуллалова ПатІиматли бурни хІясибли.

КІел рузи — белкІунси саби Ф. ГІялиевани 1980 ибил дуслизиб Дахадаевла районна Кубачила шилизиб Ниналалова Марѣямли бурни хІясибли.

Кѣаркѣаурси Бяжук — белкІунси саби Ф. ГІялиевани 1980 ибил дуслизиб Дахадаевла районна Кубачила шилизиб Ниналалова Марѣямли бурни хІясибли.

Издаг рурси. — белкІунси саби Сергокѣалала районна ГІяймамахѣилизиб З. МяхІяммадовли ва М.-С.Му саевли. Бурибси белгили ахІен.

ВерхІел узилис — верхІел рузи — 1959 ибил дуслизиб дурабухѣунси «Даргала халкѣла хабуртала» жузлизибад касибси саби.

ГІялира ГІяйшатра — 1959 ибил дуслизиб дурабухѣунси «Даргала халкѣла хубуртала» жузлизибад касибси саби. Бурибси белгили ахІен.

ЦІуба ГІяргІя — «Гѣалмагѣдеш» альманахла 1969 ибил дусла 4-ибил номерлизибад касибси саби. БелкІунси саби Дахадаевла районна Сулевкентла шилизиб ГІябдуллаев Сулейманни. Бурибси белгили ахІен.

БЕКІАХЪУДИЛА ХАБУРТИ ВА АНЕКДОТУНИ (БЕКІАХЪУДИЛА ХАБУРТИ)

Марзият — белкІунси саби Ф. ГІялиевани 1970 ибил дуслизиб Хайдакъла районна ЧІяхІдикІнила шилизиб Даидбеков ИсмягІилли бурни хІясибли.

Дагъричерси рурси — белкІунси саби Ф. ГІялиевани 1970 ибил дуслизиб Хайдакъла районна ЧІяхІдикІнила шилизиб Пашаева Султанатли бурни хІясибли.

Шинкъанкула — белкІунси саби Ф. ГІялиевани 1967 ибил дуслизиб Дахадаевла райоина Кубачила шилизиб БяхІмуллалова ПатІиматли бурни хІясибли. Ил хабарла дахъал жураби лерти сари, сарира Дагъиста декІар-декІарти миллатунала ургар тІинтІидиубти. Дарган мезли кабахъибси саби «Даргала халкъла хубурти» бикІуси сборниклизи. (Цалабахъибси саби З. ГІябдуллаевли, С. ХІясановани, МяхІячкъала, 1959 д. Урус мезли кабахъибси саби «Даргала хабурти» бикІуси сборниклизи). Цалабахъибси саби М.-З. ГІусмановли М. 1963 д.

Къисмат — белкІунси саби Ф. ГІялиевани 1967 ибил дуслизиб Дахадаевла районна Кубачила шилизиб Ниналалова Марьямли бурни хІясибли. Дагъиста халкъанала, илкъяйдали армянтала, гуржнала, осетинтала ургар тІинтІидиубти ил хабарла дахъал жураби лерти сари. Дарган мезли кабахъибси саби «Даргала халкъла хабурти» бикІуси сборниклизи. (Цалабахъибси саби З. ГІябдуллаевли, С. ХІясановани, МяхІячкъала, 1959 д. Урус мезли кабахъибси саби «Даргала хабурти» бикІуси сборниклизи. (Цалабахъибси саби М.-З. ГІусмановли, М. 1963 д.

Ца мискинсини давлачевси унра секъяйда виргІяиргиба? — белкІунси саби Ф. ГІялиевани 1970 ибил дуслизиб Дахадаевла районна Кубачила шилизиб БяхІмуллалова ПатІиматли бурни хІясибли.

Чалтукханна макру — белкІунси саби Ф. ГІялиева-

ни 1977 ибил дуслизиб Дахадаевла районна Кубачила шилизиб Ширпаева Издагли бурни хІясибли. Ил хабарла чумал жура лерти сари.

Цулбауб диъ ха — белкІунси саби Дахадаевла районна Уркухъла шилизиб З. МяхІяммадовли. Бурибси саби ГІябдулкъадир МяхІяммадовли.

ХІу кали гІергъи, наб селра хІейги — 1969 ибил дусла «Гъалмагъдеш» журналла цабил номерлизибад касибси саби. БелкІунси саби Дахадаевла районна Уркухъла шилизиб ГІябдулкъадир МяхІяммадовли. Бурибси белгили ахІен.

Къалтинти диран талхъан — белкІунси саби Ахъшала районна Усишала шилизиб З. МяхІяммадовли. Бурибси саби 1906 ибил дуслизив акІубси Къурбанов КарцІанни.

Гъунар чила халаси — 1971 ибил дусла «Гъалмагъдеш» журналла 3-ибил номерлизибад касибси саби. БелкІунси саби Лавашала районна ЦІудхъурла шилизиб ГЪ.-М. Юсуповли. Колхозник ЖабрагІилов Хутта-мяхІяммадли бурни хІясибли.

ХІялалси дурхІя — белкІунси саби Сергокъалала районна ХІурхъила шилизиб ХІ. ГІялиевли. Бурибси белгили ахІен.

Набадарн — белкІунси саби М.-С. Мусаевли Сергокъалала районна Мургукла шилизиб. Бурибси саби Исранова Муслиматли.

Хъуна хІянчилизи ахъибси мурул — белкІунси саби М. Абакаровли 1980 ибил дуслизиб Дахадаевла районна Кубачила шилизиб Акъаева Маннабанн бур-хІясибли.

Азгъин рурси — белкІунси саби Ф. ГІялиевани 1980 ибил дуслизиб Сергокъалала районна Дегвала шилизиб ГІябдуллаева ГІябидатли бурин хІясибли.

Хъуна гІямулти. КІел хъунулла бегІти — делкІунти сари Дахадаевла районна Кубачила шилизир З. МяхІяммадовли. Бурибси белгили ахІен.

Хъубзара ва ханна хІябал хъунул — белкІунси саби З. МяхІяммадовли. Бурибси саби ХІ. ГІялиевли.

Сукъур Къурбан — белкӀунси саби З. МяхӀяммадов-
ли. Бурибси саби 1906 ибил дуслизив акӀубси Ахъу-
шала района Усишала шилизивадси Къурбанов Кар-
цӀанни.

Чирти-Хирти — белкӀуиси саби З. МяхӀяммадовли.
Бурибси саби Къурбанов КарцӀанни.

ЭмхӀес эмхӀе бициб — белкӀуиси саби Ф. ГӀялиева-
ни 1980 ибил дуслизиб СергокӀалала района Дегва-
ла шилизиб ГӀябдуллаева ГӀябидатли бурни хӀясибли.

Къиркъир хъунул — белкӀунси саби Ф. ГӀялиевани
1977 ибил дуслизиб Дахадаевла района Уркухъла
шилизиб Муслимова Хадижатли бурни хӀясибли.

ГӀямултар хъунул. КӀел хъуна кӀел бигнаба — дел-
кӀунси сари Ф. ГӀялиевани 1967 ибил дусизиб Даха-
даевла района Кубачила шилизиб БяхӀмуллалова
ПатӀиматли бурни хӀясибли.

Авршализи зе алкъан — белкӀунси саби М.-С. Му-
саевли. Бурибси сари Исранова Муслиматли.

Хъубзарла пагъму — «Даргала халкъла хабурти»
бикӀуси сборниклизибад касибси саби. БелкӀунси саби
З. ХӀяжиевли. Урус мезличи шурбатурли М.-З. ГӀус-
мановли «Даргинские народные сказки» жузлизиб ду-
раиб.

Хъулки-палтарла уста — белкӀунси саби СергокӀа-
лала района ХӀурхъила шилизиб З. МяхӀяммадов-
ли. Бурибси саби даргала писатель ХӀ. ГӀялиевли.
ДФНИИЯЛ-ла белкӀла фондла 219 ибил делолизиб
вариант лебси саби.

Къадира рухънара — 1959 ибил дуслизиб дураибси
«Даргала халкъла хабурти» жузлизибад касибси
саби.

Малла ва хъубзара. Маллала гапъала — делкӀунти
сари СергокӀалала района ХӀурхъила шилизир дар-
гала писатель ХӀ. ГӀялиевли. Дурибси белгили ахӀен.

Ахъушан ХӀяжи — белкӀунси саби СергокӀалали-
зиб З. МяхӀяммадовли. Бурибси белгили ахӀен.

НукӀун гӀяшра виубра — ахъра — бедкӀунси саби Да-
хадаевла района Уркухъла шилизиб З. МяхӀямма-
довли. Бурибси саби ГӀябдулкъадир МяхӀяммадовли.

Зия ХІяжила рурси ва кьуръа ада — белкІунси саби З. МяхІяммадовли. Бурибси саби Сергокъалала районна ХІурхъила шилизивадси пенсионер ГІябдуллаев Халимбейли.

Багъудичевси кьади — белкІунси саби 1966 ибил дуслизиб Сергокъалала районна ГІяймаумахъила шилизиб З. МяхІяммадовли. Бурибси саби 85 дус виубси Ильясов Хангишини. НИИЯЛ-ла рукописный фондла 118 ибил делолизиб леб илала вариант. Ил белкІунси саби Сергокъалала районна Мюрегола шилизиб 30-ибти дусмазиб ГІ. ГІялиевли.

Кьулса биалли, гІяхІти нергъ лер кьалли. Ну уки гІергъи, чина калхъусира — делкІунти сари Дахадаевла районна Уркухъла шилизир З. МяхІяммадовли. Дурибти сари ГІябдулкьадир МяхІяммадовли.

ХІярамси хІебиалли — белкІунси саби М.-С. Мусавли, Бурибси саби Исрапова Муслиматли.

Бухъмуй. Хабуртала гІиниз — 1968 ибил дусла «Гьалмагъдеш» журналла 4-ибил номерлизирад касибти сари. ДелкІунти сари Лавашала районна МикІ-хІила шилизир М.-Ш. ГІисаевли.

Уркухъан ГІяли ва хъулкни — белкІунси саби Ф. ГІялиевани 1980 ибил дуслизиб Дахадаевла районна ГІяммузгила шилизиб Рабаданов Къурбай бурни хІясибли.

Бячунси хъаба — белкІунси саби Ф. ГІялиевани 1967 ибил дуслизиб Дахадаевла районна Кубачила шилизиб Халилова Аматуллани бурни хІясибли.

Хъулки секъяйда варгиба? — белкІунси саби Ф. ГІялиевани 1982 ибил дуслизиб Дахадаевла районна ГІяммузгила шилизиб Рабаданов Къурбай бурни хІясибли.

Газала гидгари — белкІунси саби МяхІячкъала шагъарлизиб М.-С. Мусавли ва З. МяхІяммадовли. Бурибси саби Б. ГІялибековли.

Булхъран ва ябу — белкІунси саби Ахъушала районна Усишала шилизиб З. МяхІяммадовли. Бурибси саби Къурбанов КарцІанни. ДФИИЯЛ-ла рукописный фондла 9-ибил делолизиб вариантра лебси саби.

Аллагъ виргІяиргии — белкІунси саби Сергокълала районна ХІурхъила шилизиб ХІ. ГІялиевли. Бурибси белгили ахІен.

Айдила баркьудлуми — «Гьалмагъдеш» журналла 3-ибил номерлизибад касибси саби. БелкІунси саби Б. ГІялибековли.

Малла Насрединра аллагъра. Малла Насрединра ун-ра хьунулра — делкІунти сари Сергокълала районна Мургукла шилизир М.-С. Мусаевли. Дурибти сари Иса-рапова Муслиматли.

Унза чедиэс багъайдан. Насредин хьубзарли — делкІунти сари Ахъушала районна Ахъушала шили-зир З. МяхІяммадовли. Дурибти белгили ахІен. Урус мезличи шурбатурли М.-З. ГІусмановли иш хабар «Даргинские народные сказки» бикІуси жузлизиб ду-раиб.

Малла Насрединра кьадира — белкІуиси саби Сер-гокълалала районна ГІяялизимахъилизиб З. МяхІям-мадовли. Бурибси саби 1928 ибил дуслизив акІубси И.-М. ХІясан-ХІусеновли.

ГІяббасила багъа — 1959 ибил дуслизиб дурабу-хъунси «Даргала халкъла хабуртала» жузлизибад ка-сибси саби. БелкІунси саби З. ГІябдуллаевли. Буриб-си саби Хайдакъла районна ГъярацІани шилизивад-си 1931 ибил дуслизив акІубси Иманзагъиров Ума-латли.

Ж У З Л И З И Р Т И

Халкъла хабурти (БелкІунси З. А. МЯХІЯММАДОВ)	3
МИЦІРАГЛИЧИЛА ХАБУРТИ	
ГуглахІяй	8
УркьатІайра, ЛагартІайра, ХІедагърира	9
БецІра гурдара	11
Дуббуцибси гурда	12
Гурдара хурира	13
Гурдара къазра	14
Гурдани арслан секъяйда биргІябиргиба?	15
Гурдара гІежара	16
Меседура гурдара	17
Имиала ва зела къякъ	21
Мегъла уста бецІ	23
ЭмхІера валрира	23
ЭмхІера арсланкъапланра	25
Гъай далуси маза	27
Хасайра синкара	29
СИХІРУЛА ХАБУРТИ	
Духуси урчи	33
Узира рузира	35
ХІябал узи	41
Вицибси урши	45
Шагъ ГІяппас	48
СихІрула гидгари	50
КІел рузи	54
Къаркъааурси бяжук	56
Издаг рурси	57
ВерхІел узис — верхІел рузи	61
ГІялира ГІяйшатра	65
ЦІуба гІяргІя	70

БЕКІАХЪУДИЛА ХАБУРТИ ВА АНЕКДОТУНИ

Марзият	74
Дагъричерси рурси	82
Шинкъанкула	89
Къисмат	92
Ца мискинни давлачевси унра секъяйда виргІяиргиба?	95
Чалтукханна макру	96
Пулбауб диъ ха	98
ХІу кали гІергъи, наб селра хІейги	99
Къалтинти диран талхъан	102
Гъунар чила халаси?	104
ХІялалси дурхІя	115
Набадари	117
Хъуна хІянчилизи ахъибси мурул	117
Азгъин рурси	119
Хъуна гІямулти	120
КІел хъуна бегІти	121
Хъубзара ва ханна хІябал хъунул	123
ВегІла жан ахІерли дирар	126
«Сукъур» Къурбан	128
Чирти-хирти	133
ЭмхІес эмхІе бициб	135
Къиркъир хъунул адам	137
ГІямултар хъунул	137
КІел хъуна кІел игнаба	138
Аврушализи зе алкъан	139
Хъубзарла пагъму	140
Хъулки — палтарла уста	142
Къадира рухънара	143
Малла ва хъубзара	144

Маллала гапъала	146
Ахъушан ХІяжи	147
НукІун гІяшра виубра — ахъра	148
Зия ХІяжила рурси ва къръа ада	149
Багъудичевси къади	154
Ну уки гІергъи,чина калхъусира?	155
ХІярамси хІебиалли	155
Бухъмуй	155
Уркухъан ГІялира хъулкнира	156
Бячунси хъаба	156
Хъулки секъяйда варгибсири?	157
Газала гидгари	158
Булхъран ва ябу	159
Аллагъ вирГІявиргни	160
Айдила баркъудлуми	162
Малла Насрединра аллагъра	163
Малла Насрединра унра хъунула	164
Унза чедиэс багъандан	165
Насредин хъубзарли	166
Малла Насрединра къадира	167
ГІяббасила багъа	171
МицІирагличила хабурти	173
СихІрула хабурти	174
БекІахъудила хабурти ва анекдотуни	176

ДАРГИНСКИЕ НАРОДНЫЕ СКАЗКИ

На даргинском языке

Составители:
Загир Алибекович Магомедов,
Фатима Абдуловна Алиева

Редактор А. А. Абдулманапова
Художник И. Ю. Шовкринский
Художественный редактор Я. Д. Марковский
Технический редактор Р. Ю. Буттаева
Корректор Х. М. Омарова

ИБ 2172

Сдано в набор 27.02.89. Подписано в печать 26.06.89.
Формат 60x84 1/16. Бум. офс. № 2 Школьная гарнитура. Печать
офсетная. Усл. п. л. 10,69. Уч.-изд. л. 6,76. Тираж
4000. Заказ № 1032 Цена 45к.

Дагестанское учебно-педагогическое издательство Госкомиздата ДАССР,
Махачкала, ул. Пушкина, 6.

Типография им. С. М. Кирова Госкомиздата ДАССР,
Махачкала, ул. Маркова, 51.

